

NAZ.
e III

I

BIBLIOTECA NAZ.

XLII

A

44

NAPOLI

XLII

A

44

BIBLIOTECA NAZ.

Vittorio Emanuele III

XLII

A

44

NAPOLI




DEMOCRITUS
RIDENS.

SIVE
CAMPUS REVELA-
TIONUM HONE-
STAEVAE.

Cum
EXORCISMO
Melancholiae.

AMSTELODAMI.
Apud VIDUAM ET HEREDES.
IODOCI IANSSONI MDCLV.

*Library of the Royal Society
presented to the Society*




DEMOCRITUS
RIDENS.

70.

SIVE
CAMPUS RECREA-
TIONUM HONE-
STARUM.

Cum
EXORCISMO
Melancholiz.



AMSTELODAMI,
Apud JODOCVM JANSSONIVM,

Anno MDC LV.



DEMOCRITUS

LECTORI.



UONIAM vidi, & scio multos sibi sapientes videri, & tamen insipientia sua oleum & operam plerumq; perdere: ideo ex latebris meis redire in conspectum aliquando volui, & mei non similibus suam ostendere sapientiam: ut videant me non frustra ridere, sed ridenda proponere, non nugas illicitas, sed docentia veritatem & sinceritatem, ad cavendum vanitatem attendite qui lepidi: & lepidis honeste utimini: qui vero melancholici estis ex iis à me adductis, recreationem capientes, mentem sanam sequimini, quoniam semper verum est: ridentem dicere verum, quis vetat? Vale.

Oleum & opera perdit.

MERCATOR quidam judici vas oleo plenum donaverat, demerendæ gratiæ causa, quod cum adversarius ejus rescivisset, eandem ob causam porcum bene pinguem Judici offert, atque hoc munere litem vincit, conquerenti ea super re priori, & donum suum obicienti, respondit Judex, meminisse se liberalitatis ipsius, sed suam irrupisse in domum suam, & vas fregisse,

gisse, atque ita cum oleo operam quoque perdidisse.

Gratia Principum instabilis.

Idacus Arias, Cubicularius Joannis Regis Castiliæ, magna apud Dominum gratia, in familiari sermone, aliis aliud eligentibus semper solitus est clavum optare, quo instabilem magnorum principum gratiam affigeret, ne facile posset avolare.

Pulvinar debitoris.

Quidam multo ære alieno gravatus, nihilominus quiete, & hilariter vivebat, rogatus tandem ab aliquo creditorum ut sibi pulvinar donaret, in quo tam placide, sine omni molestia quiesceret; Ego, inquit, *quovis in lecto secure dormio: curam enim & vigilias pignoris loco relinquo iis, à quibus nummos mutuos sumo.*

Novus Orpheus.

Quidam cum ad ostium nobilis puellæ fidibus luderet, ingruente jam nocte ut fieri ab amatoribus solet; petitus est lapidibus à famulis domesticis jussu virginis amores ejusmodi aspernantis, itaque fuga salutem quærere coactus, cum postridie in corrivales harum rerum conscios incidisset, ut jocum joco elideret, Orpheum, inquit, egi, in nocturna comœdiâ, nam lapides & saxa sequuntur ludentem.

Purga-

Purgatio luculorum.

Quidam taxillos luforios, non ineleganter comparabat pilulis medicis, nam quemadmodum per has purgatur stomachus & intestina, ita per illos evacuantur loculi, & arcæ etiam plenissimæ.

Pictura probrosa.

IN Clementis VII. Summi Pontificis sacellum, Michaël Angelus celeberrimus pictor extremum iudicium, atque inter damnatos nescio quem Cardinalem sibi invisum depinxerat. Papa rem aut non animadverterat, aut artis causa dissimulabat, itaque adit Pontificem Cardinalis, rogatque ut probrosam in se picturam tolli jubeat, cui mox Pontifex, si in purgatorio foret habere se remedium, ex inferno neminem posse liberare.

Hæresis pila.

CArolus V. Cæsar apud Cardinalem Granvellanum in familiari sermone solitus est hæretin Germanicam comparare pilæ, quam si putes in terra conquiescere, mox alio atque alio loco resilit in sublime, nusquam quæta.

Ingenium Pictoris.

ANtverpiæ mercator quidam depingi se curaverat, duodecim aureos Magistro pollicitus, si picturam ex arte, & sibi quam simillimam confecisset, opere diligenter perfecto cum Mercatorem promissi pœniteret, negat picturam sibi similem, atque adeo aureos non numeraturum, advertit dolum Pictor. Recepta igitur tabula hunc astum excogitat: Capiti mercatoris quem in tabella expresserat cucullum & nolas morionis instar appingit. Atque ita in officina sua cum hoc fatui habitu loco primario venalem exponit. Itaque in eo schemate agnitus facile à transeuntibus Mercator, (ut erat per urbem notissimus) redimendo ludibrio coactus est non modo picturam constituto pretio, sed insuper appictum morionis habitum nova pecunia emere, ita dolus dolo elusus.

Qualis Uxor ducenda.

DEmosthenes rogatus aliquando qualem Uxorem ducere oporteret. Respondit *divitem*, ut te sustentet, *Nobilem*, ut ornet; *Juvenem*, ut serviat; *Formosam*, ut placeat: *Pudicam*, ne te fallat.

*Quam sis ducturus teneat P. Quinq; puella,
Sit pia, sit prudens, pulchra, pudica, potens.*

Uti.

Utilitas studiorum.

Julius I I. solitus est dicere Doctrinam in homine ignobili, esse argentum, aurum in Nobili, in Principibus margaritas & gemmas præstantissimas.

Quæ ad bellum necessaria.

Carolus V. Imperator tria ad bellum gerendum requirebat, pecuniam, com-
meatum, milites, & si quo eorum carendum foret, ante omnia bonos milites optabat, cum quibus cætera sperabat facile se inventurum.

Pecunia potior fide.

Simon Kronach Florentinus Mercator, loco signi quo officinæ & ædes dignoscuntur; ignem, & in eo libros aliquot ar-
dentes pingi jussit; idque eo consilio ut si quis emptor advenisset sine præsentī pecunia, mox responderet, libros suos, in quos debita referret, igne absumptos ut pictura ostenderet, atque adeo nihil posse nisi præ-
tio præsentī vendere.

Quæ maxima felicitas.

Augustinus Nyffus vir celeberrimus & doctissimus, cum in ædes ipsius milites aliquot Hispani collocati essent; atque illi, ut in præidiis sit, militari licentia susce-

que omnia raperent, agerentque tandem in sermone familiari apud Carolum V. rogatus quæ maxima esset in hoc mundo felicitas; nullos, inquit, domi milites Hispanicos habere. Cujus responsi libertas ita placuit Cæsari, ut mox cum invisis Hospitibus liberaret. Nullus dubito quin Nostrates Rustici & Cives qui omnium nationum militibus hodie plus nimio gravantur, idem cum Augustino sentiant.

Qui in hoc mundo fortunatissimi.

REges & Moriones in hoc mundo nescio quis felicissimos esse affirmabat; illos propterea, quod quidquid animo collibitum esset id etiam consequi possent, hos quoniam miseriarum & periculorum hujus vitæ sensum nullum haberent, atque ideo sine cura & anxietate viverent: Meo sane judicio is erit felicissimus qualiscunque is tandem sit, qui se infelicem esse aut nescit aut non credit: nam talis quisque est, qualem se esse putat.

Pedes in lingua.

ALphonfus Rex rogatus aliquando, cur qui podagra laborarent, essent ut plurimum loquacissimi, *nihil mirum*, inquit, *quoniam celeritas quæ antea in pedibus consistebat, vi morbi pulsa se recepit in linguam.*

quam, ita cum pedibus non possunt, lingua deinceps ambulant.

Scopuli poculorum.

Dominicus Incognitus non minus celebris professor, quam potator, in more positum habebat, ut antequam exiret domo haustum faceret, hunc in finem disposita erant per mensam, quam necessario transibat, pocula aliquot mero plena; Transiens ergo Incognitus, *quis, inquit, tot scopulos sine naufragio praterat*, mox omnia siccabat.

Honorarium Alchimista.

LEoni X. Alchimista quidam librum dedicaverat de arte aurum conficiendi, cum ergo honorarium amplissimum speraret, & eam ob causam Papam continuo affectaretur, tandem Pontifex crumenam satis magnam homini donat, nempe ut quoniam aurum ipse sibi posset conficere haberet quo illud recondere, ita hic spe sua utrobique frustratus est.

Epitaphium Semiramidis.

REgina Semiramis sepulchro suo inscribi jusserat hunc in modum: Si quis Regum pecunia indiget, aperiat hunc tumulum, & capiat quod satis est, hac epigraphe lecta. Rex Darius aperiri sepulchrum jubet, sed loco thesauri quem se repentur-

rum speraverat, hæc verba, incisa reperit; nisi te insatiabilis avaritia adegisset, certe mortuos non turbares.

Par pari.

C Arolus V. Cæsar rogabatur aliquando ab Hispano, ut Germanis militibus gravi edicto crebras computationes prohiberet, cui respondit Cæsar, hoc quidem interdicto tantum efficiam, atque illo quo Hispanos meos jam dudum à furtis & rapinis conor abstertere, innuens utrobique se operam perdere.

Verba adulatorum.

R Ex Demetrius dicere solebat, detractorum & adulatorum verba, ventris flautui, (Venia sit verbo) sibi persimilia videri, nam nihil referre quo ostio, per posticum, aut anticum sparcities effluat.

Cruces Palatina.

C Um Spinola Anno 1622. in Palatinum duiret, essentque in exercitum ipsius complura vexilla crucibus Burgundicis insignita, ait non nemo, Palatinos hactenus in Crucem non credidisse utpote bonos Calvinii & Bezae discipulos, at jam sensuros Crucis contemptæ vindictam, adeo ut ne Cruciatum quidem (nummi id genus est) id arcis suis retenturi sint.

Majus

Majus periculum à Vulpe quam Leone.

C Arbo, Dux Romanus, in eo bello quod contra Sullam gessit, solitus est dicere, sibi rem esse nou modo cum ferocissimo Leone, sed multo magis cum callida vulpe, atque hanc se magis timere quam Leonem, nam hujus omnis vis in aperto est, ac proinde facile caveas, vulpinas fraudes difficile deprehendas.

Uxorem duxi, libertatem vendidi.

Q Uidam magnopere gloriabatur, quod uxorem admodum opulentam duxisset, cui alter, An tu ignoras fatue, inquit, quod per idem ostium quo dotem pretiosam intromisisti, libertatem emiseris. Magna dote libertas venditur, & pretium dotis putat mulier, ut imperet.

Quomodo fugienda paupertas.

Q Uatuor sunt quibus evitatis facile egestatem vitabis, familiaritas puellarum, frequentia convivia, Lusus alearum, & ante omnia ocium, nam Dii laboribus omnia vendunt.

Unum plus quam Septem.

A Fabro ferrario aliquando eleemosynam petebat studiosus quidam, non ita pridem Magister artium promotus, rogatus

tus igitur à Fabro , qualis esset , & cur non etiam artem aliquam , uti ipse , addisceret , unde victum honeste quærere posset ; Quin imo , inquit alter , jam Septem artium magister factus sum ; O te miserum , respondit Faber , qui cum Septem artibus mendicare debeas , unam ego didici , hanc quam vides ferrariam , cum hac me , uxorem , liberos & totam familiam sustento.

*Imperium Romanum comparatum
Testudini.*

Legatus quidam Turcicus cum in aula Regis Galliarum quendam vidisset testudine optime ludentem , animadvertisset interim eundem multum temporis adhibere , priusquam chordas in concordiam componeret , sæpe quoque frangi aliquas aut resiliire , induxit ille turcicum fidicinem qui novo instrumento duarum tantum chordarum , concentum Mauricum & Symphoniam non inelegantem edebat. Cantu absoluto ait Legatus Testudini sibi simile videri Christianum imperium , in quo totidem capita sint quot chordæ , & sane plurimum temporis ad componendam concordiam requiri , hæc ubi inventa sit , periculum esse , ne chorda aliqua aut frangatur aut resiliat , atque ita tota melodia perturbetur.

Petitio.

Petitio argute elusa.

T Hemistocles Princeps Atheniensium ab Andriis pecuniam petebat, futuri belli subsidium, conclusurusque petitionem omnino aiebat se confidere numerandam pecuniam cum duo validissima adferret numina *Suadelam & necessitatem*, negant nummos Andrii, nec posse sane refragantibus maximis item ejus Insulæ numinibus *Inopia & Impotentia*.

Octo virtutes Cardinales, & totidem vitia capitalia.

A Ndreas Mantineus nobilis in Italia pictor jussu Innocentii VII. septem virtutes Cardinales, & his opposita totidem vitia depinxit, opere absoluto, ut pungeret Pontificem non satis hætenus largum laborum remuneratorem, si placeret, aiebat Pontifici, habere se octavum quod appingeret *Ingratitudinem*; Ictum se sentiens Papa, placet, inquit, sed memineris & virtutibus octavam adjungere *Patientiam*.

Quinta essentia boni Principis.

C Aroli V. Imperatoris vulgatissimum fuit Apothegma; cunctatio anima est consilii, celeritas executionis, utraque simul juncta, Quinta essentia boni Principis.

Rex

Rex hospes villici.

Philippus II. Rex Hisp. ex itinere in domum Rustici diverterat, atque ibidem, ingruente maxima tempestate, pernoctare coactus est; apponit Villicus in cœnam quæ habebat admodum sollicitus quomodo tantum hospitem tractaret. Mane Rex advocato villico & actis gratiis jubet ut à se aliquid vicissim petat, libenter se ei gratificaturum. Tum Charascus, id erat villico nomen, Deum, inquit, precor, ut te quidem diu in hac vita incolumen conservet, mihi vero eam det gratiam, ut alter alterum post hac amplius non videamus.

Temeritas Juvenilis.

Romæ nobilis adolescens & non vulgaris doctrinæ, hoc vitio laborabat, ut quacunque de re sententiam suam subito, ut mos est ejus ætatis, & sine consideratione proferret; id cum multi reprehenderent, Cardinalis Polus, non vos intelligitis, inquit, eruditionis etiam pauxillæ in juvenum animis eam vim esse, quæ musti indoleo, cum fervet ebullitque ut nisi spiramenta laxes vasa omnia fragat.

Ridicula consolatio.

Scripserat nescio quis amicus ad Cardinalem Polum consolatorias, multis præter

ter rationem inepte congestis rarioribus, quas perlegens Cardinalis, sane, inquit, aptissimæ sunt ad consolandum hæ literæ, quas nemo sine risu facile legerit.

Quid in hac vita optimum.

C Atharina Hispaniæ Princeps, & uxor Henrici VIII. Angliæ Regis, postea ab ipso per injuriam matrimonio expulsa, sæpe solita est ad amicos dicere, nec nimis adversam, in hac vita fortunam, nec nimis prosperam à Deo immortalis petendam. Si tamen alterutrum eligendum sit malle se fortunam miserrimam quam felicissimam, afflictis enim ut sæpe non adessent solatia, ita semper fere felicibus desit bona mens, & recta ratio.

Spes in Deo.

IN eo proelio quo Sebastianus Lusitaniæ Rex à Mulei Moluco Mauritaniæ rege profligatus atque occisus fuit, perditis jam rebus cum Christophorus Tavora Archi-tribunus quasi desperabundus exclamasset, ô Rex? ô Domine mi, quid jam auxilii superest. Rex solita in Deum confidentia plenus, *cæleste*, inquit, *si digni sumus.*

Haud paulo post cum idem Tavora Mauritanos confestim in Regem irruentes videret, rogaretque ut sibi enssem traderet, ne de eo erepto barbari gloriarentur. Non est,

est, inquit, regis libertatem nisi cum ipsa vita amittere.

Fraterni amoris exemplum.

ANno Domini 1579. navis Hispana ad promontorium bonæ spei naufragium fecerat, supererat lembus unus quinquaginta fere hominum capax, in hunc præfectus illico desiliens, jubet cæteros inter se de lembo sortiri, erant autem naufragorum quingenti circiter, inter cæteros quibus fors faverat erat juvenis quidam cælebs, habebat is in eadem navi fratrem natu majorem & aliquot jam librorum patrem, huic sortem defert, rogatque se lembum conscendere, diu cunctatus, tandem amoris fratris obsequitur; interim naufraga navis in conspectu reliquorum dehiscit, arripit in eo periculo quisque quod potuit, & ecce admirabilem Dei providentiam, Juvenis ille dolium nactus, eique placide insidens divina haud dubie manu, primus omnium in portum feliciter invehctus est.

Rara avis bona mulier.

Messinæ in Sicilia quidam conjectus erat in vincula quod quinque Uxores omnes vivas adhuc duxisset in matrimonium, interrogatus eo super scelere à Judice; Ego, inquit, experiri volui an inter
tot

tot unam bonam reperire possim, cum qua reliquum vitæ exigerem. Certe, respondit Judex, vereor ego ne tu talem in hac vita reperiās, itaq; suadeo tibi ut eam quærās in altera, atque ita hominem capite plecti jussit.

Imitari facilius quam invenire.

C Hristophoro columbo, qui primus admirabili audacia solertiaque orbem terrarum circumnavigavit, quidam super cœnam objecerat, non ita sibi magnum videri id factum, potuisse & alios idem præstare, si rebus ad id iter necessariis instructi fuissent; Columbus dissimulato hoc sermone accipit ovum è patina, rogatque num id aliquis super mensam erectum sine omni fulcimento possit statuere. Negantibus reliquis, columbus alliso ad mensam Ovi acumine ut modice & æqualiter frangeretur, ovum ipsum in mensa collocat. Risere circumstantes, tum Columbus, nemo, inquit, vestrum jam est qui hanc artem nesciat, cum ego docuerim, certe & multi post me Oceanum tentaturi sunt, & fortasse etiam me felicius, nunquam tamen id facturi nisi ego præcessissem, ita facilius est inventa imitari, quam invenire quod alii imitentur.

Lis de Uxore.

Martinus Guerre Tolosanus uxorem duxerat juvenulam, deinde in militiam profectus, ea domi relicta, abfuit fere per decennium, Elapsis annis octo circiter, quidam Arnoldus Tibius Martino per omnia similis, ejusque commilito, atque adeo arcanorum ipsius conscius, ad uxorem ejus adit ac se pro Martino venditat; facile mulier decepta est viri similitudine; postquam ergo biennium circiter simul vixissent & proles etiam suscepissent, revertitur Martinus Guerre, & uxorem repetit; Re diu coram Judicibus ventilata, tandem Martinus agnitus uxori restituitur, aler in furcam actus dignum imposturæ suæ præmium recipit. Acta res est in Curia Tolosona.

ANNO M. D. LIX.

Virgilii Jocus in Cæsarem.

Virgilius poëta cum apud Cæsarem Augustum in magno honore esset, atque ei quotidie jussu principis panes præberentur gratis, tandem in familiari apud Cæsarem sermone, cum rogaret Augustus qua se familia, & quibus majoribus ortum arbitretur; Pistoribus respondit Maro, ut qui à te hætenus nihil nisi panes acceperim, placuit Jocus Cæsari, atque ideo liberalior deinceps in Virgilium fuit.

Par

Par pari.

T Abellio quidam iter per pagum faciens, canem hianti in se rictu irruentem præferrato scipione per jugulum transfixit, accusatus ea de re à Villico apud prætorem, objurgatusque cur non potius inversa scipionis parte canem à se amovisset, non sane inquit, nam & ille præparato morfu atque exertis dentibus me invadebat.

Luna Dimidiata.

Alvarus de Luna inter Magnates Hispaniæ haud postremus pro insignibus utebatur Luna dimidiata, his apud parietem pendentibus quidam subscripsit hæc verba: *Nunquam plena.* Alvarus non intellecto sensu hominem ad se vocat, & rogat quid sibi verba illa subscripta vellent, Respondit alter, nihil est quod tu magis optaveris; An tu nescis Lunam cum plena est statim decrescere, ita ego te semper crescere, nunquam decrescere volui.

Homo vitreus.

Thomas Rotarius à puella quadam philtro amatorio ita intoxicatus est, ut cætera, rationis & mentis bene compos, uno phantasiæ vitio corriperetur ut se totum vitreum putaret, itaque cum sibi necessario
foras

foras prodeundem esset, incedebat per medios vicos ne tegulæ aut prætereuntis alterius incurſu frangeretur, tandem cum à Magnate quodam Hispaniæ postularetur, neque modum sciret, quomodo perducì eo sine læsione posset, ipse enim erat in Gallia, excogitatus est modus ab amicis, ut videlicet una cum vasis vitreis & Christallinis stramine & fœno circumvolutus, ut fieri solet, in Hispaniam veheretur, totum fere biennium laboravit eo morbo, atque interea multa prodidit acute sane & ingeniose dicta, donec tandem à religioso Hieronymiano curatus est.

Phantasia absurda.

I Ncredibile est quid non sibi persuadeat Phantasia hominis corrupta, fuit quidam qui se mortuum crederet, ac propterea ab omni cibo potuque abstinebat; tandem cum nulla ratione cibum vellet sumere persuasum est homini etiam mortuos comedere, Eam in rem apparatus mortuale convivium occlusis circa fenestris, panno nigro vestiuntur parietes, mensa in medio triclinii opiparis dapibus instruitur, mox prodeunt personata cadavera, servi & famuli domestici, omnes longo linteo amictu in similitudinem defunctorum compositi; discumbitur, estur, potatur strenue, sed cuncta

cuncta summo silentio transacta ut vera cadavera crederes; Hæc conspiciatus ex angulo alter ille non jam amplius dubitabat quin mortui comederent, itaque, ut erat famelicus, adjungit se sodalibus, atque una cum ipsis cibum capit, & haud multo post ex morbo convaluit.

Mendicus gloriofus.

MAuritus quidam, qui humili loco natus virtute & doctrina ad Parisiensem postea Episcopatum evectus est, cum literis adhuc operam daret, & victum mendicando colligeret, nunquam voluit stipem accipere à prætereuntibus eo pacto ut ne Episcopus unquam Parisiensis fieret, nam ita nonnunquam ob summam diligentiam vexabatur à consodalibus; Igitur hac addita conditione stipem quantumvis liberalem generose respuebat; Res hæc tum quidem derisa, procedente tempore in Præsagium vertit, ubi revera ad Episcopatum provectus fuit.

Cicero ambiguus.

IN bello civili quod Cæsar & Pompejus uterque contra Rempublicam pro principatu gessit, cum se cives in partes dividerent, prout quisquis Pompejo vel Cæsari amicus erat, diu Cicero ambiguus hæsit, cumque ea super re rogaretur ab amicis,
Quem

Quem fugiam, inquit, scio, quem sequar, nescio; quasi diceret utriusque victoriam Reipublicæ perniciosam fore, neque magis Cæsarem quam Pompejum contra libertatem Patriæ pugnare.

Jurisperitus indoctus.

Idem Cicero cum C. Popilium qui Jurisperitus haberi volebat cum esset indoctissimus, in controversia quadam testem citasset, atque is respondisset, se nihil scire, tum Cicero, certe, inquit, non puta quod te de jure interrogem.

Probrum retortum.

Metellus Patricius ut ignobilitatem Ciceroni homini novo objiceret rogavit cum aliquando quis pater ipsius fuisset, tum Cicero, hoc tu, ait, matrem tuam interroga. Tunc enim Pater incertus est cum mater est prostitutæ pudicitia, qua infamia non parum laborabat Mater Metelli, sic convicium regeſtum in Authorem.

Victor Victus, & Victus Victor.

Demosthenes summus Græciæ Orator cum à quodam conviciis peteretur, in publico foro; committor, inquit ad circumstantem populum, in certamen in quo si victus fuero, vicero, sin vicero victus sim, innuens

innuens cum in convitiis victoriam reportare qui in speciem victi tacuerit.

Pœnitentia pretiosa.

DEmosthenes cum aliquando Laidis nobilis scorti amore captus Corinthum navigasset; atque illa pro unica nocte magnam auri vim videlicet decem dragmatum millia (sunt fere mille aurei nostrates) stipularetur, deterritus magnitudine pretii, dixisse fertur, *Non tanti imo pœnitere.*

Sponsus senex.

Cicero jam senex objurgatus ab amicis quod homo sexagenarius puellam virginem duxisset in matrimonium, exspectate, inquit, cras enim erit matrona.

Consul unius diei.

CAninius Revilius cum uno tantum die Consul fuisset, jocatus & Cicero vigilantiores Consulibus Romam non habuisse, nempe qui toto suo consulatu somnum non vidisset.

Medium majus quam totum.

Quintus Cicero Marci frater in provincia quam rexerat, imaginem suam à capite ad pectus ingentibus lineamentis efformari curaverat, erat autem staturæ pu-

B

sillæ;

fillæ; id cum forte præteriens vidisset M. Tullius frater, inquit, meus dimidius major est quam totus.

Idem cum Lentulum generum suum exiguæ staturæ hominem prælongo gladio videret accinctum, Quis, inquit, alligavit generum meum gladio?

Arcanum gubernationis.

Dionyfius Siciliæ Tyrannus reprehensus ab amicis quod honore dignaretur, cæterisque præferret hominem improbum, populoque invisum, Satius est, inquit, ut populus illum quam me oderit, ita & hodie multi principes inter instrumenta gubernationis, & Munera odiosa libenter adhibent ministros subditis invisos, ut odia ipsis principibus debita, in Ministris expirent.

Sacrilegium joco excusatum.

Idem magni ponderis aureum amictum Jovi Olympio detraxerat, quo eum Hieron ex manubiis Carthaginensibus ornaverat, proque detracto auro, Laneum illi pallium injecit cum hoc cavillo: aureum amiculum æstate grave est, hyeme frigidum, laneum ad utrumque anni tempus accommodatius est.

Epidauri cum Æsculapio barbam auream

ream detraxisset, negavit decorum esse, filium barbatus videri, cum pater Apollo imberbis sit.

Idem cum ex fanis pene omnibus, aureas pateras, coronas & cætera deorum ornamenta abstulisset, per absurdum ait videri, nolle accipere dona à Diis ultro porrigentibus, à quibus quotidie bona flagitamus, allusit ad simulacra quæ manibus, in modum offerentium, dona ista tenebant.

Vindicta Regia.

IN Artaxerxem Regem quidam ex infima plebe multa licenter & contumeliose effuderat, quem Rex ita ultus est ut ei per tribunum militum denunciaret, licere ei in Regem quæ vellet, dicere: sibi vero in illum licere quæ vellet, & dicere & facere.

Etiam hosti non maledicendum.

MEmnon præfectus exercitus Darii Regis in eo bello quod gessit contra Alexandrum Magnum, militem quendam mercenarium multa convitia petulanter jacentem in Alexandrum hasta percussit, dicens, ego te alo, ut pugnes adversus Alexandrum, non ut illi maledicas, maledicere enim scurrarum est, militum pugnare.

Nimia loquacitas.

CRates Philosophus cum haberet Aristonem discipulum multa temere & futiliter garrientem; fieri, inquit, non potest quin ebrius ebrio patre natus sis. Ebriorum enim est sine ratione de omni re fabulari.

Par pari.

Zeno Phylosophus Cynico cuidam oleum ab ipso petenti negavit se quicquam daturum, rogatus causam, ait, impudentiam impudentia retundendam esse, cum enim proftet venale petere, esse pari factum ejus qui cum possit nolit credere.

Ex infortunio infœlicitas.

CRates mercator cum juxta Pyreum naufragium faceret omniũ bonorum, relicta mercatura contulit se ad Philosophiam, itaque solitus est dicere, nunquam se melius navigasse quam cum naufragium fecisset, siquidem unã illã curis innumeris erat expeditus: Zeno cum consulisset oraculum quo modo, vitam optime institueret, respondit oraculum, *Si mortuis concolor fueris*. Eo dicto ad studia Philosophiæ remissum autumant, studium enim & inedia pallorem conciliant.

Victoria

Victoria damnosa.

P Yrrhus Epirotarum Rex, bis commisso cum Romanis prælio victor, sed desideratis compluribus viris strenuis amicisque, si adhuc semel, inquit, ita vincimus: periiimus. innuens nimis damnosam esse victoriam aut potius cladem nominandam, quæ strenuissimi cujusque cæde constaret.

Sic fuit in fatis.

C Rates Thebanus cum servum in furto deprehensum cædi jussisset, atque is excusaret se, ut diceret, in fatis sibi fuisse ut furaretur. Quid ni, ait Crates, etiam in fatis fuerit, ut jam cædereris, sapienter innuens stulte admodum malitiam nostram in fatorum necessitatem conferri. Simillimum est illi quod Calvinianis in Angliæ accidit.

Moderatio luxus.

I Dem, cum reprehenderet quosdam luxuriose admodum & magnis impensis viventes, atque illi ita se excusarent, sumptum se facere ex eo quod abundabat. Quin imo, inquit, ne coquo quidem ignoscendum est, si salem aut piper immodice cibo inspergat propterea quod dicat se ejusmodi condimentis abundare. Nempe non ex

rerum copia, sed ex usu & necessitate naturæ victus æstimandus est.

Solitarius.

CLeantes conspicatus quendam ex amicis solum obambulare, & nescio quid intra se musitare, accessit hominem, interrogavitque cum quo loqueretur? mecum, inquit alter. Tum Cleanthes; vide, ait, ne cum homine improbo loquaris.

Præstat stulte quam male agere.

Pythagoras rogatus ab Agrigentinis ut una cum ipsis Rempublicam eorum administraret, & novas leges conderet; sed ille eam, ut deploratam, contemnens, secessit in templum Dianæ, ibique cum pueris ludebat talis. Circumstanti & admiranti populo. Hic, inquit, præstat tempus, quam vobiscum Rempublicam perdere.

Fortitudo Zenonis.

Zeno accusatus quod conjurasset in perniciem Nearchi Tyranni, cum in quaestionibus juberetur edere nomina conjuratorum, nominavit plerosque illi amicissimos, de his cum Tyrannus sumpsisset supplicium, rogaretque num quis superesset? tu solus, inquit, & cum dicto abscissam dentibus linguam in os tyranni expuit.

Concor-

Concordia.

Leo byzantius Sophista cum venisset Athenas ut populo tumultuanti concordiam suaderet, adscendit in suggestum, mox ipsa corporis specie risum populo movit, erat enim obesus ac ventre prægrandi, at ille nihil turbatus risu multitudinis, quin arrepta occasione; quid ridetis, inquit, Viri Athenienses, Uxor mihi est, me multo obesior, & tamen concordēs unus capit lectulus, discordēs ne tota quidem domus.

Judex sit sobrius.

Mulier quædam apud Philippum Regem causam egerat, cum ergo Rex temulentus sententiam tulisset adversus fœminam, atque illa animadverteret non Regis sed vini errorem esse: Provoco, inquit, mirantibus cæteris cum è consiliariis quidam interrogaret, ad quem ergo provocaret, cum Rex ipse judicasset, qui superiorem Judicem non agnosceret. Provoco, inquit, ad Regem sobrium. Excussit Regi muliebrem conviciam temulentiam, effecitque ut Rex præsentiore animo causam cognosceret. Mirari sic liceat non magis mulieris libertatem, quam patientiam Regis etiam in ebrietate tantam linguæ libertatem æquo animo ferentis.

Distantia veritatis à mendacio.

THales Milesius interrogatus quantum distaret à mendacio veritas, quantum, inquit, oculi ab auribus, sentiens ea demum esse indubitatę fidei quę oculis cernimus, rumoribus ac fabulis hominum haud tuto credi.

De umbra Asini.

DE gravibus Reipublicę Negociis differbat Demosthenes coram populo, sed is tædio, seu rerum, seu temporis cępit fastidire perorantem atque obstrepere, tum Demosthenes factō silentio, hanc fabulam exorsus est: Adolescens, inquit, quidam æstate asinum conduxerat ab Athenis Megaram usque. Sole vero circa meridiem vehementer æstuante, uterque volebat subire umbram asini, sed alter alterum repellebat, hic dicebat, Asinum quidem conductum esse non umbram, alter contendebat, per conductionem & Asini & Umbrę jus sibi factum atque hæc locutus descendit è suggesto, sed populus retinere abeuntem, & narrationis finem summopere flagitare, tum Demosthenes subiturus: De Asini, inquit, umbra audire cupitis, de Republica differentem fastiditis, atque ita se domum proripuit.

Pluvia

Pluvia Socratica.

X Antippe Uxor Socratis, nescio qua de causa multis verborum contumeliis, & clamoribus Socratem domo ejecerat, sed is nihilo turbatior adfedit ante ostium quietus dum tempestas illa præteriisset, Xantippe igitur cum videret virum suum non magnopere tristiari, adscendit in cubiculum arreptaque matula omne lotium in caput infra sedentis effundit. Mirantibus iis qui transibant impudentiam mulieris, Nihil mirum, inquit, Socrates, si cuncta conuerit, etiam pluat.

Impudentia castigata.

Alexander Sophista pro Seuleucia ad Antonium primum Legatus, cum peroraret, videretque Cæsarem non satis attentum ad ea quæ dicebat, clariore voce dixit: Ausculta me Cæsar, Cæsar autem acrimonia reprehensionis exasperatus Ausculto, inquit, intelligoque te oppido bene, Tu enim ille es Alexander qui colis comam, qui semper oles unguentum.

Ficta lacryma.

IN pago quodam ducatus Juliacenſis vir decesserat, ejus Uxor etsi virum in matrimonio pessime habuerat, post mortem ejus cepit vehementissime plorare, & palam vicinis contestari sese pati non posse

ut à tam caro sibi capite divelleretur. Nemo erat cui non fictus mœror appareret, Quid sit? die ad sepeliendum constituta vicini qui funus efferre debebant, quasi per oblivionem relicto cadavere, vacuum capulum domo efferunt, ducitur funus, & jam aliquantum processerant, cum mulier animadverso errore, magna voce revocat abeuntes, jubetque ut una virum efferrent, ita, quod paulo ante nolle videbatur, jam jubebat.

Consilia clam habenda.

Metellum Romani exercitus Imperatorem fortissimum juxta & prudentissimum tribunus quidam militum interrogaverat, quo duceret? cui Metellus, si ejus rei, inquit, scirem tunicam mihi consciam, mox exutam in ignem conjicerem, prudens vox maxime in belli duce quibus nihil periculosius quam consiliorum propalatio.

Hircus arietans.

COloniæ Agrippinæ, sub concione sacra pomeridiana, mulier quædam dormitabat, & uti fieri solet moto identidem capite hirci instar conquiniscebat, viderat id forte illac de latus hircus è vicinia, is ergo se ad duellum provocari ratus, cum ter quaterve hosti suo bellum annuisset neque illa abnueret, capto impetu toto corpore & capite-

pite in mulierem arietat ita ut è sede sua in terram prolaberetur, risit effuse tota concio, & didicit mulier cautius deinceps dormire.

Injurie ferenda.

DÆmonax Philosophus Athletam quendam reprehenderat, quod cultu molli floridoque in Olympiis uteretur, is ergo ira incensus jacto lapide caput Philosopho convulnerat ut sanguis copiose proflueret, id factum indigne ferentes qui aderant, hortati sunt ut adiret proconsulem: Nequaquam, inquit, O viri ad proconsulem sed ad Medicum potius, Idem navigaturus in Asiam pro Legato, rogatus ab amicorum etiam metueret, ne naufragio ejectus à piscibus devoraretur, Quid, inquit, metuum à piscibus qui tot pisces devoraverim.

Asinus emit Asinum.

Herus quidam famulum ad forum miserat, ut equum emeret, ille seu stoliditate seu errore ductus emit Asinum, Itaque domum revertens Hero expostulanti, quod tam fœdum & parvum animal, pro equo emisset, imo, inquit famulus, si hinulus iste pro magnitudine & proportionem aurium creverit, nullum tu equum in tota

provincia & pulchriorem, & eo majorem reperies.

Homo Platonicus.

Julius Cæsar Scaliger, cum in Platone legisset, animam hominis, esse verum hominem, corpus vero nihil esse aliud quam domum in qua anima habitaret, cibum sumpturus, solebat ad sodales dicere, Eamus ad fabricandum murum homini Platónico.

Umbra Leonida.

Leonidas inter Græcos fortissimus bellidux, cum quidam hostium multitudinem deprædicando, diceret cras solem Græcos non visuros propter barbarorum sagittas: imo, inquit, nihil nobis accidet jucundius, siquidem sub umbra pugnabimus.

Remedium oculorum.

NArrat Author fide dignus fuisse vetulam quæ gravi oculorum infirmitate laboravit, à qua cum nullis remediis liberari posset, accessit studiosum qui forte ejus hospitio utebatur, rogavitque auxilium, Quid sit? ille spe lucri simulat se habere morbi ejus præstantissimum amuletum, accipit ergo schedam, pingitque in ea characteres novos & insolitos, deinde adscribit

scribit literis majusculis hæc fere verba :
Dæmon eruat oculos huic vetula, & foramina stercoribus repleat. hanc chartam bene consignatam pannoque serico involutam jubet anum ad collum appendere, prohibetque nemini mortalium det referendam legendamque alioquin ipsi majorem morbi vim atque adeo cæcitatem ipsam imminere, Credidit superstitiosa vetula, & diligenter obsequitur; itaque non multo post morbo ex causis naturalibus recedente, aut certe ope dæmonis mulierem in superstitione sua confirmantis, sanatur, ac priori oculorum valetudini redditur. Fides sit penes authorem. Id certe non est dubitandum Dæmonem ejusmodi artibus sæpissime simplicioribus illudere.

Quot sint mundi.

IN Academia quadam celebri Germaniæ theses erant Physicæ propositæ, & inter cæteras illa, non esse nisi mundum unicum. Hanc quidam ex scholaribus oppugnaturus. Proposuit illud ex Evangelio de leprolis decem sanatis, ubi uno reverso ac gratias agente, Christus Dominus quasi expostulans, inquit, *Nonne decem mundi facti sunt.* Cum ergo inquit argumentans decem mundi facti sunt falsa est thesis. Præses disputationis cum stolido argumento

mento facile posset respondere, quando-
quidem, ait, ex sacris literis argumentaris
ex iisdem tibi respondeo: ubi mox post ea
verba quæ tu jam recitasti hæc invenies.
*Sed novem ubi sunt, non est inventus nisi
hic unus.* Ita stulto juxta stultitiam suam
responsum.

Crabrones non imitandi.

W Olfgangus Archiepiscopus & Elector
Moguntinus habebat in familia sua
& recreationibus hominem facetum ac se-
mifatuum, linguæ etiam latinæ non nihil
peritum, Wicelium vocabant, hunc præ-
sente principe, Nobilis quidam exagitan-
dum susceperat, & maxime in ignorantiam
ipsius invectus, negavit ipsum scire ex re-
gulis grammatices cujus generis esset ma-
ter, tum Wicelius enim vero, inquit Gene-
rose Domine, magna me injuria afficis qui
me tam stupidum arbitraris ut istud nesci-
am, testor itaque præsentem omnes me istud
scire ajoque matrem meam esse generis fœ-
minini, tuam vero generis communis. Ita
Nobilis maximo risu à circumstantibus ex-
ceptus, didicit deinde cautius cum fatuis
conversari.

Remissio injuriarum.

C Oncionator quidam magnopere ali-
quando commendabat suis auditoribus
amorem

amorem proximi & quæ huc spectat remissionem injuriarum, tandem concludens sermonem, quis autem est, hodie auditores, qui libenti & prompto animo ignoscat? quis inquam? mox respondens ex auditoribus muliercula quædam quæ jam diu Cælum viro optabat; Ego inquit, Pater, ex intimo corde ignosco omnibus, etiam virum meum trucidaturis.

Cancellarius ineptus.

P Rinceps quidam Germaniæ cum in demortui Cancellarii locum, novum aliquem sed inidonium suffecisset, & propterea oblique nonnunquam perstringeretur rusticos se imitari, ait, qui si casu cultrum amiserint aut perfregerit, bacillum tandiu in vaginam, ne corrumpatur recondunt, donec cultrum novum & meliorem recipiant.

Quinque plus sunt quam Septem.

P Aradoxon est apud Arithmeticos quinque plus esse quam Septem, sed effecit illud ut crederent non Arithmetici modo sed tota Europa, Carolus QUINTUS Cæsar, quando occupata Clementem Papam SEPTIMUM obsedit devicitque.

*Septimus à Quinto superatur Cesare
Papa;*

*Nonne minus Septem; quinque fuere
magis.*

Advo-

Advocatus conversus.

ADvocatus quidam magni nominis, sed qui per fas nefasque magnas opes corraferat, & complures suis fraudibus fortunis omnibus exuerat tandem ad vitæ finem pertingens, cœpit serio secum dispicere quo tandem modo opes male parvas bene collocaret, cum exitum cogitationum suarum nullum reperiret, adhibet in consilium amicum, Is cœpit suadere, recte facturum si ingens Xenodochium extrui curaret, illudque amplis redditibus instrueret, id enim fore p̄fugium, viduis, pupilis, & Orphanis, quos ille hæctenus per omnem injuriam ad extremam inopiam compulisset. dictum factum. Idem hodie rectius fecerint, præfecti militum, & Quæstores contributionum.

Quarta Luna nati.

SIgismundo Imperatore per flumen equitante, equus cui insedebat, in flumen minxit. Id ex aulicis quidam conspicatus. En eandem; inquit, equi & heri sessoris indolem. Causam hujus dicti exquirenti Imperatori, idem ait: ut Equus hic flumen inmeiit, ubi tamen ante satis aquæ est; sic Imperator in eos potissimum liberalis est qui satis habent. Non multo post Imperator dicti hujus memor, duas pyxides

des ejusdem formæ & magnitudinis , unam quidem auro , alteram plumbo implet , & illum ad se vocatum , utram vellet , eligere jubet. Quum infelix ille eam in qua plumbum inerat , sunisset , Imperator , Vides , inquit , non mea culpa , sed sinistro quodam tuo fato meam liberalitatẽm tibi nihil prodesse.

Faceta artificis excusatio.

Q Uum Joannellus de Trezzo in opere quodam , quod Philippus II. Hispaniæ Rex quam primum sibi fieri jusserat elaborando segniter admodum procederet , Rex officinam (quod alias quoque sepe factitabat) ingressus , Cedo , inquit , Joannelle , si ministrum aut famulum haberes , qui quod jussus esset facere , non faceret tamen : quid nam tali homine faceres ? Equidem , inquit Joannellus , numerata illi mercede , quamprimum faceßere eum jubeam , Rex quid responsum hoc sibi vellet intelligens , Joannello quod debebatur , statim solvi jussit. Quum vero ne sic quidem Joannellus opus maturaret , Rex ad eum rursus veniens , Quid jam , inquit , Joannelle , ei ministro faceres qui accepta mercede , tamen in mora esset ? Ego , ait Joannellus , ei jubeam , ne plus facere velit quam possit.

Suam

Suam quisque artem exerceat.

E piscopum Ebroicensem Rex Franciæ Ludovicus VI. ad recensendos milites Lutetiam miserat. Id equitum magister Chabanus ægerrimè ferens, Regem adit, & provinciam reformandi Ebroicensis Ecclesiæ Canonicos à Rege petit. Hoc, inquit Rex, munus à persona & conditione tua alienum est. Tum Chabanus, qui minus inquit, mihi convenit clericos in ordinem cogere quàm Episcopo milites recensere? *Ne falcem in alienam messem.*

Idem Rex quum Episcopum Carnutensem mulo insidentem, & frænum deauratum manu tenentem vidisset, Olim, agebat, Episcopis asinum aut asinam, cum simpli capistro, ad equitandi usum habere, satis erat. Id, inquit Episcopus, eo tempore fuit quo Reges ovium erant pastores.

Monachis intra regularum suarum cancellos manendum.

M Onachus quidam (ut est apud eundem Fulgosum) Benedictinæ familiæ à Pontifice ad Cardinalitiam dignitatem e-
vectus & legati nomine in Germaniam missus fuerat. Sic igitur adscitis in comitatum fratribus aliquot ejusdem ordinis, iter ingreditur. Erat inter ceteros quidam frater

frater lacius, ut vocant, qui tam ab ipso Cardinali quam reliquis comitibus rogatus, & coactus fere, ut aliquid diceret, quod tam ad animi recreationem quam emendationem pertineret, quum modeste provinciam, aliquantulum, deprecatus, esset tandem ita exorsus est. Ubi ex hac vita excesserimus (quod propediem forsan futurum est). & ad paradisi ostium parverimus, S. ibi Benedictus ordinis nostri auctor, ad deducendi in paradisum officium nobis occurret. Ubi vero te, Domine, ita mitratum & Cardinalitio petaso tectum viderit, Equidem, dicet, tam habitum hunc quam faciem ignoro: quis tu es? Si è familia ipsius monachum te esse dixeris, statim objicet, cornua ista monachos non decere. Tandem multa excusantem janitori mandabit, ut humi prosternat, & ad rem certo explorandam, stomachum tibi aperiat: in quo olera, pisa, fabæ, & ejusmodi cibi reperti, facile te ipsius domesticum & regulæ socium fuisse, fidem facient: at si cupediarum delicatiorum ciborum reliquiæ sese ostenderint, dubium non est quin monachum te suæ familiæ fuisse negaturus statimque abdicaturus sit. Ecquid in his angustis constituti respondebimus aut faciemus?

Memorabilia quadam dicta.

In hoc mundo qui non patitur, non vincit. Numus est humanæ potentiae compendium. Veritas intellectus sive ingenii pastus est. In hac vita omne *quid*, habet suum *Sed*.

Qui in virtutis studio parvum parvi facit, nec magnum magni faciet.

Facile ei quidquid incœperit perficere, cui pecuniæ satis est.

Principum consultationes impudicarum mulierum sunt similes, quæ quanto frequentius amantibus sese applicant, tanto minus concipiant ac pariunt.

Qui parce laudat, vituperat.

Bonum est intra aut etiam duos pedes citra metam sese continere. sic enim citius promoveberis quam removeberis.

Satisfacere omnibus longe omnium rerum est difficillimum.

Ambitio honoratum malum est.

Æquiori animo damnum quam contumeliam plerique ferunt.

Nihil durius est aut molestius, quam si quis iis quibus nec animo nec ingenio cedat, illis ipsis in rebus quibus illi inferiores sunt, cedere cogatur.

Quæ prudentem faciant.

UT perfecte quis ea quæ mundi hujus sunt sciat & sapiat, tria requiruntur. Primo ut aliquando Amaverit : secundo, ut dimicaverit : tertio ut in judicio litigaverit. Hæc qui expertus fuerit, aut etiamnum experitur, nisi quotidie prudentior evadat, fungus sit oportet.

Optimum litiū in matrimonio remedium.

ALphonfus Aragoniæ Rex dicere solebat, Tum demum plerisque molestiis liberum fore matrimonium, si maritus surdus, uxor cæca fiat.

Cui tempus, eidem vita suppetit.

MAhometus Granatæ Rex fratrem suum Abulem Hejex, ob tentatam ab eo seditionem, diu captivum detinuerat. Morti vicinus, ne idem filium regno expelleret, veritus, unum è ministris ad sumendum de eo in carcere supplicium mittit. Is eo profectus, Abulem latrunculis ludentem invenit, & Regis exposito mandato, ad supplicium sese parare jubet. Abul rogans ut duas tantum horas supplicium differretur, quum nihil impetrare posset, tandem multis precibus & obsecrationibus id saltem impetravit, ut cœptum ludum finire sibi liceret. Vix cœperat, quum ecce subitus
advolat

advolat unicus, Mahometum mortuum, & in ejus locum ab universo populo Granatensi unanimi consensu Abulem Hejex Regem esse electum.

Antonius Martinus à Turcis captus, ut vitam retineret Sultano rem admirabilem se effecturum, nempe elephantem intra decennium humanam se docturum linguam promisit. Mirantibus amicis, & ne plus promittendo quam præstare posset, supplicium multo acerbius sibi adscisceret, inonentibus, Sinite hoc, inquit, meo modo me facere. Intra decem illos annos aut ego, aut elephas decesserit.

Vita longa unde.

I Talus quidam centum & quindecim annos natus, & illa ipsa ætate mirum in modum sanus adhuc & vegetus, à Cardinali quodam rogatus, quibus remediis vitam ad tam multos annos produxisset, respondit:

*Col mangiar broccoli,
Portar à ipiedi zoccoli,
In testò capello,
Pochi pensieri in cervollo, id est,
Cibum bonum manducando,
Pedes socculis velando.
Caput sedulo regendo,
Curas omnes fugiendo.*

Quis

Quis stultus dicendus.

Christophorus Madrutius Cardinalis illud in sermone frequenter usurpabat ; Non eum stultum dicendum , qui stulte quid faciat , sed qui , quæ stulte fecerit , tacere ipse non possit.

Ridiculum Epitaphium.

Martinus Ianes Barbuda Alcantaranæ militiæ in Hispania magister , sepulchro suo hæc verba incidi iussit : *Hic situs est Martinus Ianes , in cuius pectus nullus unquam metus intravit.* Hoc Epitaphium quum ad Carolum V. Imperatorem relatum esset , facete , Credo , inquit , Equitem hunc nunquam candelam ardentem digito attigisse.

An prelio confligendum.

Quum inter homines militares quidam Principis mentionem fecisset , qui supremo militiæ suæ Duci ditionem ita tuendam commiserat , ne in prælium cum hoste descenderet : Marchio Savornianus , Hoc , inquit , nihil aliud est quam potestatem alicui facere ut vincatur , non vero ut vincat. Quum enim victoriæ momenta sæpe magis in occasione quam viribus posita sint , qui ad prædictum modum ducis imperium circum scribit , quid aliud facit , quam quod ipsum ,

ipsum, quali ligatis manibus, adversario occasione recte utenti, ad vim ac ludibrium objicit atque exponit?

Quis optimus comes.

E Jusdem & hoc est: *In magnis periculis meliorem comitem haberi non posse, quam animum fortem & audacem.*

Quanti faciendū Ducis in bello imperium.

B Elli ad Tunetum contra Turcas administrandi summam Carolus V. Imperator Alphonso Vastio demandarat: qui quum Turcas signa propius inferentes conspexisset, Imperatori, qui inter primos provolaverat, inquit: Quandoquidem Vestra Majestas me summo hujus belli hodie præfecit imperio, pro eo volo ac jubeo ut hinc ad mediam aciem te recipias, ne forte unius globi ictus non victoriam tantum & omnia nostra consilia corrumpat, sed etiam certam nobis omnibus pernitem afferat. Ad hæc subridens Imperator, Tuum quidem, inquit, imperium lubens accipio; à globo aliquo mortifero non est, ut mihi metuas, æquidem hoc teli genere nullus Imperatorum est extinctus.

Non tergum sed frons hosti obvertenda.

Consalvus ille, qui *magni Capitanei* nomen meruit, quum Gallorum imperum
& fero-

& ferociam cunctatione & quorumvis laborum tolerantia vincere decrevisset, citra flumen Garilianum ad pagum Cinturam castris positus, exercitu continuis pluviis & fluminis eluvione vehementer vexato, quibusdam ut Capuam castra transferret suadentibus, præsertim quum hostis plerisque rebus jam superior esset, Ne hoc Deus umquam sitit, inquit, ut hostem ego fugiam. Immo jam nunc unum pedem propius hostem, sepultum me malim, quam paucos passus retrocedendo, vitam vel ad centum annos prorogare. Et hac quidem constantia hostem tandem Consalvus fregit & victor discessit.

In bello nihil procrastinandum.

SElimus I. Turcarum Imperator, eum sapientem esse negabat, qui rei deliberatæ exsequutionem differet: quum moræ plerumque occasiones corrumpantur, & impedimenta accumulentur. Tempus quidem acerbis fructibus maturitatem, at maturis petrudinem affert.

Cum atate fortuna mutatur.

J Oannes Jacobus Medices Marchio Mar-
 rinianus, quum in Metensi obsidione Ca-
 rolum V. Imperatorem, ob exiguam boni
 successus spem, cogitabundum ac tristem
 C vidif-

vidisset, Quare, inquit, ô Imperator, tantopere te affligis? An nescis, *Fortunam malas & lascivas mulieres imitari, quæ desertis senibus, juvenibus sese applicare solent?* Idem illis ipsis annis Joannes Andreas Doria, frustra tentato Algerio, expertus est.

Non multum sapiendum in bello.

R Adigeri Bellagardæ E. M. illud celebratur: *In bello non valde sapientem esse oportere.* Cujus dicti hæc forte ratio est, quod qui caute admodum procedunt, omniaque momenta diligenter excutiunt, tantas sæpius inveniunt difficultates ut ab incæpto desistant, quas strenui & cordati ut plurimum vincunt.

Bella quibus modis conficiantur.

A Lphonfus Rex duobus modis bella confici ajebat, Præveniendò & Divertendò: quorum illo hostis confunditur, hoc vero ejusdem vires distrahuntur, si iis incommodis quæ alter a se divertit, objiciantur.

Qualia pleraque hodie bella.

M Onlucius Valentiaë Episcopus Constantinopoli revertens, per Budam facto itinere, Bassam siue Præfectum de induciis certiore fecit, & ut eas fideliter servaret, monuit. Ad hæc Bassa, Equidem
si me

fi me vero cum hostibus bello occupatum offendisses, fateor nuncium hoc mihi, qui armis quidquid sum debeo, valde ingratum futurum: at ut verum dicam, hactenus nec Romanorum Regis vicarius, nec ego, nec utriusque nostrum milites ullum bellum, nisi cum armentis, gregibus, & miserorum rusticorum fortunis gessimus, cujus jam sane dudum me piget ac pudet: eoque nomine multum me tibi & aliis quorum opera pax hæc conciliata est, debere profiteor, quod tandem latrocinio huic (sic enim potius quam bellum nominem) tam à religione quam conditione mea plane alieno, honeste finem imponere licet. Verba non Turca, sed Christianissimo milite digna.

A Deo victoria.

CAROLUS V. Imperator, dissipatis Protestantium copiis, & capto Saxone, Julius Cæsar, ait, celeriter ex sententia confecto bello, dixisse fertur, *Veni, Vidi, Vici*, ego vero sic dicam: *Veni, Vidi, Deus Vicit*. Modestam profecto, & Christiano Imperatore dignam vocem.

Homines fortunam sequuntur.

IDEM Imperator jam senex, regnis omnibus Philippo Filio traditis, in Hispaniam nauigare, & quietam ibi ac quasi monasti-

cam agere vitam constituerat. Dum Flis-
singæ in Selandia commodum ventum ex-
spectat. Seldius ad eum venit, à Ferdinau-
do fratre legatus. Cum eo multam in no-
ctem producto sermone, Imperator tan-
dem signum suis nola dat, ut scil. facem ali-
quis, dum ille digreditur, præferret. Ne-
mine comparente (alii enim cubitum, alii
aliò concesserant) Imperator arrepto ce-
reo, Seldium quamvis reluctantem, per
scalas ipse deducit, ac digrediens. Hoc, in-
quit, Seldi, olim meminisse te velim, cum
Imperatorem qui tot satellitibus quondam
stipatus, immo tot legionibus cinctus fue-
rat, jam solitarium relinqui, & à domesti-
cis quoque deferri, eumque cui tot annos
tu servieras, jam tibi servire ac cereum
præferre Ita nimirum comparatum est, *Ut
plures orientē solem adorent quā occidentē.*

Idem jam digredienti Seldio *Sentio*, in-
quit, *Dei manū super me, cui reluctari nolo.*
Potuit hic Imperacor cum Ovidio dicere :
*En ego paucis quondam munitus amicis ,
Dum flavit velis aura secunda meus ,
Ut fera nimbofo vumuerunt equora vento.
In mediis lacera nave relinquor aquis.*

Caroli V. Imperatoris dicta quedam.

EJusdem dicta quædam sapientissimè ab
iis qui vitam ipsius descripserunt, ce-
lebran-

lebrantur: quorum præcipua hæc sunt.

Quem admodum Saturnus planetarum supremus omnium tardissime circum vertitur, ita Principibus convenit nihil præcipitanter aut inconsiderate agere.

Quemadmodum Sol tam egenis quam divitibus æquali modo ac mensura lumen dispensat, sic Principum est, sine ullo personarum respectu subditorum causas examinare, & æquabili justitiæ & clementiæ temperatione judicare.

Sicut pleraque Solis eclipses magnæ rerum mutationes & seditiones sequuntur, ita ex Principum vitiis etiam non maximis, multa & maxima incommoda ad subditos redundant.

Quemadmodum idem Sol ceram liquefacit, lutum vero indurat: sic Principum clementia & mansuetudo quosdam meliores, quosdam vero deteriores facit.

Quemadmodum Luna quanto soli est propior tanto minus irradiatur, sic nonnulli quanto magis Principibus sunt familiares, tanto minus locupletantur.

Sicut Luna res inferiores, non quod major ejus vis sit quam Solis aut reliquorum planetarum, sed quod à terra propius absit, præcipue movet ac mutat: sic tam belli quam pacis tempore multum interest utrum Princeps præsens sit vel absens.

Quemadmodum fulmina quædam æs & ferrum

ferrum liquefaciunt , non tamen ceram , aut mollia : sic Dei & Regis manus superbos ac feroces domat , humilibus vero & subiectis parcit.

Tantus hic quantum pauca retro sæcula viderunt Imperator , en quam ignobili Epitaphio , & cum-symbolo ipsius *Plus ultra*, parum congruenti decoratus sit ! quod quidem uti alii adscripserunt , ex scribo. ●

*Carolus Quintus hic jacet intus ,
Ora pro eo bis aut ter Ave Maria & Pater
noster.*

Humana vite miseria.

S Aladinus innumeris fere potitus victoriis , quum jam vitæ metam attigisse se animadverteret , post mortem suam , linteam hastæ impositum per universa castra circumferri iussit , proclamante præcone *Saladino , Syria , Judææ & Ægypti , &c.* Regi ex omnibus victoriis , tropæis , opibus , thesauris , nihil nisi hoc reliquum mansit.

Omnia initia tenuia.

AD Maximilianum II. Imperatorem quidam venerat , rogans ut veteres scripturas & archiva , ut vocant , domus Austriacæ inspiciendi sibi copiam facere vellet ; quippe qui illius originem ab antiquissi-

quissimis usque temporibus deducere constituisset. Quæ causa, inquit Imperator, ad hoc institutum te impellit? Desiderium, ait alter, Vestræ Majestati & universæ Serenissimæ Austriacæ familiæ inserviendi. Tum tibi, inquit Imperator, laboris hujus & servitii gratiam lubens facio: siquidem periculum est, ne nimis accurata illa diligentia, tandem sutorum aut ejusmodi aliquem familiæ nostræ conditorem exterebres. Quo quidem responso mansuetissimus Imperator eorum vanitatem irrisit, qui à Trojanis & nescio quibus originem suam repetere volunt.

Natalium obscuritas nemini probro est.

I Saac humili loco natus, sub Bajasite Turcarum Imperatore militari virtute summos honores consequutus, tantum abest ut natalium obscuritatem sibi probro duxerit, ut etiam in atrio, ubi caussis audiendis operam dabat, ligonem suspensum semper præ oculis habuerit, eundemque filiis suis crebro commonstrarit, hæc verba inculcans: Ecce prima stirpis vestra arma & insignia, quæ quoties adspicitis, & gentis meæ ignobilitatem cum summa quo jam fungi me videtis, muneris dignitate comparatis, toties calcaria vobis addi putate, ut & ipsi vestra virtute vos Imperatoris no-

ſſi liberalitate & beneficentia dignos exhibeatis.

Nobilitas an doctrina preferenda.

Sigismundus Imperator, Conſiliario uſus eſt Jurisconſulto quòdam Georgio Fiſcello, quem & equeſtri dignitate ornavit. Is una cum Imperatore ad Concilium Baſilienſe proſectus, quum aliquamdiu dubitaſſet, utrum Doctòrum ſive Jurisconſultòrum, an vero Equitum collegio ſeſe aggregaret, tandem cum Nobilibus ut honoratioribus conſedit. Imperator ibi hominem conſpicatus, ô te ſtultum, inquit, qui Milites ſive nobiles Doctis præferendos cenſes! mihi quidem è gregariis militibus vel mille Nobiles & Equites uno die creare facile eſt; at vel mille annis unum Doctorem non fecero.

Par pari.

Poëtices Leo X. Pontifex & ipſe ſtudioſus, & liberalis fuit Mæcenas. Erat tum Romæ inter cæteros quidam Andreas Maro, qui ob expromptam condendi carminis vel potius verſificandi facilitatem, quum ſtans pede in uno flueret lutulentus, & multos ex tempore verſus recitaret, Archipoëtæ nomen conſequutus fuerat, Is quum ad Pontificem veniſſet, ab eo invi-

tatus

tatus, sequentem versum gloriabundus, nihil arrosus unguibus effudit :

Archipoëta facit versus pro mille poëtis.
ibi pontifex non minus facili vena sequens
Pentametrum subjunxit :

Et pro mille aliis Archipoëta bibit.

Titulorum insolentia :

Villargeus non minus nobilis quam doctus & facetus Eques, Emanuelis Philiberti Sabaudia Ducis nomine apud Maximilianum II. Imperatorem Legati munere aliquamdiu cum laude functus, à Principe suo domum revocatus, Imperatorem die pluvioso & nubilo valedicendi causa accesserat. Imperator, Quæ te, inquit, necessitas tam obscuro & nubilo die iter ingredi cogit? Tum Villargeus, Nubes, inquit, istas obscuras nihil metuo, quum tam Germaniam quam Italiam Majestas Vestra multiplici Serenitate impleverit. Indicans eorum Principum multitudinem qui titulum hunc usurpant.

Alphonfi Ferrariæ Ducis Secretarius ejusdem Ducis jussu ad dominum quendam in Italia litteras scripserat. Non ignarus vero quam vane ea in re quidam curiosi sint, adeo ut si vel apex à titulo, quem ipsi sibi vindicant ablit, ipsas statim litteras rejiciant & remittant, vel certe tamquam

insignem injuriam sibi factam interpretentur: Ducem adit & de titulo literis inscribendo rogat, Dux, *Magnifico*, ait inscribe. At ille: hoc inferius hominis hujus conditione aliquantum videtur. Ergo, *Illustri*. Et hoc, ait Secretarius, parum conveniens est. Tum Dux indignabundus, Quin censeo, inquit, ut ei Domini Dei titulum adscribas.

Sixtus V. Pontifex ex obscuris natalibus ad Pontificatum evectus, per jocum ex illustrissima domo originem se ducere agebat. Eam enim in qua ipse natus sit (in Monte alto ignobili oppidulo) per mille rimas & fissuras admissio solis lumine, totam uno momento collustrari.

Facetum cujusdam factum.

REx quidam in aula sua hominem alebat, eum tantum in finem, ut si quid ridicule aut stulte factum esset, in Commentarios referret. Incidit negotium, ut Regi nuncio opus esset, qui literas quam citissime Romam perferret. Plerisque ob nimis breve tempus præstitutum, tergiversantibus, ac nihil certi promittentibus, tandem quidam prodit qui intra præfinitum tempus id facturum se recepit. Rex lætus, continuo homini mille ducatos numerari, & quantoties cum expediri jussit,

ea conditione ut si promissa non imple-
ret, pecuniam omnem redderet. Fa-
ctum hoc quum Commentator ille in li-
brum suum retulisset, Rex accersit homi-
nem, cur ita fecerit rogat, Eam ob caus-
sam inquit ille quod ut intra tempus con-
stitutum Romam quis perveniat, fieri
non potest: tum quod mille ducati nume-
rati sunt, ubi centum satis fuissent. Tum
Rex, si ille quod promisit non præstiterit,
& pecuniam uti conventum est, mihi red-
diderit, æquum erit ut totum hoc quod
scripsisti inducas, & è libro deleas. Equi-
dem, ait alter, vestrum hoc factum scrip-
tum manebit, quod ille pecuniam vobis
reddiderit, quod si fecerit, inducto vestro,
stultum illius factum adscribam.

Ars arte delusa.

P Atavinam præfecturam Fabio Grimano
Serenissimæ Venetæ Reipublicæ nomi-
ne administrante, Studiosi quidam tene-
brionem pannosum & famelicum decem
scutatis conductum, subornarunt, ut dicto
præfecto è templo exeunti occurreret, cum
osculo manibus impresso saluaret, ac tan-
dem fratrem appellaret. Hac salutatione &
verbis nihil omnino commotus Grimanus,
comiter eundem resalutat, & secum in
prætorium ducit: ubi intellecta totius rei

serie, portas urbis statim obserari jubet, & Studiosos omnes quorum consensus ad hanc rem intervenerat ad se vocat. Quum illi comparuissent, sereno vultu, Ipsorum, ait, comitate & diligentia tibi hodie fratrem repertum, sed adeo egenum & nudum, ut ad eum, uti fratre dignum sit, ornandum, non paucis nummis opus sit. Velle igitur, ut quandoquidem ipsi in fratre reperiendo non levem adhibuerint diligentiam, jam quoque in eo exornando pari utantur liberalitate, ac singuli certam pecuniæ summam statim dependant. Excusare illi se, deprecari, obsecrare denique, ut quod joco & juvenili lascivia commissum esset, indulgeret: at ille pertendere, opus esset fratri veste, sumptu, nec prius abundi illis copia facta, est, quam centenos scutatos nudo illi singuli numerassent.

Optimum consilium Turcam oppugnandi.

B Ononienfis quidam è plebe Vanesio Adriano VI. Pontificis domestico nunciari jusserat, habere se rem secretam ad Christianæ Reipublicæ utilitatem in primis pertinentem, quam Pontifici coram indicare statuerit, si viatico juvaretur. Quid sit? Accepto viatico, Romam venit: ad Pontificem introducit. Secretum exspectans? Id fuit: ad evertendum Turcarum imperium,

rium, & magno terrestri exercitu, & classe quam optime instructa simul opus esse. Joco dictum hoc putabis; at perfectio ea in re nemo quisquam melius consilium dederit, aut majus secretum revelarit.

Fures non facile defendendi.

T Homa Moro in Anglia pro tribunali sedente, crumenisecæ aliquot & id genus furtifici homines producti sunt & accusati. Ibi assessorum unus, vir gravis & senex eos qui reos illos accusabant graviter reprehendit, quod in custodiendis crumenis & aliis suis rebus tam negligentes fuissent; atque ita furto occasionem ipsi præbuisent. Hujus importunitate offensus tum Morus, judices admisit, sequenti vero nocte unum excerptis illis ad se adduci jussit & quid fieri vellet, monstravit, impunitate, si id fecisset, promissa. Sequenti die Morus iterum pro tribunali sedens, primum eum quocum ante egerat, produci jubet. Multorum furtorum accusatus, facilem ait sibi purgationem, modo vel ipse Judex, vel Assessorum aliquis secreto aures sibi præbere vellet, revelaturum enim aliquid quod ipsorum omnium interesset. Tum Morus unum ex Assessoribus eligendi potestatem fecit; ille vero seni illi hesterno suo Advocato, rem omnem aper-
turum

turum se dixit. Sic igitur cum illo seorsim abscedens, auri nescio quid insufurrat, interim vero marsupium ejus quærit, & inventam aufert. Illo jam ad subsellium reverso Morus hominem in carcere attineri ait, qui fame periret: ei rogare uti Assessores parva stipe subveniant. Sic igitur singulis manum ad crumenam admoventibus, senex quoque ille marsupium suum quærit eoque non invento, vehementer commotus, rem indignam exclamat, crumenam sibi nescio quomodo periisse, & eo ipso in loco ubi jus dicitur, furto ereptam. Tandem Morus rem omnem ei exponit, monens ne posthactam accerbe reprehenderet eos quibus tale aliquid contingeret: neve furum & crumenifecarum susciperet patrocinium.

Et stulti sapiens saepe verbum.

FRANCISCO I. Franciæ Rege (aliis etiam idem adscribi non nescio) ad Italicam expeditionem sese accingente, inter duces & consiliarios diu disceptatum fuit, quænam potissimum via esset ingredienda. Id deliberari audiens quidam Amaril nomine, quo Rex pro morione utebatur, Mihi, ait, ô Rex, consilia hæc vestra minime placent: Cur ita? Rex inquit. Eò, respondit ille, quod omnes consultant quomodo Italianam

liam ingredi; at nemo quomodo rursus inde egredi queamus. Periculum ergo est ne manendum ibi nobis sit. Si verum hoc est, augurium sane fuit, Rege eo in bello ad Ticinum capto. Nimirum *non olitores tantum sed & stulti saepe opportuna loquuntur.*

*Quantum profit saepe argutum
commentum.*

A Pud Parvanos moris est, ut defuncto principe è ministris quidam tanquam comites addantur, qui scilicet in altero illo Mundo eidem serviant & consueta ex hibeant ministeria. Lusitanus quidam, altero oculo orbatus, & à barbaris captus, hero suo aliquamdiu diligenter ministraverat: quo mortuo, summo erat in periculo, ne eum comitari cogerent. quod tamen arguto commento discussit & evasit. Ajebat, eos qui in altero illo Mundo sunt, ubi herum suum viderint tam deformi ministro comitatum, minus honorifice de eo ejusque statu & conditione sensuros: melius ergo fore si ministrum ei addant omnibus membris integrum. Quæ ratio quum barbaris justa videretur alia veluti succidanea hostia defuncto data fuit.

Ita & damnum saepe prodest.

Non facile fidendum

QUum nescio quis Laurentio Medici dixisset, Hieronymum Riarum Comitem

mitem Imolam Regi, Regem vero eidem Ducatum in regno suo dare constituisse, Videat ille, inquit, ne falsum Ducatum accipiat.

Eadem argutia Bartholomæus Colionus Venetæ militiæ Præfectus adversus Franciscum Sfortiam usus est, Quum enim hic missio Simonetto eum urad se redire vellet, invitasset, Colionus vero quietam deinceps vitam agere sibi constiturum dixisset: Simonetta, At scintu, inquit, quid herus meus dicturus sit? Te nimirum magnum esse & fortem hominem, at qui millenis aliquot Ducatis vinci se passus sit. Dicat ille, inquit, quod vult. hoc si dixerit, tu ei meo nomine dicas, multo turpius fecisse, qui non millenis aliquot, sed uno Ducatu vinci se passus sit. Allusit ad Ducatum Mediolanensem, cui inhians Sfortia, ad defensionem ejus adscitus, medio bello contra eos quos tuendos susceperat, arma convertit. *Si dices qua vis, audies qua non vis.*

A sacris manus abstinenda.

C Ameracum negotii cujusdam causa Marusinum hominem militem Ludovicus XI. Franciæ Rex ablegarat. Quum inde Marusinus insigni torque aureo, qui ex sacro auro Ecclesiæ Cameracensis reliquus

quius detracto confectus dicebatur, donatus revertisset, & quidam Marufini sodalis ejus inspiciundi gratia manus admoveret, Rex, Cave, inquit, attingas: res enim sacra est.

Idem Benniensis monasterii Abbatem rogaverat: ut Abbatia sua cederet. At ille, Quadraginta, inquit, annos primis duobus Alphabeti litteris A. B. (Galli enim sua lingua *Abbe* Abbatem dicunt) dicendis insumsi, quæso ut duabus sequentibus, nimirum C. D. (*Cede*) dicendis, totidem annos mihi concedere velis.

Nimia familiaritas Principi indecora.

F Ridericus Urbini Comes tam carus erat subditis suis, ut quacunque iter faceret, ab effusa undique utriusque sexus & omnis ætatis multitudine, cum plausu & lætitia exciperetur: quam quidem ille benevolentiam singulari ac pœne indecora Principi comitate alebat, non modo neminem à colloquio suo excludens, verum etiam ultro obvios compellans, & pileum quasi continuo manu tenens. Hinc Octavianus Ubaldinus, Comiti familiaritate & necessitudine conjunctus, si quando hominem valde negotiosum & festinantem conspiceret, cum Comitis Friderici pileo occupationem esse dicebat. *Nimia familiaritas parit contemptum.*

Via

Vis Juvenum , consilia senum.

LUDOVICO XII. de bello Venetis inferendo deliberanti , quidam negotii difficultatem proponens dixerat , Rempublicam illam à multis prudentissimis Senatoribus administrari , eoque non facile contra eos bellum suscipiendum. Ludovicus , Habeant illi , inquit , senes suos prudentes , ego vero tot stultos adolescentes cum illis committam , ut parum in sapientia sua præsidii sint habituri.

Libere dictum libere acceptum.

FLORENTIÆ civis fuit , opulentus quidem , sed in victu , vestitu & omnibus rebus perparcus. In eum quum Cosmus Medices aliquando incidisset , & quod tam parce ac pæne sordide viveret , reprehendisset , rogans , Quem in usum tantas opes congereret ; si uti iis nollit ? Ille mordaciter , Eò inquit , ut quando tributum à Vestra Excellentia imperatum fuerit , habeam unde id solvam. Hujus dicti libertate nequaquam offensus est Cosmus , sed quod tributum aliquando civibus imperaret , id non nisi summa necessitate se coactum facere excusavit.

Libera-

Liberalitas hoc tempore inusitata.

E Obani Hessi quum magnum fuit ingenium, tum insignis in Poëtica arte facultas. Ei aliquando Nobilis Gualterus nomine, duos boves promisit, si dum equum ipse ascenderet, versum ex tempore componeret. Tum Eobanus sine ulla mora in ipso vestigio versum hunc protulit:

Ascendat Gualter, veniat bos unus & alter. atque non multo post promissos sibi boves accepit.

Facilis Principibus est excusatio.

IN Italia Princeps domino sive toparchæ vicino magnam ditionis partem eripuerat: hocque suum factum circummissis undique ad reliquos Principes literis, & processu contra miserum illum formato, excusaverat. Quum inter alios idem ad Ferdinandum Medicem magnum Heturiae Ducem eo nomine legatum cum literis misisset: Dux legatum per dies aliquot honorifice tractavit, ac tandem cum literis demisit, in quibus nihil præter verba, ut inter Principes moris est, benevolentiae & officii plena, perscriptum erat: iisdem vero literis adjunctus erat contra Legatum illum processus, ut vocant, quo is homicidii Florentiae commissi arguebatur.

Voca-

Vocatus hic ad Principem, inspecta scriptura, testimoniis & quæ eo pertinent, primùm admiratione obstupuit, mox per omnia sacra pejeravit, falso se ejus criminis inæmulari, immo nihil tale umquam sibi in mentem venisse. Tum Princeps de Legati innocentia nihil dubitans, statim Ferdinando rescripsit, mirum sibi videri inquires, quod ministrum suum tam enormis, sed conficti criminis, insimulare non dubitaret. Ad hæc Ferdinandus ita respondit: *Facile esse cuius Principi in suo imperio, quemcunque, etiam bonum & innocentem, non accusare solum sed etiam condemnare.*

Non impediendum Judicis officium.

JACOBO Caviceo Ferrariensi Eques quidam magnæ auctoritatis obstitit, quominus libere exercere munus suum in requandam posset. Caviceus palatium, ac deinde Princeps cubiculum ingressus, etsi Principem cum multis aliis adstantibus præsentem videret, nilominus tibi princeps esset, quæsit. Tum Hercules, Non ego sum Princeps? Non pol, inquit Caviceus, sed is arbitror, qui justitiam & iurisdictionem impedire potest, Princeps est. Subrisit Dux, ac statim ne quis ullum ei impedimentum in munere suo exercendo adferret, edicit.

Idem

Idem duobus de re nihili litigantibus, ad circumstantes, Numquid horum alter inquit, hircum mulgere, alter cribrum supponere videtur?

Querenti cuidam, pluresne vivi essent an mortui; Vivi, inquit, mortui enim non sunt.

Alii de rebus invisibilibus multa blateranti, Dic mihi, inquit, quid illud sit quod non videt? & si videat, non amplius futurum sit. Illo hærenti, Cæcus est, ait qualis tu es, qui non videt: ac si videret, non amplius cæcus futurus sit. Sic tu si mores tuos pervideres teque ipsum nosceres, sine dubio operam daturus esses, ut quasi in alium hominem te transformares.

Cuidam artem suam jactanti, & in ea se Primum & quasi Solum esse dicenti, Tu inquit, si primus sis, solus esse non potes: si solus, jam non es primus.

Amamus etiam loca, ob beneficium.

Ladislaus Rex Neapolis, amisso regno Cajetam se recipit, ibique communi civium sumptu aliquandiu fuit sustentatus. Recuperato deinde regno, idem Cajetanostanto amore & benevolentia prosequabatur ut nemini qui ab ipso aliquid peteret, quidquam negaret. Hinc agasonis cujusdam jocus, Felicem asinum suum fore dicentis,

centis, si Cajetæ natus fuisset, siquidem Rex vel oppidi vel arcis præfecturam ei sit demandaturus.

Periculum responso discussum.

Rixa inter Gabrielem Zapatam & alium nobilem inter ludendum orta, alter sequenti mane Zapatam ad duellum provocavit, utque ad sextam horam constituto loco præsto esset, nunciari ei jussit. Quid, inquit Zapata, hoc rei sit? Dic ei qui te misit, me more meo ante undecimam rarò è lecto surgere: inde cogita, an tam mature nidum relinquere velim, ut corpus & membra mihi mutilari sinam? Sicque iram in risum vertit.

Duellum alio modo vitatum.

GAllus Genuatem, quod in familiæ suæ ut dicebat, injuriam, eadem insignia, usurparet, ad duellum provocavit: nec delectavit Genuensis, sed ad condictum locum venit: deinde Gallum rogans quid illud esset quod in clypeo ostentaret? quum Gallus bovis caput dixisset. Nihil, inquit, opus est ut armis dimicemus. Mea enim insignia non bovis, sed vaccæ caput præferunt.

Qua ab amicis petenda.

PUblus Rutilius ab amico ut in re parum honesta adjuvare se vellet rogatus; statim id facturum se negavit. Illo dicente, quid ergo tua mihi opus est amicitia, si amici officium mihi præstare nolis? Immo, inquit Rutilius, quid tua mihi opus est si meis moribus parum digna, à me petere velis? *Amicus usque ad aras: à quo Honestà tantum petenda.*

Stultorum plena sunt omnia.

JUlius Neapolitanus ministrum habuit, quem ob ingenii tarditatem Stultorum regem appellare solebat. Hic iratus regem aliquando hero, Utinam, inquit, quem me dicis Stultorum rex essem! Scio equidem totius orbis Monarchas me potentia longe superaturum. Immo tu ipse inter subditos meos non postremus futurus sis.

Reus argute defensus.

IN capitis judicio Advocatus quidam reo datus, judices rogaverat, Annè bonum illum hominem sibi defendere per ipsos liceret. Annuentibus illis, ad regium Procuratorem conversus idem rogat. Quo & ipso assentiente, Facere profecto aliter non potestis, inquit, quin hominem hunc absolva-
tis, utpote quem bonum esse, ipsi ultro confessi

68. DEMOCRITVS
fessi estis. Atqui boni in furacm ut agan-
tur, minime permittendum est.

Qui totum habere cupit, totum saepe perdit.

B Onam argenti summam quis certo loco
in terram defoderat, nemine conscio;
præterquam vicino quodam, intima fami-
liaritate ipsi conjuncto, qui fidem non ser-
vans, noctu thesaurum effossum secum
asportavit. Alter ille spoliatum se videns,
illumque ipsum, uti erat, furti auctorem
esse suspicatus, nullo tristitiæ signo osten-
so, sed vultu ad hilaritatem composito,
vicinum adit, inquires. Fortunam quo-
tidie sibi magis magisque esse propitiam,
utpote quæ novas sibi divitias objecerit:
eoque se statuisse sequenti nocte illo ipso in
loco ubi ante thesaurum defoderat, alteros
mille ducatos recondere. Vicinus tam-
quam vulturius prædæ huic omni inhians,
quam primum ad locum illum proficisci-
tur, & thesaurum ablatum reponit, po-
stridie unà cum alteris illis mille ducatis,
& cum omni pulvisculo, ut ita dicam, con-
verriturus & abliturus. At ille argentum
illud prius secum domum asportavit; at-
que ita vulturium hunc vicinum suum lepi-
de delusit.

Indicia

Judicia muneribus corrupta.

J Udex quidam à litigante cadum oleo plenum dono acceperat, paulo post adversarius ejus eidem judici porcum præpinguem dono mittit. Lata contra priorem sententia, quum ille judicem tamquam ingratum & promissi parum memorem accusaret, judex, Ne, inquit, id mirum tibi videatur. In meas enim ædes porcus irrupit, qui everso cado, oleum mihi omne perdidit: ex quo factum est, ut doni tui plane fuerim oblitus, Ita hic vere *oleum*, quod dicitur, *perdidit*.

Cosmi Medicis ingenium.

C Osmi Medicis, ejus qui primus familiam suam ad pene regium fastigium extulit, ut multa prudenter atque etiam astute facta, ita multa quoque sapienter & argute dicta celebrantur. Ei quum proscriptus quidam sive exsul Florentinus nunciari jussisset, Gallinam jam ovis incubare, consilia innuens quæ contra Cosmum à se & aliis cuderentur: Atqui, inquit Cosmus, extra nidum pullos illa non facile exclusit.

Aliis nequaquam se dormire significantibus. Facile, inquit, hoc credidero, quippe, quibus somnum ego & quietem jamdudum interpellavi.

D

Ejus-

Ejusdem & hoc est, Imperia Pater nostris non administrari.

Quum morti vicinus oculos fere assidue clausos teneret, uxori causam roganti, Ideo facere dixit, ut quod post hoc semper faciendum esset, illud jam facere consuefceret.

Mendacium quod & in quibus ferendum.

P Lato omne mendacium detestandum, in Medio tamen aliquo modo ferendum dicebat. Notum est illud:

*Quod medicorum est,
Promittunt medici.*

Æneās tamen Sylvius, qui postea Pontifex Pius II. nomine fuit, jam morti vicinus, medicis semper meliora promittentibus, *Hæc etiam inquit, Principibus miseria est, ut ne in morte quidem assentatoribus careant.*

Paci quæ maxima infesta.

P Etrarcha dicere solebat, Pacis hostes quinque infestimos apud nos habitare, Avaritiam nempe, Invidiam, Iram, Ambitionem, & Fastum sive Superbiam, quibus tamquam seditiosis civibus è civitate ejectis, sine ulla interpellatione Pax perpetua Mundo futura sit.

Honores mutant mores.

Benedictus Albizius tam nobilitate quam doctrina juvenis clarissimus, amicum Cardinalitia nuper dignitate ornatum gratulationis ergo accefferat. Quum vero superbus ille homo Albizium se non agnoscere simularet, Albizius pro gratulatione talem orationem exorsus est. Pro amicitia quæ olim inter nos fuit, huc veni ut de fortuna tua quæ ad tantum te honorem evehit, condolerem potius quam congratularer. Video enim quamprimum vestrum aliquis ad tam altum locum ascendit, malam quandam fortunam & visum, & auditum & omnes fere sensus vobis eripere, sic ut tantum pristinos amicos, verum etiam vos ipsos agnoscere nequeatis.

Sumtus male collocati.

Florentino quodam se venditante quod multa scutotarum millia literis discendis consumpsisset, Alphonsus Pazzius, Si inquit quem reperias qui centum tibi pro eo quod didicisti reddere velit, sine omni cunctatione argentum accipito: innuens, doctrinam sumptibus minime respondere.

Paupertas secura est.

Nobilis quidam Placentinus, consumptis fere omnibus fortune, in magna

paupertate vitam sustentabat. Is noctu fures quosdam in domo sua deprehendens ,
 Quid vos , inquit , stulti homines hic noctu aliquid inventuros putatis , ubi ego interdum nihil invenire possum ?

Amoris remedium.

P. Paupertatem optimum esse Amoris remedium quidam dixit ; aut certe Tempus. De vi quidem amoris Virgilius :

Omnia vincit amor , &c.

Quam quidem Merlinus Cocalius facere , ut omnia , his versibus describit :

Heu quia troppus amor savios mattefcere cogit.

Et quis erit tantus qui hunc prendere possit asellum ?

Cui panis nulla , cui trappola nulla repugnat.

Cesar erat tam bravus homo , qui subdidit orbem :

At mulier scanfarda illum subjecit amor.

Aloides validis qui spallis more pilastri

Cascatura susum tenuit solaria cœli.

Femineam soccam , rejecta pelle leonis ,

Induit , & mazzam posuit , fusumque piavit ,

Fortem Samsonem qui ungui spaccare solebat ,

Dentatos porcos , tigres magnosq; leones ;

Tandem

*Tandem imbragum vilis putanella te-
savit.*

Focus circa titulum.

G Uilielmus Mantuæ Dux facetiis & jocis multum delectabatur. Is ad D. Benedi-cti aliquando stans, forte fortuna clericum vidit, equo prætervehentem: ad quem statim uno è ministris ablegato, utrum clericus esset, exquiri jussit. Tum clericus ad ministrum, Dicas, inquit, *Illustrissima* suæ Dominationi. me esse. Dux audiens, Propere ait, rursus hominem roga, quis sit, unde veniat, & an nesciat quis titulus mihi tribui soleat & debeat. Ibi clericus, Dicas *multum illustri* suæ Dominationi, me Curatum esse sive parochum Guastellanum. Tum Dux, Abi iterum, & cur *Altitudinis* titulum (*Altezza* Itali, *Alteſſe* Gallis) mihi non tribuat, roga. Respondit clericus: Dic *Sue Dominationi* me in libris meis legere, *Tu solus Dominus, tu solus Altissimus*. Tum Dux ridens, Abeat in malam rem, cum omnibus suis titulis.

Malum Caput.

A D Urbanum V. Pontificem legatus nescio cujus in Romana ditione oppidi introductus, tanta pervicacia res quasdam postulabat, ut Pontifex tandem in hæc ver-

ba erupuerit : *Malum profecto habetis caput*, quod Italica & nostrati etiam lingua in homines cerebrosoſ & iracundoſ dici ſolet, Tum legatuſ, *Fateor*, inquit : *& ſane ſi meliuſ haberemuſ caput, meliuſ aliquanto nobiſcum ageretur.*

Garrulitaſ odioſa.

AD eundem Avinione (quo tunc Pontifices ſedem tranſtulerant) ægrum decumbentem, treſ legati Peruſini venerant. Admiſſi, quam fieri poſſet, pauciſſimiſ verbis mandata exponere jubentur. Tum eorum unuſ qui meditatuſ venerat, ne labor ſuuſ, credo, periret, longam admodum orationem exorſuſ, quamviſ Pontificiſ aureſ ac animuſ vehementer defatigatuſ animadverteret, ad finem nihilominuſ perduxit. Poſtquam peroraſſet, Pontifex an quid aliud in mandatiſ haberent, rogat. Ibi aliter, qui Pontificiſ faſtidium diligenter notaverat, Sanctiſſime Pater, inquit mandatuſ nobiſ eſt, ut niſi quamprimum quale volumuſ reſpoſuſ accipiamuſ, collega hic meuſ longe prolixiori oratione priora illa repetat. Audiens hoc Pontifex legatoſ quam primum dato reſpoſo dimiſit.

Imaginarii ſupplicii irriſio.

Idem Rudolphuſ cum Florentiniſ capitaliſ inimicitiaſ exercebat. Quare irati Floren-

Florentini quum ipsum nancisci non possent, effigiem ejus tamquam latronis, publico loco suspenderunt. Paulò post nihilominus idem belli calamitatum pertæsi, legatos ad Rudolphum de pace rei induciis faciendis miserunt. Rudolphus qua hora legatos venturos sciebat, luculentum focum, quamvis, utpote Augusto mense, maximus esset æstus, & prope eum lectum sibi instrui, atque in eo multa stragula veste & pellibus, se contegi jussit. Ad lectum introductis legatis, & de morbo percunctantibus; Rudolphus ait, Mirum in modum se algere, ut qui tanto tempore jam noctu atque interdiu in ipsorum mœnibus nudus pendeat. Florentini irrideri se animadvertentes, statim illam Rudolphi effigiem patibulo detrahi jusserunt.

Irrisio in auctorem.

Q Ueraldus Petri Aragoniæ Regis consiliarius ad Fesslarum Regem legatus ab eodem ad convivium invitatus fuit. Jusserrat verò Rex fesslanus suis, ut eum in locum ubi legatus sedebat, ad pedes ejus ossa carnibus nudata abjicerent. Finito prandio subornatus quidam, amota mensa & ossium commonstrato acervo, Quisnam lupus, inquit, hoc in loco sedit? Tum Queraldus ad Regem conversus, Equidem,

ait, ô Rex, me lupis assedisse jam video, quippe qui carnes & ossa simul deglutierint: at ego, ut hominem & hospitem decebat, carnes quidem comedi, at ossa canibus rodenda reliqui.

Paulò impudentius, Cynico tamen non valde indignum est illud Diogenis factum: cui quum convivantes quidam ossa, tamquam cani (professionem Cynicæ Philosophiæ irridentes) objecissent, ille accedens, eos comminuit, & hoc canum esse dictitans.

Quæ facta, facilia factu videntur.

IN convivio quodam, præsentè Christophoro Columbo, eo qui primus Novum Orbem nobis detexit atque aperuit, Hispani quidam Equites, peregrino, credo (Ligur enim Columbus fuerat) tantam laudem invidentes, nihil singulare ab eo præstitum dixere, &, quod non quivis, rebus ad hoc necessariis instructus, præstare potuisset. Subridens Columbus, ovum è patina sumit, & deposito, inquit, pignore, vobiscum certare aulam, neminem inter vos esse, qui ovum hoc ut sine ullo fulcimento rectum stet, efficere possit. Frustra ab omnibus factò periculo, idem ovi mucronem leniter mensæ impingit, eoquè subsidente, ovum rectum statuit: hacque ratione omnes pisce
magis

magis mutos in ruborem dedit. *Ἡμῶν μὲν ἢ μίμνειν* *Facilius est carpere, quam imitari.*

Ministri magistri.

Mercurius Cattinara, magnus Caroli V. Imperatoris Cancellarius, nec precibus nec ullo certæ indignationis metu induci potuit, ut transactioni inter dominum suum & Franciæ Regem subscriberet; auctoritate ab Imperatore sibi concessa, minime ad res eidem damnosas abususum se dicens.

Eadem & magis justa constantia Antonius Pratenfis, magnus Franciæ Cancellarius, fæderis inter Regem suum & Solimanum Turcarum Imperatorem inita capita, manus suæ subscriptione confirmare recusavit, quod totum hoc negotium & ad Regis & ad universæ Reipublicæ Christianæ ignominiam & damnum pertinere judicaret. *Ita scilicet Regi inserviendum. ut ne Regno noceas.*

Quis optimus ministrorum Advocatus.

Joviano Pontano Ferdinandus Neapolis Rex, Alphonso Calabriae Duce, Regis filio, multam dissuadente, munus aliquod arduum demandarat; & non minus invitum, ut illud susciperet, tandem perpulit.

Tum Pontanus, Munus, inquit, ô Rex, quandoquidem ita omnino vis, non detrecto; id tamen ita gesturum me profiteor, ut nec tuam indignationem, nec adversus filium indulgentiam valde sim reformidaturus: siquidem contra utrumque, & quasvis obtrectiones optimum Advocatum mihi adducam. Sermonis insolentiam miratus Rex, Quisnam ille Advocatus esset, quærit. Paupertas, ô Rex, Pontanus inquit. Et sane in magistratu incorrupti animi & puræ manus non leve argumentum est inopia, & contra quosvis columniæ i-ctus scutum optimum: contra vix video quomodo ii qui in officiis constituti, parvo temporis spacio (quales multi passim sunt) ingentes divitias congerunt, à rapinæ, vel ut levius dicam, *δωραδόνας* crimine sese vindicare possint.

Vir officio, non officium viro querendum.

Alexander Severus Imperator non ultro ambientes, sed invitos & reluctantes publicis officiis præficere solebat, tantum abest, ut quod hodie pessimo more nonnullis in locis usitatur, plus offerenti vendiderit. Aiebat enim, nihil mirum si qui munus aliquod emerint, idem rursus vendant, id est, venalem Justitiam habeant, Notus est ille versiculus.

Eme-

Emerat ipse prius, vendere jure potest.

Munerum acceptatores & impostores quomodo puniendi.

Idem Vetronium Turrium operam suam acceptis muneribus iis qui à Cæsare aliquid petere volebant, large promittentem, sed plerosque inani spe decipientem, palo alligatum fumo necari jussit, cum elogio: *Fumo punitur qui fumos vendidit.*

Severum hoc, illud Galliæni Imperatoris ridiculum, qui Mangonem, ab uxore accusatum quod vitreos ei globulos pro gemmis vendidisset, in arenam includi jussit, ut cum bestis, sicut videbatur, committeretur. Jam tam ab ipso damnato quam omnibus spectatoribus horribilis aliquis leo aut aliud ferum animal expectabatur; quum ecce cavea emissus gallus galinaceus prodit. Omnibus non sine admiratione in risum effusis, præco Imperatoris jussu proclamat: *Imposturam fecit; & passus est.*

Faceta homicidii, fortuito casu commissi vindicandi ratio.

E Præcella domo faber decidens, prætereuntem casu suo exanimaverat, & sic alterius morte vitam servarat. Eum mox in judicium vocant mortui illius agnati,

homicidii accusant, & damnari petunt. Utriusque causam magna contentione agentibus, iudices tandem ejusmodi pronunciarunt sententiam: ut nimirum agnatorum aliquis in eum, unde ille delapsus erat locum ascenderet, seque simili saltu in reum infra stantem, præcipitaret. At nemine conditionem hanc accipiente, ille absolutus est, *Culpam præstare, non casum, homo debet.*

Lites refecande.

R Udolpho Habsburgensis Comiti, qui primus Imperialem dignitatem in Austriacam familiam intulit, cum Abbate Sangalensis Cœnobii valde tum potente, & aliis vicinis lis intercedebat. Captato prandii tempore, Comes Abbatem accedit, & ultroneum se convivam exhibet, magna cum omnium admiratione. Sublatis mensis, cum Abbate aliquamdiu collocutus, tandem pacem facit, ac discedens, suis, *Cui tres, inquit, lites, meo judicio recte fecerit, si duabus compositis, tertiam tanto diligentius prosequatur.* Hoc consilium eidem utile fuisse eventus docuit: ut cui postea prædictus Abbas bonam adversos hostes operam navarit.

Sententiarum amputanda diversitas.

IN Italiam ac Insubriam occupandum profecturus Franciscus I. Franciæ Rex, quum consilium hoc suum multis displicere non ignoraret, Ego, inquit ad Senatores, in Italiam ire planissime constitutum habeo. Quicumque vero ab hoc proposito retrahere me ausus fuerit, non solum frustra erit, sed etiam malam à me gratiam inibit. Et hoc quidem uno ictu Rex dubia omnia & sententiarum varietatem tamquam Gordium nodum solvit, & ad expeditionem se quamprimum accinxit. *Mature deliberandum, sed deliberata cito exsequenda.*

Camillus Ursinus, nobilis militiæ dux, Nihil ajebat in bello rebus feliciter gerendis magis adversari quam tarditatem, sive cunctationem: quam barbaro quidem, ap-
to tamen vocabulo, Irresolutionem dicunt.

Idem nihil minus consultum sibi videri dixit, quam ut res hodie deliberata, in sequentem diem differatur: quod interim multa accidere possint, quæ, utpote improvisa, omnem rei gerendæ ordinem pervertant.

Negocia quomodo tractanda.

Periphanus Ribeira Alcalæ Dux dicere solebat, Negocia Difficilia tanquam fa-

cilia ; & è contra facilia tamquam difficilia tractanda esse : quo scilicet nec facilitas negligentiam , nec difficultas desperationem adducat.

Humana sapientia modus.

DIvina Julii Cæsaris Scaligeri, viri incomparabilis, vox est: *Sapientus est: quædam nescire velle.*

Quinam optimi Consiliarii.

ALphonfus Aragoniæ Rex, quinam optimi essent Consiliarii, rogatus, Mortuos respondit, libros scilicet innuens; ut qui sine ullo affectu verum promunt.

Idem, si stante Romanorum Republica, nasci sibi contigisset, ante Curiam Iovi Positorio templum se ædificaturum dixit, ut in eo Patres Conscripti, antequam in Senatum venirent, odium, amorem & similes affectus deponerent.

Fridericus Imperator, convocatis aliquando Senatoribus, Utinam, inquit, mei Consiliarii duas res secum in palatium ne adferrent, ut & illi bene consulere, & tanto ego facilius bona consilia à malis discernere possim. Rogatus quænam duæ illæ res essent, Simulationem & Dissimulationem esse, respondit.

Sigismundus Imperator tum demum
Princi-

Principes in hac terra beati victuros dixit, si procul habitis superbis & crudelibus Consiliariis, mitibus & mansuetis morigeros sese præbeant

Franciscus Almeida nihil sceleratius sibi videri ait, quam eos Consiliarios qui non ex animi sententia loquerentur: quippe qui & contra Deum & contra Principem gravissime peccent. Contra Deum quidem, quod conscientiae à Deo sibi datae refragentur, quod quidem *peccatum in Spiritum sanctum* dici possit: contra Principem vero, quod hac dissimulatione vel simulatione sæpius res ejus in extremum discrimen, atque etiam exitium adducerent.

Quanta vero officii hujus dignitas sit, idem inde ostendit, quod Principes ad consilium paucos, eosque lectos & probatos admittant; à prælio vero neminem rejiciant aut excludant.

Superbia, stultitia index.

E Ques quidam Mediolanensis, certis de causis ad Florentinam Rempublicam legati nomine missus; catenam collo appensam, subinde mutabat sive variabat. Hanc ostentationem irridens Nicolaus Nicolinus, homo non minus nobilis, quam facetus, Aliis, inquit, stultis vinciendis una catena sufficit; huic vix plures satis sunt.

Vestitus

Vestitus necessitati, non superbia seruiat.

HENRICUS II. Imperator cognomento Claudus, si quando hominem adspiceret vestitu superbientem, Te, inquit, vermes, vestimenta vero tua tineæ comedunt.

Rudolphus Habsburgensis Comes tam omnis in vestibus ornatûs erat negligens, ut laceras etiam non abjiceret, sed refartas in publico gestare non erubesceret.

Solon à Cræso superbissime amictô, & regio throno insidente rogatus, An similem ornatum unquam vidisset: Immo, inquit, ô Rex Pavonum enim, & psittacorum, utpote natus, multò mihi pulchrior videtur.

Augustus Imperator filiarum in vultu luxum acriter sæpe reprehendere solebat, inquiens: *Vestitum mollem ac insignem, superbia esse vexillum, nidumque luxuria.*

Præclare Bernardus: Cur carnem tuam, inquit, preciosis rebus impinguas & adornas, quam post paucos dies vermes in sepulcro sunt devoraturi? & animam tuam bonis fidei operibus non adornas, quæ Deo & Angelis ejus presentanda est in judicio? Cur animam tuam vilipendis, & ei carnem praponis? Dominam ancillari, & ancillam dominari, magna equidem abusio est.

Quam-

Quamvis autem omnes homines vana superbi vestitus ostentatio dedeceat; viros tamen & juvenes maxime. Unde Ovidius:

Sint procul à nobis juvenes ut famina culti.

Mulieres vero illud Plauti in animo habeant:

*Mulier nequidquam exornata est bene,
si morata est male.*

*Quibusnam Principes potissimum
fidere debeant.*

Henricus Castiliæ Rex, cognomento nothus, Cruento admodum contra Petrum Regem bello gesto, & morti vicinus, filio successori per Episcopum mandasse dicitur in regno tria hominum esse genera, quorum hisuam, illi Petri Regis, tertii vero neutram partem aut factionem sequuti sint. Primis quidem velle ut dona & quidquid à se collatum, ratum esse jubeat, nec tamen plane ipsis fidat: secundos monere ut quibus posset rationibus, sibi adjungat, eorumque consiliis & opera utatur, quam enim adversario constantiam, eandem sibi præstituros, & ad priorem offensam officio, fide & diligentia delendam sedulo incubituros. Tertiis vero, in rebus ad imperium pertinentibus nihilum quidem accredat: ut qui publicum servitium privatis commodis semper sint postpolituri

posituri. Tanto hoc præceptum est admirabilius, quanto longius à communi hominum opinione & sensu discedit.

Neutralitas, ut vocant, damnosa.

DE Senensibus, qui bello quodam, dum neutram partem sequi vellent, utrique prædæ fuerant. Alphonsus Neapolis Rex dixisse fertur. Idem eis accidere, quod iis qui in media ædium parte habitant, ut quibus inferiores summo, superiores urinâ molesti sunt.

Maledici contemnendi.

FRidericus III. Imperator quum accepisset multos passim esse, qui male de ipso loquerentur, Quid vos nescitis, ait, Principum actiones tamquam scopum, venenatis linguarum telis esse propositas? Nobis quidem, qui omnibus satisfacere non possumus.

Hic murus aeneus esto,

Nil conscire sibi, nulla pallescere culpa.

Simili animi magnitudine Franciscus I. Franciæ, Rex, quum ob grave tributum subditis impositum, multorum oculis palam proscindi se audivisset, quibusdam ad læsæ hoc Majestatis crimen pertinere & acerrime vindicandum dicentibus, Sinite illos, inquit subrideus, pro argento suo quod volunt, loqui.

Notum

Notum est Themistoclis, factum qui eum à quo per totum diem convitiis oneratus fuerat, noctu à suis cum lucerna deduci iussit.

Vita Principum qualis.

Philippus II. Hispaniarum Rex, Principum vitam, Textorum vitæ similem esse dicebat. Quemadmodum enim Textoris officium valde laboriosum est, & non assiduitatem tantum continuam, sed & totum hominem requirit, indefessum scilicet manum ac pedum motum, defixos in telam oculos, quæ ut innumeris pœne constat filis, ita facile solvitur, rupto hic filo, alibi intricato; atque ad omnia reconcinnanda tam oculi quam manus sine ulla mora præsto esse debent: ita Reges & oculos & manus, adeoque totum animum pluribus negociis simul intentum habere, & mature incommodis quibusvis occurrere oportet. Experto crede Ruperto.

Qui Principum consortio indigni.

Jacobus Almanfor parasitos, sanniones, ludiones, histriones, & id genus homines vehementer detestabatur, tamquam inutilia terræ pondera, & fruges tantum consumere natos: fucis eos similes esse dictitans, qui alieno labore partis opibus insidientur.

Quæ

Qua Principibus maxime pernicioſa.

BAjardus ſtrenuus militiæ ductor, nullam rem apud Principes pernicioſiorem eſſe dixit, quam audaciam & potentiam, cum ignorantia conjunctam.

Anlicorum vita.

COrdatus quidam & multæ experienciæ homo, illud ſe obſervafſe dicebat, tam Principes quam eorum afſectas quaſi per tranſennam hunc mundum inſpicere, vitæque bona extremis tantum labiis deguſtare. Ob continuas enim & graviffimas occupationes cibum eos non manducare, ſed truncare, nec vinum bibere, ſed infundere: atque ita fieri ut ad integri menſis, aut etiam anni finem prius perveniant, quam initum ſenſerint. Quomodo enim ullam ſinceram vitæ hujus voluptatem illi percipiant, qui tam aut continue diſcurſando, aut ſimulando ac diſſimulando, aut ſuam fortunam deplorando: & aliorum in videndo, aut mille injurias devorando, præſentia deteſtando, futura metuendo, & infinitis aliis tam corporis quam animi miſerijs traducunt? Non injuria Hiſpani vulgari proverbio illum Regem eſſe dicunt, qui Regem numquam viderit; & Franciſcus Hetruriæ Dux, civis aut ruſtici opu-
lenti

lenti conditionem; omnibus aliis præferre-
bat. Sed quidquid alii sentiant, equidem
litteratos tantum homines, eos præsertim
quibus necessaria non defunt, vita hac ve-
re & quasi in solidum frui, existimo: ut
qui tempus quiete & honestis occupationi-
bus, transigendo, uitam hanc non ut au-
lici, negotiatores, & alii veluti raptim
currendo, sed pedetentim ambulando tran-
seunt: nonnunquam ad dulcem leniter de-
currentium rivulorum strepitum consisten-
tes, alibi viridantium & pulcerrimi fera-
rum fructibus arborum; vallium amœnis-
simarum, colliculorum & præcelsarum al-
pium mira varietate inter se distinctarum
jucundissimo aspectu oculos pascetes, è
variis, denique tam Naturæ & doctrinæ
quam pietatis flosculis immarcescibilem Sa-
pientiæ sibi corollam textentes: atque ita
suaviter in Dei gratia melioris vitæ spe ac-
quiescentes.

In aulis Principum hodie fere sanniones,
ludiones & assentatores primas tenent. His
licet intrare, sedere, loqui: his cibus de
Principis mensa datur, his cubicula, &
arca etiam Principis patet, his creditur,
his geritur. His bene aut male, prout vo-
luerint, de unoquoque loqui licet: grata
sunt denique omnia quæ dicunt aut faciunt.

Adulatores quomodo excipiendi.

Quidam Sigismundum Imperatorem ad cœlum laudibus efferebat, ac Deo pœne æqualem faciebat. Iratus Imperator homini colaphum impingit. Exclamanti, *Cur me verberas.* respondit, *Cur tu me mordes?*

Huic congruit illud Græcorum: τὰ πρῶτα ὁ κόλαξ τὰ δῶτερά ὁ συκοφάντης. In aulis Principum primas tenet adulator; secundas, sycophanta.

Eodem Sigismundo, Adulatores cane pejus & angue se odisse dicente, Brunorus Veronensis, At hoc genus, inquit, homines longe omnium vobis carissimos esse video. Qua enim alia arte plerique omnes tantam gratiam & favorem acquisiverunt? Ibi Imperator, Verum dicis, mi Brunore: ea enim est naturæ nostræ imbecillitas, ut quamvis Adulatores fugiendos esse dicamus, eorum nihilominus consuetudine delectemur. Et tu ipse profecto si nihil omnino umquam esses assentatus, jam dudum; credo, aula mea exjisses. Innuens non semper *Veronensem*, sed *Placentinum* nonnunquam fuisse.

Præsente Friderico III. Imperator Caspar Schlickius tam multiplicem aulæ hypocrisim detestatus, Ego, inquit, quovis ire potius constitui, quam inter ejusmodi homi-

hominines versari. Tum Imperator, Ergo ultra mare glaciale proficiscendum tibi intelligo: & tamen ibi quoque quod fugis invenies, siquidem nemo est quin hac arte aliquando utatur. Immo, ut præclare Seneca, *Sibi quique maxime assentatur.*

Ludovico XII. Franciæ Rege aliquando dicente, In aula sua abunde omnia quibus opus esset, & quibus etiam opus non esset reperiri, unum tamen abesse; familiarum aliquis, id quidnam esset rogabat. Veritas, Rex, inquit: quam pater meus animam agere dicere solebat; ego vero, & quidem intestatam, jam mortuam puto.

Augustus mortuo Varo, idcirco supra modum se dolore agebat, quod jam non esset à quo verum audiret.

Gordianus vero Imperator dicere solebat. Miserum esse Imperatorem apud quem vera reticentur.

Non facile fidendum.

Alcibiades ad dicendam causam è Sicilia, quo se receperat, Athenas evocatus, quum iturum se negasset, Siculus quidam, Ecquid tu, inquit, civium tuorum, amicorum & cognatorum iudicio diffidis? Quid mirum, inquit Alcibiades? Immo hac in re ne matri quidem meæ fidem habiturus non sum, Quid enim, si illa

illa nigrum calculum pro albo apprehenderit? Niger enim color damnationis, albus absolutionis signum erat.

Nihil violentum diuturnum.

Dionysius Siciliae tyrannus filium ob vim nobili puellae illatam acerrime objugans. Quid tu, ait, an unquam simile aliquod facinus patris tui audisti? Cui filius, Non enim pater tuus Rex fuit. Hic Dionysius: Nec tu profecto filium Regem habiturus es, nisi ab ejusmodi flagitiis desistas.

De superbia & in quo falsa consistat felicitas.

Christophorus Landinus scribit quodam loco, superbiae socias sive comites esse Levitatem, Arrogantiam, Avaritiam, Ambitionem? Lætitiā immoderatam, onerosam Humilitatem, & peccandi Licentiam: filias vero, Hæresim, inobedientiam, vanam gloriam, hypocritism, ostentationem, pervicaciam, discordiam, invidiam.

Idem fallacem hujus Mundi felicitatem ait in quinque rebus consistere, imperio scilicet, divitiis, honoribus fama sive nominis existimatione, & corporis voluptatibus

Ex inimicis salus.

ANthistenes (Xenophonti idem nonnulli tribuunt) dicere solebat, diligenter nobis attendendum esse quid inimici de nobis sentiant & loquantur, utpote qui vitia nostra longe melius quam amici pervideant & notent. Et ut à serpentibus remedium, ita ab inimicis utilitatem petendam esse, idem monebat.

Fortuna instabilitas.

PEtrus Albizius Florentinus, cives omnes auctoritate, divitiis & potentia longe superans, quodam die complures amicos ad magnificum epulum invitarat. Mensis secundis illatis, inter bellaria clavus repertus fuit, magna cum omnium admiratione, ex quo convivarum aliquis capta occasione, monere eum cœpit, ut Fortunam suam jam summo loco consistentem trabali clavo figat opus esse, ne illa more suo rursus ad ima vergat. Et præsagium hoc potius quam interpretationem fuisse, eventus docuit, Albizio non fortunis tantum omnibus everso, sed ignominiosa quoque morte affecto. *Tutus, scilicet, est ad summum, quam in summo* Seneca: *Fortuna magna non caret formidine*, Sexcenta tam exempla quam dicta ad hanc rem passim occurrunt.

Luxus excusatio.

QUum Aristippo Philosopho quidam victum splendidum & sumptuosum exprobaſſet. Equidem, ait ille, ſi peccatum hoc eſſet, nequaquam deorum feſta tanto luxu & pompa celebrarentur.

Cavendum ab ambiguis verbis

LUDovicus XI. Franciæ Rex, devictis rebellibus, & toto fere pacato regno, Equitum Magiſtro (Comeſtabilem vulgo appellant) qui clanculum rebelles re & conſilio juverat, diligenter ſeſe excuſanti, & ſecurum comeatum petenti renunciari juſſit: Ut tam ſedulo ſeſe purgaret, nihil quidem opus fuiſſe: ſatis enim ſuperque ſibi tam de Comeſtabilis erga ſe animo, quam meritis & officiis conſtare. Veniret ergo quandocunque ipſi videretur. Et hoc quidem certo, inquit Rex ad nuncium, ac ſine ulla fictione tibi affirmo; me ad res meas conſtabiliendas tali capite vehementer opus habere: conſilia à tali capite proſecta, ſed caput ejus à cervicibus revulſum intelligens.

Vino multa adſcribenda.

QUum milites quidam apud Pyrrhum Epiri Regem delati eſſent, quod in convivio quodam multa in eum contumelioſe

liose dixissent ; Rex accersitos utrum res ita se haberet , rogat. Ibi unus ceteris audacior , Fatemur inquit , Rex , nos multa id genus dixisse , & nisi lagena nos tam cito defecisset , multo fortasse plura dicturi eramus , Hac tam sincera confessione quam festiva excusatione delectatus Rex , liberos abire permisit.

Foco matrimonium pacatum.

Bernardus Amideus , filium sibi sine opera sua natum suspicans , dies noctesque multum sese affligebat. Eam rem animadvertens Petrarcha amico vehementer objurgato, Tibi, inquit , Maria Ravennate magistra opus est, quum uxori, utpote soli optime consciæ fidem habere verearis. Et hanc quidem ad rem audi lepidam fabulam. Ante annos non multos Senis civis quidam illustris & opulens habitabat , uxorem Mariam in Ravenna nomine eximia forma in matrimonio habens , quæ tamen adversa pudicitix fama laborabat. Ea quum filium unicum tenellum in sinu gestaret , maritus defixis primum in puerum , deinde in matrem oculis , ex intimo pectore suspirium duxit , Causam uxori roganti , Semissem , inquit , bonorum meorum dederim , si tam certus essem filium hunc meum genuinum esse , quam tu certa es.

Ibi mulier nihil immutato colore, Tanto, ait, hanc in rem sumptu opus non est: quod si mille tantum ducatos mihi donaveris, scrupulo omni exempto, hujus rei quam certissimum te faciam Conditione à marito accepta, advocantur cognati quidam & amici tamquam arbitri, tum re tota explicata uxor infantem in ulnas suscipit, & subridens. Mi marite, inquit, numquid fateris infantem hunc meum esse. Certe, inquit maritus: sed quid tum postea? Ibi illa accedens, Age igitur, eundem tu cape, à me tibi donatum: nec quisquam jam tuum esse negaverit. Solutis in risum omnibus, amici & singularem mulieris hujus dexterritatem laudarunt, & stultam viri zelotypiam reprehenderunt.

Mercatura Principibus indigna.

THeophilus Imperator Constantinopolitanus uxorem habuit admodum avaram, ut quæ mercaturam etiam tam terra quam mari exercuerit. Accidit ut Imperator per fenestram prospectans, ingentem onerariam in portum appulsam conspicatus, misso puero, cujanam ea esset, unde veniret, & quas merces veheret, percunctari juberet. Ubi vero intellexit ad uxorem tam navim quam merces attinere? nautis mandavit ut statim quæ sua essent quis-

quisque exportarent : quo facto , igne injecto navim & quidquid in ea erat comburi jussit , uxorem quæ hæc spectabat austero vultu sic affatus : Me quidem Deus Imperatorem fecit , at tu nauclerum & mercatorem facere me satagis. Tu scito , subditorum nostrorum esse , mercaturam exercere , & victum inde quarere : quod si nos totius Imperii redditibus non contenti , etiam mercaturæ utilitates ad nos rapiamus , unde subditi nostri & vitam sustentabunt , & tributa nobis solvent ? *Princeps se regem esse , non mercatorem meminerit.*

Non vi , sed blanditiis Amor gaudet.

LEo byzantinus Platonis discipulus nobilis sophista , quum accepisset Philip-pum Macedoniæ Regem magno cum exercitu ad expugnandum Byzantium adventare , obviam ei profectus , cur patriam suam oppugnatum veniret , rogavit. Rex , Scias , inquit , me deperire eam , nec facile quieturum donec ea potiar. Tum Leo , At tu etiam hoc scias , ô Rex , amatores ad amicorum fores non instrumenta bellica , sed Musica adducere solere. Quo dicto , Rex delentus , omisso Byzantio , arma alio convertit.

Pannicus terror.

ARnoldo Imperatore Romam obsidente, forte fortuna ab iis qui fossas moliebantur, lepus è cubili excitus, & per castra discursans, plerisque, ut fit, insequentibus, ingentem tumultum excitavit. Eo consternati qui in muris excubias agebant, rati corona urbem oppugnatum iri, subito desertis stationibus diffugere cœperunt. Quo animadverso; Imperatoris milites, omisso fugaci animalculo, per muros nemine resistente enixi, urbem unico assulto ceperunt.

Cui mutuo dandum.

AD Tarquinium Abbatonium militum dulcem in lectulo cubantem miles quidam venit, totus sudans ac tristis eumque affatus, Quid, inquit, agis, dux optime? an dormis? Cur hoc rogas? inquit ille Tarquinius. Ah, inquit ille, rogare te volui ut decem ducatos mihi commodes, ut iis pecuniam lusu perditam, cum fortuna favente recuperem. Abi, ait Tarquinius, ego dormio.

Primas fert qui plurimum dat.

FLorentiæ quædam novus Senatus legendus esset, quidam Laurentio Medici hominem vino valde deditum, ut suffragio
cum

eum juvare vellet, commendabat, inter cetera hoc addens, uno vini cantharo quocumque vellet, adacturum. Tum Laurentius? Quid me fiet, si quis alius binos ei cantharos propinarit?

Datum reddendum.

A B. Arlotto Florentino amicus frumenti aliquot modios mutuo acceperat, reddere postea oblitus. Quum vero annonæ incidisset caritas, eundem adit, & rursus modios aliquot poscit. Arlottus homini commonstrat granarium; & petere inde jubet. Ille nullo, frumento reperto, redit, frustra se ibi fuisse indicans. Tum Arlottus, Nihilne reperisti; Crediderim ergo id quod ante annum tibi concreditum fuit, nondum à te reportatum. Quod ergo gratificari tibi non possum, tibi ipsi imputabis Bonus *condus* bonum *promum* facit.

Talis res frangitur.

F Ranciscus Seminata, magna bonorum parte talorum lusu dilapidata, à prætore in custodiam datus fuit. Hanc ille injuriam, ut putabat, ægre ferens, Prætor hic, ait carceri me inclusit quod mea bona dilapidarim: quid mihi factururus si ipsius bona dilapidassem? cujus joci festivitas Præ-

tori tantopere placuit, ut hominem statim custodia liberarit.

Principum ira non provocanda.

A Theniensibus divinos Alexandro Magno honores, uti stulta assentatorum persuasione inflatus petierat, decernere recusantibus, quidam dixit: Cavete Athenienses, ne dum cœlum nimis solícite custoditis, terram amittatis.

An & quando Philosophis pecunia opus.

A Ristippo bonam argenti summam petenti, Dionysius Siciliae tyrannus admirandus, Quid tu, inquit, Aristippe ea petis, quæ vos philosophi, ut quidem præ vobis fertis, adeo contemnitis, & quibus sapientem egere negatis? Aristippus, prius mihi da, inquit, ad quæstionem postea respondebo. Accepto argento, Aristippus ait: Numquid vides, Dionysi, me jam iis rebus quas dicis non egere, nec doctrinam nostram sibi repugnare?

Xenocrati Philosopho Alexander Magnus quinquaginta talenta donarat; quæ tamen ille accipere recusavit, tanto dono sibi opus non esse dicens Tum Alexander, Ergo nullos amicos habes, quibus aliquo opus sit? Mihi quidem ad benefaciendum amicis omnes Darii opes vix satis fuerunt: & tu

& tu in quos usus quinquaginta collocare talenta debeas, nescis.

Miserior est qui patitur, quā qui passus est.

AD Arlottum Florentinum Ecclesiastici quidem ordinis, sed multi ac liberalis joci hominem, nauta quidam venit stipem rogans, ac dicens, Catalaunorum piratarum manus agre se evasisse. Tum Arlottus, Multo sane justior causa mihi à te petendi fuerit. Ego enim in illis manibus sum, quas tu evasisti Calixtum Papam intelligens, qui ex ea natione erat.

Facetum, sed pium rustici dictum.

Rusticus quidam dicere solebat, se suo quotidie labore quinque lucrari panes Interrogatus autem quomodo eos distribueret, *Unum, inquit, capio, unum projicio, unum reddo, & duos do mutuo.* Ænigma hoc declarare jussus, Unum, inquit, in meum usum capio; unum projicio, quem porrigo novercæ meæ; unum patri, quem illi reddo; duos liberis meis mutuando credo.

Mulieres & pueri saepe rerum potiuntur.

THemistocles quum unum ex liberis suis matri ita in delitiis esse videret, nihil ut unquam illi negaret, ac plus quam seipsum amaret, concludebat filiolum hunc suum

Græcis omnibus dominari, sic argumens : Athenienses dominantur Græciæ, Ego dominor Atheniensibus. Mater mea dominatur mihi. At filius meus matris meæ dominus est. Ergo toti Græciæ dominatur.

Eandem fere in sententiâ Cato, Nos omnibus, inquit, totius Orbis hominibus imperamus ; at uxores nostræ imperant nobis.

Liberi quatenus amandi.

A Ristippus quum liberos haberet parum dicto audientes, & vitiosos, domo eos tandem eiecit, ac si eos pro suis non agnosceret. Cujus severitatis nomine ab amico reprehensus, quod scilicet liberi utpote ab ipso generati, corporis ipsius pars essent : Etiam pediculi, inquit, & pituita è capite destillans meo, à me provenit, quæ tamen quia nullius usus sunt, lubenter à me separo & abjicio.

Decore pro sexu, incedendum.

G Enerum Cicero habuit adeo mollem & delicatum, ut lento & quasi cribrato gradu incedens, pro femina haberetur ; filia vero, virorum instar, grandem gradiebatur gradum. Pater igitur eam eundo ita succutientem conspiciens. *Placide*, inquit, *incede*

incede filiola, ut maritus incedit tuus. Atque ita uno dictorio ambos perstrinxit.

Ingenii ostentatio juvenilis elusa.

Rusticus quidam filium habuit, qui contritis aliquot in litterario ludo annis, domum reversus, eruditionem suam ubique & semper ostentare gestiebat. Quum vero aliquando in mensa nihil appositum esset præter quatuor ova, & filius admirabilis suæ eruditionis specimen dare cupiens, diceret, Septem ibi esse, quandoquidem numerus quaternarius etiam ternarium complecteretur, & quatuor ac tria septem conficerent; pater, ne pluribus disputaret, quatuor ova sibi sumpsit, dicens. Ego quatuor ista comedam, reliqua tria tu tibi capito.

Importuna interrogatio elusa.

Quidam hominem munus quoddam palio tectum gerentem interrogavit; Ecquid portaret; Annon vides, respondit alter, de industria id eo tectum esse, ne tu scires?

Curiositas.

Antigonus quum exercitum suum lustrans, Antagoræ poetæ tentorium intrasset, & pisces cum coquentem invenisset, Epasie, inquit, Homerum quum res

Agamemnonis describeret, coquendis piscibus, occupatum fuisse? Cui respondit Poëta: Putasne & tu Agamemnonem quum præclara illa facinora ederet, curiosum fuisse inquirendo an in exercitu pisces coquerentur?

Alexandri M. Exemplum inversum.

JOannes Gonzaga talis ludens, multam pecuniam perdiderat, adstante Alexandro ejus filio, subtristi. Tum quidam, Ecce filium tuum avide expectantem ut ludo vincas, ut & ipse de præda partem aliquam habeat: Erras, inquit Gonzaga: neque enim Alexandri est tam humilia cogitare. Nescis tu Magnum illum Alexandrum, quum audisset non civitates tantum, sed multa etiam regna à patre Philippo subjugata, flere cœpisse, quod diceret, vereri ne tibi post paternas victorias ullum spicilegium restaret, sic & meus hic Alexander tristis adstat, sed contrariam ob causam: si quidem metuit fortasse ne tantum ego ludendo perdam, ut ipsi quod perdat nihil reliquum sit futurum. Scitum est illud cujusdam de Alexandro dictum: *Alexander Mundo Magnus est: at Alexandro Mundus est Parvus.*

Quisquis

Quisque suo genio ducitur.

CRates Philosophus quum egregia quædam mulier nubere ipsi cuperet, progressus, & cogitans ignorare fortassis mulierem quod gibbosus ipse esset, & pauper, penulam humeris detraxit, & una cum pera ac baculo in terram projecit, protestatus, suas has facultates suam hanc formam esse quam videret, secum itaque bene expenderet, ne postea hujus pœniteret. Verum ea nihilominus conditionem accepit, affirmans, se nec pulchriori nec ditiori marito nubere potuisse.

Spartanorum lex de connubiis.

CIrca matrimonium, Spartanorum lex mulctam statuebat, primam, non ducenti uxorem; secundam, sero ducenti.

Quando uxor ducenda.

Diogenes ab amico rogatus: quodnam tempus esset uxorem ducendi. Ille, juveni, inquit, qualis tu es, nondum; seni nunquam.

Fragilitas muliebris.

Pythagoras dicebat, aurum igni, auro fœminas, viros vero fœminis probari. Idem ait: si ex argento essent fœminæ, ad monetam

monetam faciendam minime aptas fore,
ut quæ mallei ictum minime ferre possint.

Arlotti dicta quadam.

T Anti mihi est utilitas nihil proficiens
Quanti malum nihil nocens,
Qui vetere relicta, novam viam prendit,
Ad locum quo non vult, sæpe tendit.
Donator pridem obiit,
Adjutor animam agit.
Ne te possit pœnitere,
Secreta tua confitere,
Confessario, Advocato,
Medico: reliquos celato
Atrox & periculosa est tempestas mala
mulier.
Non omne quod splendet aurum est
Qui calamitates non vult ferre,
Exeat quam primum è terra,
Vita hæc nihil aliud est quam assidua mili-
tia & malitia.
Pecunia, Sapientia, Fides,
Vix hodie sunt, quacumque vides.
Non est ulla virtus quam paupertas non
maculat:
Nec ulla sanctitas quam peccati dulcedo
non collutulat.
Abundantia fastidium gignit;
Qui bene sedet male cogitat.
Gaudium hujus Mundi breve est.

In cœlo æstu non calebit.

Nec frigore quisquam algebit.

Abit tempus , & omnia secum trahit.

Qui præter solitum est blandus ,

Proditionem molitur infandus ,

Qui facit quæ facere non debet ,

Fieri videbit quæ non credet.

Qui unum periculum semel evadit ,

Mille evasurum se sperabit.

Contra timorem omnia arma satis non
sunt.

Si rustico quis manus det ,

Simul & pedem arripiet.

Fac quod facius.

Equo donato dentes non sunt inspiciendi.

Parum is scit , qui seipsum juvare nescit.

Qui contentus est , latus est.

Tantum crescit amor , quantum ipsa pecu-
nia crescit.

Id verum meo dixero ,

Quo utor , quodque Deo dederò.

Nec feminam nec pannum eme.

Ad candelam ; fraudem time.

Qui malus est , nec malus putatur ,

Facit malum , ac celatur.

*Sequentia à Guicciardino Boccatio
adscribuntur.*

Q U i statum mutat , sensus mutat.
Necessitas caret lege ,

Qui

Qui nihil scit, si tacere scit, satis scit,

Gratus & jucundus homo est, qui homo est.

Prima pars stultitiæ est, sapientem se credere.

Homo proponit; Deus disponit.

Una uncia dominii, æquiparanda est libræ Auri.

Si vis bene mori, bene vive.

Qui perstat, vincit.

Præsentem fuge voluptatem quæ futurum gignit dolorem.

Fœmina amans ocii, cum virtute nil habet negotii.

Paupertas homines strenuos, Lex facit ingenuos.

Omniū dolorum optimum remedium est Patientia.

Conscientia vim habet mille testium,

Vera lex Natura est.

Omnis timor servitus.

Ex præsentibus conjectura fit quæ post hæc sint futura.

Pactis sive contractibus leges rumpuntur.

Unus homo centum valet, & centum vix unum.

Sententiam & propositum mutare sapienti probro non est.

Admiratio Ignorantiæ est filia.

Facta viris, verba fœminis.

Diligentia

Diligentia vincitur scientia.
 Fames Famæ sæpe obest.
 Est tempus Veritatis pater,
 Usus rerum omnium mater,
 Qui virtutem serit, bonam famam metit.
 Mors omnium, sed Mortis Fama est vi-
 ctrix.

Conversatio quam jucunda.

Architas Tarentinus dicere solebat, Si
 cui Deorum immortalium munere
 concessum esset ut in cœlum ascenderet, &
 mundi hujus naturam ac stellarum pulchri-
 tudinem contempleretur, parum id ei gra-
 tum futurum si non haberet postea quicum
 ea quæ vidisset, communicaret.

Nec ego vulgo, nec vulgus mihi.

EXtra reprehensionem, immo laudabilis
 est illa Epicuri vox dicentis: Num-
 quam placere volui populo: quoniam ea
 quæ ego facio illi non laudant; & quæ illi
 laudant, ego non facio. Et Horatius,

Odi profanum vulgus & arceo.

*Malorum consuetudine an & quo-
 modo utendum.*

Reprehensus Diogenes, quod cum malis
 conversaretur, Etiam sol, inquit, radios
 suos

suos in loca immunda spargit, nec tamen inquinatur.

Idem alii idem objicienti: Medici, inquit, ægrotis toto die assident, nec tamen inde morbum contrahunt.

Vita solitaria.

S Cipionis illud fuit: Numquam se minus solum esse, quam quum esset solus; nec minus ociosum, quam quum esset ociosus.

Rusticus quidam doctum hominem solitudinis amantem accedens rogavit, qui ita solus vivere posset? Tum ille, Ego, inquit, *solus esse cœpi eo temporis momento, quo tu ad me venisti*, significare volens, doctum hominem tum demum solum esse, quum inter ignorantes versatur, à quibus animum disjunctum habet & abstractum.

Crates juvenem in loco quodam secreto ambulantiem conspicatus, quid solus ibi ageret, quæsiuit. Cui juvenis; *Mecum ego colloquor*. At ille; *Vide ne cum homine nequam colloquaris*.

Secretum alteri non facile committendum.

S Ervus vestem ab hero sibi donatam, illico alii cuidam amico suo donavit. Ab hero propterea objurgatus, *Quid, ait, me tuam servare vis, quum nec tu illam servare potueris*.

Nimie

Nimia laudes quomodo accipiende.

Nobilis quidam quum diu & patienter impudenti cuidam, mirificos titulos & nimias laudes in ipsum congerenti, auscultasset, tandem inquit: Non scio equidem quid tuis istis laudibus facere debeam: quas si rejicio, te adulatorem arguo; si recipio, inanis gloriæ cupidum me ostendo. Dividamus itaque ut boni commilitones & socii, & partem earum mihi concedens, tu alteram partem cape.

Ambitio irrita.

Alexander Macedo non satis esse putans & hominem esse & Regem, & Magni nomen obtinere, Iovis quoque filius nuncupari voluit. Hinc indignata ipsius mater *Cave sis fili*, inquit, *ne malam Junonis, gratiam tibi & mihi concilies.*

Hanc ipsius divinitatem irridens philosophus quidam adulari nescius, videns medicum ægrotanti jusculum præparare, *Dei nostri salus*, inquit, *à jusculo pendet.*

Quenam noxia maxime sint animalia.

Philosophus quidam rogatus, quodnam animal hominibus omnium maxime esset noxium, respondit: *Inter Sylvestria, Maledicus: inter domestica, Adulator.*

Malo-

Maledici procul habendi.

REx quidam cum altero bellum gerens, quum militem quendam hosti maledicentem audisset, acriter eum castigant, inquiens : *Ideo tibi stipendium ego numero ut contra hostem dimices, non ut ei maledicas.*

Alexander Magnus quum intellexisset quosdam male de ipso loqui, sapienter & regia quadam moderatione respondit : Regium esse bene facere, & male audire.

Modestia.

PYrrhus subita & felici ab hostibus re-
porrata victoria, quum intellexisset *A-*
quilam se à suis militibus nominari : Si ego
Aquila sum, inquit, vos utique in causa e-
stis, siquidem brachiis & armis vestris quasi
pennis me sublevastis & sustinuistis.

Eleganter Græcus quidam Poëta : *Qui*
absenti mihi maledicit, injuriam non fa-
cit ; qui vero bene mihi presenti dicit, is
maledicit.

Contentio fugienda.

Quidam ab homine contentioso & con-
tradicens cupido rogatus, Utro o-
culo quam longissime prospiceret ; *Quo tu*
vis, inquit, Nimirum.

Ferendo

Ferendo vincitur, potest qui vincere.

Mundus cui similis.

Pythagoras dicebat, *Mundum esse quasi Mercatum quendam*, in quo tria hominum genera concurrerent: Unum ad emendum: alterum ad vendendum: tertium ad videndum quid in mercatu ageretur. Et posteriores hos idem agebat philosophos esse, & ceteris feliciores. Forſan tum non tanta crumeniſecarum & furum multitudo fuit, quanta hodie, quos Pythagoras alioquin fuerat additurus.

Alius Mundum hunc Theatrum eſſe ait, ſive Scenam quandam, nos, hiſtriones; deos, ſpectatores: ſub his forte philoſophos quoque comprehendens.

Et improbis utendum.

Princeps quidam per juvenem laſcivum & parum laudatæ vitæ, nobiles quaſdam feminas ad convivium invitarat. Procedente convivio, & omnium animis ad hilaritatem ſolutis, una earum per jocum ex Principe quærit, qui factum eſſet, quod quum in tanta modeſtorum juvenum & miniſtrorum copia, per illum potius vitioſum hominem ipſas invitari curaſſet? Cui Princeps reſpondit. *Cum bonis quidem ſemper ſibi convenire; jam vero periculũ facere voluiſſe, quomodo & cũ improbis agere poſſit.*
Aſtro-

Astrologia vanitas.

Astrologum de motu sphaerarum coelestium & stellarum cursu multa differentem, Philosophus quidam interrupto sermone, interrogavit: *Quamdiu factum est, quod de caelo descendisti?*

Bona existimatio quomodo comparanda.

Socrates interrogatus, quæ maxime compendiosa homini via esset ad bonam famam & gloriam acquirendam, respondit: *Si curarit talis esse, qualis videri desiderat.*

Diſterium in Neronem.

IN Neronem, qui excellens Musicus, quamvis non esset, haberi tamen volebat, scitum est illud: Eum quilibet potius fuisse, quam Musicum: meliorem tamen Musicum, quam Principem.

Ne sutor ultra crepidam.

Alexander Magnus in Apellis ædibus de pictura iudicium ferens, quum quædam ab arte plane aliena disseruisset, Apelles in aurem ipsi insusurravit: Aut istis de rebus omitte disputare, ô Rex, aut submissius loquere, ne pueri qui colores terunt, te audiant simul & rideant.

Ptolemæo Regi de Musica disputanti, Musicus dixit: *Alia res est sceptrum, ô Rex alia plectrum.*

Vera

Vera nobilitas qua.

Diogenes interrogatus quinam mortaliū omnium essent Nobilissimi; Qui divitias, inquit, gloriam, voluptatem, vitam contemnunt; contraria vero, hoc est, paupertatem, ignominiam, laborem, mortem præclare sustinent ac vincunt.

Reprehensio tempestiva esse debet.

AMicum quidam ebrium conspicatus accessit, & his verbis increpavit: Non te ebriositatis tuæ pudet? Tum ille, Non te pudet Ebrium reprehendere? ●

Pulcherrima Conversationis Regula.

Sapienter Epicætetus, *In Conversatione*, ait, *Majori cedendum esse, Minori cum modestia persuadendū, Æquali assentiendū.*

Honoris acceptatio lepide excusata.

Nobilis quidam ab amicis & aliis post longam contentionem, præcedere & domum quandam prior ingredi coactus, Bene, inquit, jam opinor, intelligitis, me vestri studiosissimum esse servum, quum prompte vobis etiam iis in rebus obediam qua pudorem mihi incutiant.

Rex an melior aliis.

Quum Leonidæ objectum à quopiam fuisset: Tu quidē excepto regno, nihilo
me es

me es melior. At enim, respondit Leonides, si te melior non forem, non utique Rex essem.

Nec infirmi contemnendi.

S Cipio ædilitiam dignitatem ambiens, nactus obviam quendam venientem, apprehensa ejus manu quum duram & callo obductam sensisset, per jocum interrogavit, *Utrum manibus an pedibus ambulasset.* Quo ille joco tanta indignitate commotus fuit, ut per tribus circumiens, & plebem ludibrio haberi dicens, veluti stipulas ignis, multitudinem universam ad iram accenderit, idque effecerit ut Scipio repulsam passus sit.

Rex cui similis.

E Legans est illa Regis cujusdam comparatio, qui se *platano* aut *nuci* similem esse dicere solebat: sub quam pluvioso cælo multi se recipiant: qui postea serenato cælo, eidem & ramos decutiant, & securim admoliantur.

Potentia sobrie utendum.

C Atto monebat, *Potentes potentia suæ brie uti debere, ut diu ea uti possint.*

Trajanus Imperator Senatores proveteri more, *Patres*: se vero *Ministram* nominabat.

Achilles

Achilles an Homerus.

Quidam interrogatus, utrum *Achilles* an *Homerus* esse mallet? Et tu mihi dic, respondit, utrum *buccinator* an *Imperator* esse malis!

Aures in pedibus quidam habent.

Aristippus à Dionysio quid petens, quum non exaudiretur, tandem ad pedes illius provolutus, quod petierat impetravit. Ob hanc indignam Philosopho humilitatem reprehensus, aiebat, *Culpam hanc non suam esse, sed Regis, qui aures in pedibus haberet.*

Qui ab officiis removendi.

Philippus Macedoniae Rex quum animadvertisset quendam ex officialibus suis barbam tinxisse, ab officio eum removit, dicens, *eum qui propriis pilis fidus non esset, in causis publicis multo minus fidum fore.*

Mulieres cui similes.

Argute quidam *Mulieres morti similes* esse dixit, propterea quod fugientem sequantur, & sequentem atque vocantem fugiant.

Amor cui similis.

CHimæra nonnulli Amorem comparant. Sicut enim Chimæra caput habet
F Leonis,

Secunda nuptia raro felices.

V Idus viduam duxerat: inter quos quum contentio in prandio exorta esset, mulier per contemptum semissem carnis quæ appolita erat, resecurit, & pauperi cuidam cum his verbis porrexit: Hanc tibi in gratiam prioris mei mariti datam volo. Tum maritus eidem alteram semissem dedit, inquiens: Et ego in gratiam prioris meæ uxoris hanc tibi partem do. Sic utique siccum tantum panem reliquum habuerunt.

Noverca & privignus.

Q Uidam quum canem lapide petens, novercam tetigisset, *Ut ne sic quidem*, inquit, *à scopo plane aberravi!*

Gener, uxor, &c.

A Rgute quidam dixit, *Eum cui bonus: obtigit gener, bonum filium acquirere, cui improbus, filiam perdidisse.*

De feminis alius, *Quemadmodum*, inquit, *prasidiarii ad colloquium vel conditiones ferendas redacti, ab expugnatione parum absunt, ita & femina, cum lascivo amatore vel consistentis vel colloquens saltem, pudor magno in periculo versatur.*

Hinc sapiens quædam & casta mulier Amanti valde molesto, ita respondit: *Virgo patris, nunc uxor mariti subiecta sum imperito.*

rito. Ideoque si placet, ipsum alloqui & intelligere poteris, quid ille à me fieri velit.

Mulierum pertinacia.

Mulier quædam quum marito duos in cœna Turdos apposuiſſet, Merulas eſſe dixit. Replicanti autem marito, Turdos eſſe, illa triplicavit, eſſe Merulas: unde ira percitus maritus colaphum ipſi impegit. Sed neque ſic deſtitit uxor, Turdos menſæ apponens, Merulas eas dicere: ideoque colaphos ille geminavit. Exacta jam ſeptimana, uxor Merularum ſuarum iterum mentionem iniecit: marito autem Turdos tamen fuiſſe dicente, quum illa nihilo minus immo Merulas fuiſſe aſſeveraret, coactus fuit maritus Octavam celebrare, plagas & verbera iterando, ſed neque ſic ceſſavit contentio, Novo enim jam exoriente anno, mulier viro objecit, quod ob maledictas Merulas præterito anno vapulaſſet: & reſpondente marito, *ob Turdos*; uxore vero, ob merulas, occinente, non potuit ſe continere maritus, quin veluti anniverſaria celebrans, iterum probe eam depecteretur: nec tamen ſic adigere potuit, ut Turdos fuiſſe fateretur.

Vanus mulierum ornatus.

Quidam mulierem ambitioſe ornatam conſpiciens, *Hæ*, inquit, *plura pluris*

sunt quam ipsa avis. Atqui Sat sunt ornata, qua ornantur minus. Et Fræno inaurato equus non redditur melior.

Ex uno de cæteris.

Quidam maritus primo nuptiarum die uxori faciem totam pugno contudit. Accurrentibus amicis & parentibus & interrogantibus, quid illa commisisset, quod tam male eam tractaret, *Nihil*, respondit. Admirantibus & altero alterum intuentibus, subjunxit ille: *Quum absq̃ causâ eam verberarim, cogitate quam male, si causam mihi dederit, eam sim tractaturus.*

Matrimonio non convenit austeritas.

Græci in sacrificio, quo Junoni matrimonii causâ operabantur, fel victimis detrahebat, & à tergo aræ rejiciebant: ut eo significarent, à Marito & Uxore omnem removendam esse austeritatem, iram & amaritudinem.

Parentum erga liberos amor.

Ptolemæus à quibusdam reprehensus, quod Ægypti regnum vivus filio tradidisset, *Nihil dulcius esse*. respondit, *quam Regis patrem esse.*

Regem decet liberalitas.

Rex quidam filii conclave ingressus, multis ibi aureis & argenteis valis, quæ jam olim

olim ipsi donarat, conspectis, *Satis*, inquit, *video animo generoso te non esse: Tanti enim donarii quæ à me habes, ne unicum quidem, ut video, tibi amicū conciliare nosti.*

Filii modestia.

QUUM juveni cuidam exprobraretur, quod pater male de ipso esset loquutus: *Si pater*, inquit, *ejus quod dixit causam non haberet, utique non diceret.*

Mundi hujus abusus.

DIVINUS quidam scriptor sequentia valde deformia, in hoc tamen Mundo valde frequentia esse dixit: *Sapientem absque Religione, juvenem absque Obedientia, Divitem absque Eleêmofyna. Fœminam absque Honestate, Dominum absque Virtute, Christianum Litigiosum, Pauperem Superbum, Regem Iniquum.*

Gressus decorus.

ANGELUS Politianus in platea cum amico gradum accelerante incedens, eundem apprehensa vestis lacinia, admonuit, ut placide ac pedetentim incederet, siquidem Aristoteles affirmet, *Gressum tardum gravitatis esse indicium.* Tum ille Politianum intuens. Sane miror te, inquit. Si enim negotiorum quæ mihi jam incumbunt, vel dimidiata pars Aristoteli fuisset expedienda, utique ille undequaque discurrisset, &

tamen vix tertiam eorum peregrisset partem.

Mundi perversitas.

GRæcus quidam scriptor Mundum omnia perverse agere cernens, malos videlicet extollendo, bonos vero deprimendo, in hanc tandem venit sententiam, ut diceret. Si à Deo sibi hæc conditio ferretur: Tu post mortem resuscitatus, aut Canis eris, aut Ovis, aut Hircus, aut Equus, aut Homo, aut quodcumque tibi libuerit, se quidvis aliud potius quam Hominis formam electurum: quandoquidem inter omnia animalia solum hominem aut indignos experiri favores, aut injustis odiis expostum esse videret. Bonæ enim indolis Equum majori cum diligentia & ali & gubernari quam alium, Canem bonum, malo pluri æstimari; Gallum pulchrum singulariter & melius pasci, & generosum abjecto præferri, &c. at Homini nequaquam prodesse, quod vel bonus sit, vel doctus, vel generosus. Primum enim honorem haberi Adulatori; secundum Calumniatori; tertium Delatori; & consequenter improbis atque malitiosis locum dari. Inde satius fore concludit, ut in Asinum transformaretur, quam ut in hominis figura sceleratos

ratos commodius & majori & in dignitate vivere conspiceret.

Bonus semper.

M Ancipium quidam empturus, cuidam dixerat, *Si servum te ascivero, erisne vir bonus? Etiam*, respondit ille, *si me servum non asciveris.*

De boni Servi officio non inelegans: hoc est: *Aut serviat ut servus: aut fugiat ut Cervus.*

Quæ res male tractentur.

L Epide quidam tria male tractari dixit, Aves in manibus puerorum. Juvenculas in manibus Senum, & Vinum in manibus Germanorum, qui illud non bibunt aut absorbent, sed liguriunt, & tamquam ei collum frangunt.

Alius, male cum his civitatibus agi dicebat, quæ & multis judicibus, & multis Medicis indigerent.

Convivis illud quidam solebat occinere: Si modesti & temperantes estis homines, quod vobis appono satis est; sin minus, jam hoc quoque nimium est.

Nec gulosus, nec avarus.

A Ristippum Plato reprehendit, quod magnum delicatiorum piscium nume-

rum coëmisset, tanquam id philosophum minus deceret, Respondente Aristippo sibi hos parvo emptos, subjunxit Plato: Atqui ne viliori quidem ego precio eos emerim. Cui Aristippus: Vides igitur ô Plato, non me gulosum, sed te avarum esse.

Merobibi urbana excusatio.

A Pud nonnullas nationes mos est vinum antequam bibatur, aqua diluere. Hinc merobibus quidam Germanus in convivio ceteris Baccho vel Nymphas vel lymphas potius admiscens, cur idem non faceret, facetè ita se excusavit. Diu jam est quum Astrologum quendam de vitæ meæ fortunis consului. Etsi autem de multis ille me monuit, mihi ut caverem; animo tamen probe adhuc insculptum habeo, illum ob magnum periculum, alioquin certo incurrendum, aquas mihi vitandas præcepisse. Ab eo igitur tempore statui, nunquam vinum aqua mistum bibere; ac præceptum istud observando, à periculo illo hactenus recte mihi cavi, & etiamnum cavebo.

Faceta quadam.

M Edicus quendam, comestis jam piris monebat, ventriculum piris concludendum esse; at ille, nihilominus, inquit, poculum

culum mihi porrigite, nam & post haustum hunc rursus potius pira comedam.

Bonus quidam postquam cibos multo sale & pipere conditos sumsisset, media nocte lecto exsurgens, & capite è fenestra prospiciens, quanta maxima potuit voce exclamavit: *Ad ignem, ad ignem*. Territi hac voce vicini accurrerunt: ac quærentibus ubinam arderet? *In mea gula*, respondit, *In mea gula*.

Quidam cæcutiens rogatus, quid maxime visum ipsius offendisset? Malum oculorum, respondit.

Servus quidam quum videret herum suum litterarum fasciculum conscindere, rogavit eum tres aut quatuor ut sibi donaret. Quærenti autem domino, quid iis facere vellet, aut ad quid opus haberet? Quum, inquit, patriam meam relinquerem, rogavit me mater mea, ut litteras quandoque ad se mitterem. Mittam igitur has, quibus te non indigere video. Numquid hic est everuccum patria?

Ridiculum.

NOvas ædes quendam construentem, architectus rogabat quo terram egestam transferri vellet. Fossam facite, inquit, & in eam injicite. Tum ille, quo vero terra ex hac egesta reponenda est? Aliam, inquit,

quit, fossam tam amplam facite, ut utramque capiat Acumen hominis!

Ridicula gratiarum actio.

Nunc quidam jus sive viator à pagi cujusdam Communitate ad Officiale proximæ Civitatis ablegatus erat, ut ei munus quoddam illius nomine offerret. Dicente autem Officiali. *Gratias meo nomine Communitati agito, & dic, ut opera mea ubi necessum est, libere utatur;* respondit ille: *Ita faciat quoque vestra Dominatio cum Domina Communitate, quam perpetuo bonam habebitis sororem.*

Quum Princeps quidam per ditionem suam iter faciens, in pago quodam divertisset, incolæ concilio habito, eidem muneri loco nescio quid offerre decreverunt. Ea ergo provincia prætori & tribus aliis, totius pagi sapientioribus demandatur: qui ubi cum munere comparuissent, & id, ut facile cogitari potest, egregia oratione mirum in modum ornassent: Secretarius, Principis jussu eisdem gratias agit, in fine hæc verba addens: *Dominum suum eis clementem Principem esse & semper futurum: ut prætor excipiens, Et hoc sciat, inquit, Dominus noster, nos vicissim ipsius clementes subditos & rusticos perpetuo man-
suros.*

Alia ridicula literarum inscriptio.

ANtonius Guevara in epistola quadam Commitissæ Consentinæ non minus ridiculum quid accidisse scribit. Quum enim, mortuo marito, litteris, ut moris est, subditos de eo certiores fecisset, & nomen suum ita subscripsisset, *Mæsta & infelix vidua, &c.* illi titulum quoque in responsione imitandum sibi censuerunt. Sic itaque exoristi, *Illustrissima & mæsta domina, &c.* easdem litteras ita concluderunt: *Ex mandato Senatus, magistratus, & gubernatorum, &c.* addita demum inscriptione; *Mæste & infelici domina nostra vidue.* Sed ineptiarum satis.

Carmen quoddam Marcus Laudensis Clementi VIII. Pontifici legendum exhibuerat, qui vix tertio lecto versu. Eho, inquit, Marce, versus hic una syllaba iusto brevior est. Tum Marcus, *Nihil refert, mox Sanctitas V. alium inveniet, qui tanto sit longior.*

Aliena non curanda.

Quidam è fenestra prospiciens, & agasinem videns asinum multis ictibus impetentem, hominem inclamat, cur miserum animal tam crudeliter tractaret? Ignosce, inquit ille, *mihi Domine, nesciebam ego, asinum meum tanta tibi cognatione junctum, ut tantam ejus curam geras.*

Lites fugienda.

Æ Re alieno oppressus quidam quum solvendo par non esset, diu intra limen se continuit, interim vero negotiorum causa absentem se credi volebat. Quum vero re detecta jam inibi esset ut fraudis condemnaretur, ab Advocato sic defensus est: Non mirum videri debere si homo quietis amans, omnem litem subterfugiendam, & propterea latendum sibi aliquam diu statuerit.

Ut seris, ita metes.

N Obilis quædam fœmina ad sacrum audiendum in templum properans, ex homine obvio, qui tamen nobilem habitu se ferebat, è templo egrediente, per irrisionem percunctata fuerat, *utrum Rusticorum Missa jam peracta esset?* Ibi ille, *Etiam*, inquit, *jam vero Meretricum incipit, ideoque properandum tibi intelligo.*

Tosettus Patavinus Philosophus mulieri obvix via decessit, hac comitate erga illam uti inquires, quod videret eam, & mulierem & bellam esse. Ibi illa sive fastu elata, sive irridere se existimans, At tu plane deformis es, inquit. Tosettus, *prius ego*, inquit, *mendacium dixi, jam tu alterum dicis.*

Nobilem virginem juvenculam duo equites

equites simul ambiebant, unus valde adolescens, alter provecioris ætatis. Præsente puella, adolescentior ut seniore pungeret rogabat, *Quot annorum esset? Non*, inquit alter, *adeo accurate numerum inivi: id tamen scio, a sinum viginti annorum homine sexagenario longe seniore esse.*

Joannes Dux Andegavenlis ad Neapolitanum regnum occupandum proficiscens, vexillum suum ita inscribi jussit: *Fuit missus cui nomen erat Joannes.* At Alphonsus suum: *Ipse venit & non receperunt eum.*

Hypocrisis.

O Pulentus quidam mercator pauperem observarat, qui quotidie precationum libellum & rosarium manu tenens, sacris intererat, & in omnibus singularem devotionem præferebat. Cum eo igitur aliquando colloquutus bonam argenti summam sine ullo chirographo ei mutuo dedit: quam postea quum repeteret, ille non modo debitum negavit, sed ne novisse quidem hominem dixit. Hinc mercator ille ab aliis quod tam facile ignoto argentum credidisset, irrisus, *At non*, inquit, *Marcus Ravennas* (hoc enim nomen alteri fuerat) *sed libellus ipsius & rosarium me deceperunt.*

Nulla calamitas sola.

M Paulus Neapolitanus Juris consultus, audiens amicum quendam suum consumptis fere omnibus fortunis, etiam ob nescio quod vitium ab uxore exclusum, *Mirum hoc est*, aiebat, *eum qui tam facile Patrimonium consummavit, Matrimonium non posse consummare.*

De Astutia non jaclandum.

D Uo mercatores de prudentia & sagacitate inter se contendebant. Tum unus proverbium illud vulgare usurpans, Equidem centies, inquit, te ego vendiderim priusquam tu me semel. *Recte autumas*, inquit alter, *neque enim vel obulum quisquam pro te mihi daret.*

Verax.

D E re nescio qua Petro Marzono & Joanne Polito coram mercatorum collegio litigantibus, quum Marzonus causam suam exposuisset, Politus ad judices. Ne, inquit, vos fidem huic habete: *ego vobis evangelium* (id est, ipsissimam veritatem) *dicam.* Tum Marzonus, detracto pileo, & aperto capite devotus astitit. Mirantibus judicibus, *Quin vos, inquit, idem facitis, dum hic Evangelium nobis legit.* *Ridiculum.*

Fundis

Fundis quidam ornati incedunt.

P Omposus quidam venditis ædibus vestes superbissimas sibi confecerat: quem roga damascena indutum, ac valde sudantem quidam conspiciens, alteri commonstrans, Quam hic sudat, inquit! Ibi alter: *quid mirum: quum tantum onus, totam scilicet domum circumferat.*

Salutatio jocosa.

P Hilippum Beroaldum quidam obuius ita salutavit: *Deus det vobis bonum sero,* Cui Beroaldus: *Et vobis malum cito.*

Capilli cur citius quam barba canescant.

D Octus quidam homo ad Principem vocatus, & variis de rebus interrogatus, tam sapienter ad omnia respondit, ut omnibus esset admirationi, præsertim quum non admodum propectæ ætatis videretur. Tandem Princeps, quot natus esset annos, rogat: illo quinquaginta jam se implevisse dicente, Princeps, Quis fit, inquit, quod nondum canescas? Tum ille detracto pileolo, quo caput hætenus tectum habuerat, canos ostendit: quos miratus Princeps, At quid hoc rei sit, inquit, quod in barba tua vix ullum canitiei appareat vestigium? Nihil mirum, inquit alter, quum barba viginti annis junior sit capillis.

Unus

Unus inimicus nimis.

CIvem quendam Cosmus Medices monebat, ut cum inimico quam primum in gratiam rediret. Quum ille diceret se hominis ejus inimicitiam non multum curare, ut qui præter hunc, neminem inimicum haberet: Cosmus, Quin tu, ait, consilio meo morem geris? Nam potentibus quoque unus hostis nimis, & vel centum amici parum sunt.

Paradoxum.

Prosper quidam pauperes ingluvie, divites fame, & clericos frigore perire dixit. Hoc vero sic explicabat. Quando pauper aliquis in morbum incidit, statim omnes cognati & propinqui aliis hunc alius alium cibum congerunt: unde ille inusitarum deliciarum avidus, ita sese implet, ut stomacho nimium gravato, cruditate tandem moriatur. At divites ad evacuandas superfluum ciborum reliquias tam tenui ac rigida diætâ à medicis constringuntur, ut debilitatem inde contractam vix unquam restaurare possint. At clericis, qui nec conjuges nec liberos hæredes habent, quam primum ægrotare incipiunt, famuli, domesticæ, vicini, cognati & vestem qua se tegunt, & lectum in quo cubant, vivis etiam

etiam ac videntibus auferunt, ut ita miseri frigore mori cogantur.

Ne certa pro incertis.

Imperator Maximilianus I. à Rege quodam ad fœdus contra alium Principem invitatus, hac conditione ut illo victo plane & profligato, opulentissimus quidam Ducatus Cæsaris esset, sic respondisse dicitur. In Germania nostra tres fuerunt robusti iuvenes, qui quum in caupona quadam dies aliquot noctesque genio indulgissent, hospiti promiserunt, se symbolum ipsi soluturos à precio pellis cuiusdam ursi, qui totæ viciniae multum damni dabat: ad quem capiendum jam jam sese accingebant. Sic igitur in sylvam profecti, paullo post ursum obvium habuerunt: quo conspecto, tantus eos metus invasit, ut è vestigio quisque qua poterat, diffugeret: unus tamen quum evadere se non posse cerneret, humi sese tamquam mortuum prostravit. Adest mox ursus, & admotis naribus, an vitæ aliquod in eo vestigium aut signum superesset, explorat, quo non reperto, intactum hominem relinquit & abit. Liberatus ille hoc periculo surgit, & paullo post ad socios, qui hæc eminus conspexerant; venit. Rogatur quid ipsi in aurem insurraasset ursus: Hoc, inquit, ne prius pellem
ego

ego vendam quam feram ceperim. Hoc cum responso legatos demisit, monens, prædam non dividendam prius esse, quam hostis sit profligatus.

Tributa odiosa.

Cardinalis quidam apud omnes gravi odio laborabat, quod Pontifici novarum contributionum ac vectigalium auctor vulgo crederetur. Quum vero coram Pontifice & quibusdam secretioribus Consiliariis pecuniæ conficiendæ rationes inirentur, quidam ex his Cardinali parum æquus, Equidem, inquit, Sanctissime Pater, nullam ego meliorem cirra omnem subditorum querelam, immo cum ipsorum quoque gaudio colligendæ pecuniæ rationem noverim, quam ut Armellino (id enim Cardinali nomen) pellis detrahatur, & per ditionem vestram ut luporum pellibus fieri solet, circumferatur. Neque enim dubito quin subditi omnes pro ea saltim inspiciunda, stipem ultro sint collaturi. Nihil commotus Armellinus, bene, inquit, est, quod tua ipsius confessione etiam mea mortui pellis alicui usui esse potest: de te vero id ego certo scio, nec vivum nec mortuum ac cuiquam usui futurum;

Fortunæ lusus.

QUum ad Cosmum Medicum litteratus quidam, sed male admodum vestitus venisset, stipem ab eo petens, Cosmus inter alia percunctabatur, cur tam pannosus incederet. A latronibus spoliatum se dicenti: Credibile magis est, inquit Cosmus, forsan lusu vestes & numos perdidisse. Excipiens scholaris. Fateor ait: & in hoc quidem lusu tam meam quam multorum aliorum partem fortuna tibi, ut video, adjecit: significans scilicet, divitias esse quali fortunæ lulum, quæ quod uni eripit, alteri confert. Argutiam hujus responsi miratus Cosmus, hominem & nova veste, & honesto viatico donavit.

Sollicitudo.

IMperatore in Italia bellum gerente, Antonellus quidam Forolivienſis, militum ductor, clam antequam ad manus veniretur sese subduxit. Hic quum postea in Cosmi Medicis familiam receptus esset, & Astor quidam ejus sollicitudinem sæpe deprædicaret, Cosmus tandem inquit, Sane sollicitudinem ille suam satis demonstravit, ante tempus fugiendo.

Hominum perversitas.

QUIDam in Balneas iturus, mendico stipem petenti numum dederat. Id conspicatus

spicatus comes ejus , parasitus , Cur tu inquit , huic pecuniam das , qua ipsi nos indigemus ? Eo , inquit ille , ut precibus ejus adjutus , & simul divinæ obsequens voluntati , tanto facilius ad cœlum evolem , Cui ille : Tum sane tu stultus es , qui plus sumptus in balneas , ubi tantum unam aut alteram horam mansurus es , quam ad cœlum ubi in æternum mansurus sis , consequendum facis.

Mors odiosa.

MOrtem quidam dixit , quum Jupiter eam in tetram ad homines mittere vellet , diu provinciam hanc deprecata esse , ut quæ sciret quam odiosa omnibus mortalibus , futura esset. Tum Jovem , ut confidenter iret , neque odium formidaret , hortatum esse : facturum enim ut eo ipso magna ex parte liberetur , mortis causis varias , atque etiam minimas in res translatis.

Clementia Principi propria.

ALphonfus Rex ob nimiam mansuetudinem & clementiam à quodam reprehensus , Tu , inquit exspecta dum Leones & Urſi regnaverint : ego quidem illud scio clementiam homini , sed imprimis Principis crudelitatem vero bestiis convenire.

In 17-

In tyrannos vel imperium affectantes.

S Enis in Italia sex viri olim creati solebant, penes quos summa erat Reipublicæ: eorum tamen magistratus bimestris tantum erat. Moris vero erat ut singuli unum diem in collegas haberent imperium, eosque certis & ad id destinatis locis convenire, ac de rebus propositis consultare juberent. Eo die finito; is qui præfederat, quasi se abdicans, alteri imperium una cum eburneo quodam scipione, imperii in signe tradebat, plerumque tam ad istum quam alios collegas accommodata ad rem oratione utens. Accidit vero ut quo tempore Pandulphus Petrutius per summam astutiam Rempubli-
cā invaderat, ut è Boninignorum quidam familia è sex viris unus, potestate illa quodam die perfunctus, collegæ imperium resignavit, & post elegans exordium in hanc narrationem delapsus sit: quomodo scilicet Satanæ, potestate à Deo accepta, pium illum Jobum armentis, servis, ædibus, filiis, ac tandem ipsa quoque corporis sanitate privavit, nec quicquam ipsi reliquerit quam uxorem, non in solatium, sed ad majus tormentum, ut scilicet sua importunitate omnes illas calamitates misero Jobo multo magis exasperaret. Iisdem, inquit, artibus Pandulphus Petrutius, postquam
omnem

omnem publicam auctoritatem & potestatem in se transtulit, publicos redditus omnes & vectigalia sibi vindicavit, & ut uno verbo dicam, Rempublicam nostram possum-dedit, & quasi in tyrannidem convertit, hanc saltem nobis publici imperii speciem reliquit, non ut dignitati nostræ & honori deserviret, sed ut dolorem miserorum civium multo magis incenderet & aggravaret: qua quidem ego jam me abdicō, eamque in hunc collegam nostrum, qualis ea ab illo nobis relicta est, transfero. His dictis, tacuit, & omnium animis acerbam de præsentis rerum statu cogitationem reliquit.

Ita contende, ne amittas.

DUO asinum forte fortuna sine hero vagantem repererant. Utroque vero suum esse contendente, interim asinus clam subduxit se, & uterque domum inanis rediit.

Pietas rara.

BIAS à quodam quid Pietas esset interrogatus, nihil omnino respondit. Tandem illo responsum valde urgente, *Quid, inquit, tu de rebus nihil ad te attinentibus quæris?*

Idem cum flatiosis quibusdam navigans horribili orta tempestate, omnibus vota facien-

facientibus, & clara voce deos obtestantibus Submissius, inquit, aliquanto loquamini, ne dii vos hic esse sentiant.

Facetum Gonella dictum & factum.

GONella Italus, omnes inter sui temporis sanniones & facetos homines primastenens, cum Nicolao & Ferrariæ Marchione frequenter versabatur. Habebat vero equum admodum parvum, cui Marchio clam caudam abscindi jussit. Mox Gonella mulis aliquot, qui ibidem stabulabantur, superius labrum discindit. Appellatus Gonella, nihil omnino sese excusavit, sed tantum ut damni fieret æstimatio petiit. Quæ ut commodius fieret, muli primum, deinde Gonellæ equuleus ita ut erat decurtatus, producti sunt, maximo cum omnium, & ipsius inprimis Marchionis risu. Tum Gonella ad Marchionem & ceteros, Quum, inquit, nemo vestrum in hoc spectaculo risum tenere possit, an existimatis mulos hos quotiescunque caballum hunc meum ipsis tam familiarem, cauda privatum aspi-ciunt, risum tenere posse? Hic omnibus in multo majorem risum solutis, Gonella absolutus, & facetissimus omnium homo judicatus fuit.

Et surgendum & agendum.

L Aurentius Medices à familiari rogatus, cur somnum in multam lucem produceret, Quid tu, inquit, ergo mane agis? Quum ille nescio quæ negociola à se confecta memoraret, Laurentius ait: At quæ ego mane somnio, pluris sunt iis omnibus quæ tu mane agis.

Mercatorum fides.

Q Uum de mercatore quodam magnæ inter suæ professionis socios fidei, sed extremæ avaritiæ sermo incidisset, Joannes Medices, Ecce, inquit, singularem Dei misericordiam, patientis ut ei qui in ipsum non credit, omnes homines ultro credant.

Divitiæ injustæ.

D ICERE quidam solebat, Beatos in his terris illos esse, quorum patres in inferno sepulti sint, innuens eos quibus parentes multas divitias, quæ plerumque usura & aliis ejusmodi artibus comparantur, reliquerunt. At plerumque *mala paria, male dilabuntur.*

Stultos fuge.

C OSINUS Medices dicebat, à stultorum live morionum & id genus hominum consortio & colloquio omnino abstinendum,

dum, ut qui cuiuscumque, nullo habito respectu, male faciant aut dicant.

Venetiis ad nobiles quosdam in foro D. Marci obambulantes quidem accessit, stipem rogans, addita promissione insignis cuiusdam & saluberrimi remedii, quod communicare ipsis velit. Acceptis hinc aliquot numis, singulis filum quatuor ulnas longum reddit, suadens, ut quemcumque stultum ad se propius ne accedere paterentur.

Idem Cosmus cuidam jactanti, quod sua opera à præsentissimo vitæ periculo conservatus esset, Si, inquit, periculum illud tu cum aliis prius mihi non creasses, idem à me depellere nihil necesse habuisses.

Idem alii in Senatorum numerum recipi cupienti, ac dicenti eo se honore dignum esse, ut qui nunquam quidquam contra Rempublicam tentarit, sic respondit: *Qui non est mecum, contra me est*: Rempublicam enim ad Principatum redegerat Cosmus.

Odore pastus, suo solvit.

Viator in diversorium serius aliquanto veniens, jam reliquis hospitibus cœnantibus, & nihil reliqui facientibus, noctem illam ita uti venerat famelicus transiegit. Mane quum abire vellet, hospes

adeſt, & ſymbolum ſibi ſolvi jubet. Quid ? inquit ille, an quidquam ego ſolvam qui nihil omnino cibi deguſtavi ? At odore, inquit hoſpes, paſcere te potuiſti Bene, ait alter : & prolato è pera ſcutato, & in abacum quaſi ſonitus explorandi gratia projecto. Quid tibi videtur, inquit : an bona hæc eſt moneta ? Videtur, ait hoſpes. Ergo, inquit, pro cibi tui odore ſonitum mei numi pro ſymbola cape : ſicque abiit. Cretenſis cum Cretenſi.

Patria non vituperanda.

P Erettus Mantuanus, Philoſophus acutiſſimus, facetus etiam, ſed neſcio quam ob cauſam à patria valde alienus, auditoribus aliquot præſentibus, Mantuanos natura ſtupidos eſſe, & ad doctrinam capiendam parum aptos dixerat, utus ad id probandum vulgaris tum proverbii teſtimonio. Tum ex auditoribus quidam : Ne hoc dii ſciverint, magiſter, inquit, ut quod jocando forte dicis, verum ſit : niſi forte tu nothus patriæ & plane degener videri velis.

Nemo ſine crimine.

M Otta homo eruditus, ſed à Natura altera manu privatus, à Legatione quadam rediens, Pontifici quæ egiſſet exponens,

ponens, sæpius à Cardinali quodam interpellatus ubi alterum reliquisset brachium, quum fere jam perorasset, Sancte Pater, inquit, nemo est omnium hominum quin defectum aliquem patiatur. Aliquibus sine pedibus, quibusdam sine manibus, nonnullis etiam sine cerebro nasci contingit. Atque ita Cardinalis illius stuporem satis acerbe perstrinxit.

Ars imperandi.

Rogatus quidam; qui fiat quum nemo facile alicujus etiam levis artis quam non didicit, scientiam venditat; & ars imperandi longe omnium sit difficillima: omnes nihilominus imperare cupiant? id eo fieri respondit, quod qui imperare nesciunt, pro stultis habeantur, nemo vero sic qui sibi ipsi stultus videatur.

Stultus.

Parasitus cuidam quærenti, cur stultum se fingeret, quum tantum aut forte etiam plus quam qui valde sapientes sibi videntur, saperet: In hoc, inquit, male mecum fortuna agit, quod ego quanto stultiorem me fingo, tanto sapientior habeor; è contra filius meus, quanto magis laborat ut sapiens habeatur, tanto stultior omnibus videtur.

Strategema parasiticum.

F Amelico cuidam in taberna minuti pisciculi, aliis vero non procul inde sedentibus majores piscis erant appoliti. Tum ille unum & alterum, quasi percunctaturis aliquid auri admovit. Mirantibus quid hoc sibi vellet, Pater, ait, meus piscator fuit, & olim in flumine periit. Ex his igitur quid illo factum sit, sciscitari volui: at enim sese novisse negant, utpote juniores; & si quid certi scire velim, ex majoribus illis exquirere jubent.

Focus in Judaum.

JUdæus quidam S. Joannis Apostoli effigiem argenteam Alphonso Regi licitanti eam quingentis ducatis æstimavit sive indicavit. Tum Rex, Heu, inquit, quanto pere tu à majorum tuorum moribus degenerans! Illi enim herum & magistrum triginta denariis vendiderunt, & tu discipuli effigiem quingentis ducatis æstimas.

Nihil cum flagitiis.

QUIDAM nescio quod ob maleficio, virgis per urbem casus ducebatur; Quum vero istarde admodum incederet, quidam miseratione ductus, hominem increpavit, dicens quid tu, miser, tam lente velut

te velut animi gratia ambulans, incedis?
 Quin potius grandibus is gradibus, ut tanto citius doloribus tam crebrorum ictuum libereris? Ibi trium ille litterarum homo consistens, quam potest alte exclamat: Quid ad te attinet, bone vir, lente ego vel velociter eam? Ego jam meo modo incesso: tibi, si quando itidem virgis ita cædaris, tuo quoquè modo incedas licet.

Astrologia vanitas.

Q Uodam discipulis suis stellarum & in-
 primis planetarum sive errantium stellarum cursum demonstrante, Julius Faventinus, At, illi, inquit, nequaquam errant, sed vos.

Bona dos mulierum, multi anni.

Q Uum de matrimonio quodam sermo haberetur & sponsam alius tot, alius vero plures habere annos dixisset, quidam, Quanto plures; inquit, habet annos, tanto meliorem habet dotem.

Sitis remedium.

F Ebri quidam calidissima ac proinde magna siti laborans, medicis de remediis contra sitim consilia conferentibus, Vos, ait, feбри remedia quarite; siti ego remedium facile ipse invenero.

Præsentibus utendum.

Petrus Marfus Senensis amicum cœlo admodum turbido & non pluvias tantum, sed grandinem quoque minante, iter facientem amantissimis verbis ut in ædes suas quoad præterisset tempestas, diverteret. invitaret, is vero nihilominus iter prosequens quum vix octavam miliaris partem emensus esset, tam effuso imbri tamque turbulenta tempestate exceptus fuit, ut pergere amplius non posset. Reversus igitur ad Marci villam fores pulsât; ac prospicienti è fenestra Marco, *Amice*, inquit, *prius illud meum propositum mutavi*, & Ego *meum*, respondit Marcus: statimque se subduxit, sic illi alibi hospitium fuit quærendum.

Judex indoctus.

Coram judice quodam duo de hæreditate contendebant, uno tandem dicente; *hanc defuncti voluntatem non esse*, judex, Quid opus est, inquit, diutius litigare! vos *Defunctum* illum cras adducite, ut è præfenti quid velit exquiram. Existimabat *Confundus* hic, *Defunctum* testatoris esse nomen, & eum adhuc vivere. Utinam hodie quoque ejusmodi hominibus judicia & publica munera non committerentur.

Justitia

Justitia aqua similis.

Non inscite quidam Justitiam Aquæ comparat. Sicut enim Aqua à cursu suo impedita, obstacula quævis rumpit, ac obvia quæque secum rapit, aut undiquaque stagnans omnia operit; ita Justitia sibi obliſtentes tandem in certissimum exitium de volvit.

In simulatorem.

P Rinceps quidam Italus, ex gentis more, personatus sæpe discurrebat, ac quamvis etiam vili & absurdo maxime habitu indutus, plerunque tamen ab iis quibus occurrebat, agnoscebatur. Id ægre ferens, Petrum Paulum Codonum, mordacem hominem, rogavit, anne modum aliquem sciret personam ita tegendi, ut à nemine agnosceretur? Adstabat Joannes Palmerius, homo astutus & versipellis. Tum Codonus, *Optima*, inquit, *ratio fuerit, si agnosci nolis, Joannis Palmerii assumere personam.* Astutum illius & rectum animum significans.

In causidicos.

A Dvocatus quidam, post multas in foro victorias, vitæ monasticæ nomen dedit. Quum vero monasterii negocia procurare jussus, causa fere semper caderet, miranti-

bus fratribus. Neceſſe eſt, inquit, ut alium
m̃eum in locum ſubſtituatis. Quia enim
mentiri & falſum dicere jam dedidici, exi-
gua ſane ſpes eſt me ulla in cauſſa ſuperio-
rem futurum.

Mulier inani ſpe diteſcendi inflata.

Mercatum ad urbis proximæ profeſtura
Ruſtica ferebat, Paſcha circiter, ple-
num

Ovis quaſillum: læta jamque tum lucro,
Factura certo quod ſibi videbatur,
Sed nondum habebat, cogitatione, ut fit,
Inter vias fingebat aureos montes
Sibi, ratiocinata in hunc modum: Dextra
Plena ære multo mihi domum revertetur,
Bene collocetur, ovis emetur, hæc anno
Vertente tantum, ſpero, m̃i dabit quaſtum,
Ut comparari fœra eo queat vacca:
Fœcunda pariet hæc brevi gregem ar-
menti

Numeroſum: & auro me beabit ex lacte,
Caſeoque, butyroque, quod forum plena
Manu refundet. Nobile inde equorum par
Hoc ære commercabor. At ſolum, tanto
Studio exaratum, fructuum feret magnam
Vim. Prata, filvas, vineas dein nummo
Præſente coemam. Læta denique in tanto
Proventu & opibus delicatam agam vitam.
Convivia apparabo: non ibi cantor,

Pſalterſve

Psalterve deerit. Cum marito ego restim
 Saltabo ductans : jò, Evoc, Evoc, ô Bacche.
 Hæc mente volvens , corbis & sui oblita,
 In gyrum agebat corpus , & pede alterno
 Terram feriebat, corbis it : cadunt ova,
 Et fracta ad unum decolorem humum pin-
 gunt. .

Stupet , illa , inopsque consili omnis : Er-
 go , inquit ,
 Grave ingemiscens, somnium puto vidi.
 Vigilans , eadem dives atque inops hora.

*Humana astutia diabolicam
 sæpe superat.*

A Ndreas Lucardus cuidam objicienti
 quod hypocrisim ab ipso didicisset , ta-
 lem fabulam narravit. Fuit monachus qui-
 dam , qui jejunii impatiens , quum nihil
 aliud suppeteret in cella sua, ovum candelæ
 admotum tamdiu versavit , donec perco-
 ctum esset. Id quum Abbas per rimam in-
 trospiciens vidisset , cellam ingressus , mo-
 nachum acerrimæ increpuit : qui excusans
 se ajebat , dæmonis subtilitate hanc tam
 malignam peccandi rationem sibi com-
 monstratam. Ibi dæmon qui sub mensa la-
 titarat, proripiens sese : Mentiris ait, pess-
 me : hanc enim nequitiam non tu à me, sed
 ego à te didici.

Hospites quomodo ejiciendi.

IN monasterium quoddam duo monachi, negotii quod apud ejus loci Episcopum habebant, caussa diverterant. Quum vero diutius ibi moram traherent, cœnobii præfectus Episcopum adit, ut illi expedirentur rogans, quod fere quotidiani ejusmodi hospites monasterii jam ante exiguis facultatibus nimis graves essent. Dicente Episcopo jamdudum illos à se expeditos, nec diu forsan hæsuros, præfectus discessum illorum indies expectabat. Quum vero animadverteret, profectionem ipsis cordi non esse: Platonem Episcopi familiarem adit, & consilium ab eo exquirat: Plato re intellecta, ad præfectum ait: Scis domine, immundorum spirituum duo esse genera: quorum unum in nomine domini, alterum non nisi in oratione & jejunio ejiciatur. Quandoquidem ergo hi, ut videtur, ex primo genere non sunt, crediderim sane ex altero esse genere ac propterea iis remediis contra eos utendum, quæ ibi præscripta sunt, præfectus rem intelligens, prædictis monachis eo vespere cœnam non præbuit: sicque effecit ut illi summo mane in viam sese dederint.

Ablatum

Ablatum raro redditur.

S Athanas dæmoniolum quoddam castigavit, quod tamdiu quendam quem ad furtum faciendum induxerat, observasset, ne ablatum ille redderet, ajens: satis fuisse quod furtum ipsi persuaserit, neque enim eum qui alteri quid abstulerit, facile, ac non nisi coactum id redditurum.

Causa amissi imperii.

M Attheus Vicecomes Mediolanensis à Guidone Turrio urbe ac toto imperio ejectus, Negatolæ in ditione Veronensi aliquamdiu satis misere, utpote ab omnibus desertus, vitam sustentavit. Ad eum aliquando Guido legatos misit, qui tria hæc explorarent, præsentem vitæ conditionem, spem redditus, tum tempus legati quum eo venissent, Mattheum placide ad Athelis ripam inambulantem offenderunt, & mandatis expositis, responsum ab eo petierunt, Ad hæc Matthæus: Quid rerum jam agam ac vitæ meæ conditionem coram videtis, Imperii recuperandi spem nondum me abjecisse, Guidoni dicite. Ad tempus quod attinet, id tum futurum, quando Turrii atque ei adhærentium peccatà meis sunt præponderata.

Par pari.

G Aleatius Sfortia Dux Mediolanensis ad Bartholomæum Colionum celeberrimum Veneti exercitus ducem, vulpem cavea inclusam miserat, iunuenens scilicet veteranum quidem & astutum esse militem, interdum tamen, ut est in proverbio, etiam vulpem capi. Tum Colionus statim avim quandam (quod genus avium pio falconibus pueri principium gestare solent) nolis argenteis & carenulis mire ornatum remisit, Indicare volens, Galearum juvenem temerarum nec tanto imperio parem esse, imo vix quidquam Principis præter speciem habere.

Nemo sine crimine.

C Arolus V. Imperator multis proceribus Hispanis comitatus, tabernam quandam præterequitans, ante quam multi Germani milites, stantes, sedentes, hilariter bibebant; commonstratis aliquot, cuidam ex comitibus ait: Annon Germani hi, ut & plerique alii, singulari corporis atque animi robore præstare tibi videntur; Hoc nemo negare potest ait Hispanus: unum tamen mihi vehementer displicet, quod tam immodice vino sese ingurgitant. Et hoc verum est, inquit Imperator: sed an
tu

tu nescis quibus vitiis Hispani laborent ? ut enim illi vini, ita hi alieni sunt avidi.

Aliud (si non idem) de hoc eodem Imperatore narratur. Quum enim nescio quo bello quidam eum accessissent, monentes ut Germanis interdiceret ne sese inebriarent, Imperator, Hoc idem, inquit, erit ac si Hispanis interdicare velim ne furentur.

Locus militaris.

IN Regis Alphonfi exercitu quidam Rostrus nomine militans, rubrum pileum in modum gallinaceæ cristæ efformatum gestabat. Huic excubias agenti aliquando Rex, illudere volens, ajebat: Quando tu galle tandem hoc mane cantabis? Tum Rostrus, Male inquit, mane cantat, qui vesperi cœnatus non est. Cujus dicti festiuitate delectatus Rex, bono Rostro vestem dedit novam & versicolorum, ut non nomine tantum sed habitu quoque gallum repræsentaret.

Ministri heris ditiores.

PRincipe quodam de rei numariæ defectu quærente, astantium quidam ait: Equidem consilium V. Cels. dederim, ut Cancellariatum, Quæsturam, aut aliud ejusmodi officium aliquamdiu usurpet, neque enim dubito quin V. Cels. intra breve
tempus

tempus magnas inde adeptura sit divitias.

Terra omnium mater.

AD Gotofredum Bullionum, expugnatis Hierosolymis, & tota fere Palæstina subacta, vicini Reguli certatim dona adferentes, quum ipsum simplici veste indutum, sine ullis Regiæ dignitatis insignibus, in terra sedentem vidissent, vehementer admirati sunt, existimantes nequaquam tanti imperatoris dignitati convenire, ita fere nudum, humi sedentem, ab omnibus conspici. Id quum interpretes Regi indicasset, subridens Gotofredus vicissim eis indicare jussit, Nemini turpe esse, terræ insidere, ut è qua universum hominum genus prodierit, & eodem sit reversurum.

Raro meliora succedunt.

MOrtuo quodam excellentis doctrinæ & virtutis Cardinali, quum N. eam dignitatem homini hisce rebus parum instructo datam vidisset, Noster, inquit, Pontifex jam facit quod rustici facere solent, qui fracto aut amisso cultro, in vaginam interim, ne corrumpatur, lignum pro ferro condunt.

Summa quisque petit.

Julio III. qui Cardinalis de Monte antea dicebatur, sutor Pontificias crepidas induens,

duens, quum eas nimis angustas pro pedis modulo esse dixisset, ac propterea eas resarcire & ad Pontificis pedem aptare vellet: Tu vero, inquit pontifex, strenue calceos hos meis pedibus induc, quibus mihi commodiores nullus unquam sutor confecit.

Quatuor mala ex quatuor bonis.

Quatuor bonæ matres, quatuor pessimas filias parere solent: *Veritas Odiū, Prosperitas Superbiam, Securitas Periculū, Familiaritas Contemptum.* Hanc sententiam è fatuo in Gallia audivisse se testatur Marcellus Virgilius, quæ profecto vel ipso Thalete aut Salomone digna est.

Idem facete, *Senes, aures in sinu, pedes in manibus, & dentes in cingulo portare dixit.*

Aliud regem, aliud privatum decet.

Alphonſus Aragoniæ Rex à Consiliario quodam reprehensus, quod contra omnium fere senatorum sententiam bellum suscipere decrevisset, Oportebat inquit, Consiliarios Regis aut ipsos Reges esse, aut certe animum Regis habere: siquidem multa consiliariis & hominibus privatis conveniunt, quæ Regi non conveniunt: Et Parmenoni licet, quod Alexandro non licet. Illud sanè certum est, *talem plerumque esse Principem, quales illi quos circum se habet.*

Nata-

Natalium obscuritas nemini probro est.

Q Uum præsentē Alphonsū Rege de Nicolao Picennino sermo incidisset, & in illo alius rei militaris peritiā, alius quā apud milites valeret auctoritatē, alius fortia facinora, alius denique aliud laudaret: quidam imaginariæ nobilitatis opinione inflatus, hæc omnia inquit, fortasse aliquid essent, si Ianionis (ita enim perhibebatur) non esset filius. Tum Alphonsus, *Equidem malim*, inquit, *Nicolaus Picenninus esse, quā Regum quorundam filius*. De Picennino quidem sic Æneas Sylvius: *Picenninum Ianionis filium quasi regem nostra ætas venerata est*. Hanc in sententiam poëta:

*Malo pater tibi sit Thersites, dummodo
tu sis*

*Æacida similis, Vulcanique arma cape-
peſas,*

*Quam te Thersita similem producat
Achilles.*

Impudens petacitas elusa.

A D Alphonsū aulicus quidam venit, in somnis visum sibi narrans, sacculum aureis plenum à Rege sibi donatum, Cui Rex; *An nescis, somniis Christianos nihil tribuere?*

Eadem arte Papa quidam Cervæ Episcopum

copum elusit. Quum enim is diceret, famam spargi, Sibi a Pontifice urbis præfecturam demandatam, Scis, inquit pontifex, *famam tam ficti quam veri esse nunciã. Falsam quidem esse tu re ipsa experieris.*

Quod firmissimum imperii columen.

Ludovicus Sfortia Dux Mediolanensis, Ludovico XII. Franciæ Rege expeditionem contra ipsum adornante, Saccum Cancellarium suum interrogavit, si forte contingeret ut à Rege obsideretur, quam in re potissimum post Deum fiduciam collocare deberet? *Subditorum, inquit Saccus, amor & benevolentia tutissimum est in omni adversitate Principum perfugium.*

Similiter Alphonsus Rex monitus, ne ita solus, sine ullo satellitio, prodiret, ac populo se crederet: *Nequaquam, ait, solus ego ambulo, sed mea me comitatur integritas & equitas.* Dissimilis hic valde fuit multis Principibus, qui metui quam amari pulchrius ac suæ magnitudini magis decorum existimant. Sed illi hoc Ciceronis cogitent: *Malus custos & magister diuturnitatis est metus.* Idem ex Ennio: *Quem metuunt, oderunt: quem quisq; odit, periisse expedit.* Idem alibi: *Qui se metui volunt, à quibus metuuntur, eosdem metuant ipsi necesse est: nullaque adeo vis imperii tanta est quæ premente metu, possit esse diuturna.*

Id au-

Id autem verum esse, supradictus Sfortia suo probavit exemplo. Hausta enim ex illis Cancellarii verbis, affectati ab ipso imperii suspicione, ut quem subditis ob æquitatem, charissimum esse non ignoraret, eundem capitis supplicio affici iussit quod quidem ille magna constantia subiit, & exprobrata Duci crudelitate, his verbis extremum ei Valedixit, vel futurum potius prædixit: *A me il capo, à te il stato*, id est, Mihi quidem jam caput adimitur, at tu mox universa ditione & imperio exueris. Quod & postea factum est, Mediolano è Franciæ Rege expugnato, & Sfortia Duce in miseram captivitatem abducto.

Marte, non fraude.

Idem sæpedictus, sed numquam satis laudatus Rex, quibusdam Francisci Sfortiæ, qui cum bellum gerebat, clandestinis artibus tollendi consilia ineuntibus, *Numquam*, ait, *placuit mihi victoria quam ignominia & pœnitudo sequitur.* Quod si ab eiusmodi consiliis non desistatis, equidem faxo ut quantopere mihi ea displiceant, ipso facto sentiat.

Idem Rogerio Pallantiæ Comiti ad Joannis Castiliæ Regis cædem sese offerenti, Mihi, inquit licet non dicam Castiliæ, sed universi orbis imperium hoc modo acquirere

rere possim, nemo tamen persuaserit, ut in tam turpe ac detestabile facinus consentiam.

*Singulare filii erga patrem modestia
exemplum.*

Ferdinandus Alphonfi vere Magni Pater, mortis horam non procul abesse animadvertens, Alphonsum filium ita alloquutus esse dicitur: Non ignoro, mi fili, omnia regna mea, quibus quamdiu Deo visum est, præfui, tibi tamquam primogenito deberi: velim tamen ut te non abnuente fratri tuo Joanni Castiliæ regnum tradere mihi liceat, Hoc ut a te me impetrare finas peto, ac si pateris, rogo etiam atque oro. Ad hæc Alphonfus: Scio, mi pater & domine, omnia hæc regna, immo omnia fere quæcunque habes, mea esse, ita tamen ut ea omnia favori tuo & bonæ voluntati accepta referenda intelligam, eo-que semper, atque etiamnum paternum tuum animum ac voluntatem ei quod ratione primogenituræ mihi competit juri prætuli. Quod si ergo pro singulari tua sapientia existimas, regna hæc à fratre meo commodius ac melius quam à me gubernari posse, non abnuo quin omnium eum hæredem ac dominum instituas: ego tam in hac quam in aliis rebus omnibus voluntati tuæ non secus quam ipsius Dei manda-
to mo-

to morem geram. His auditis, senex obortis lachrymīs, filium amplexus, tanto quietius postea è vita discessit.

Rara avis.

QUum Alphonsus immatura adhuc ætate regnum iniisset, Senatores ac proceres eum adierunt, significantes, utile atque adeo necessarium sibi videri ut septem viri qui Deum metuerunt, Justitiam amarent, cupiditates suas frænarent, nec ullis donis aut mueribus corrumpi se sinerent, ipsi adjungerentur, quorum consiliis in administrando Regno uteretur. Consilium hoc probavit Alphonsus, & ad proceres conversus, Si, inquit, non septem sed unius ejusmodi viri mihi copiam feceritis, equidem non tantum regni administrationem ei ultro tradam, sed regno quoque cedam.

Animi nostri origo.

IDem Davalo è proceribus uni, quærenti, qui fieret quod animus hominis nunquam quiescere posset, sed semper ab uno ad aliud tenderet? Anima inquit, nostra originem suam à Deo habet, nec prius quiescere potest quam eo unde orta est, redierit: nec vero caducis his & fluxis rebus nunquam satiari potest, sed Deum ac cœlum, tamquam proprium sibi & naturalem locum

locum , petit & desiderat. Quid magis Christianum dici posset? Nec mirum hoc in tali Rege , qui quater decies sacra Biblia, cum Commentariis, sibi perfecta vere gloriatus est.

*Magnanimum responsum saepe magis
prodest quam obest.*

A Dolphus Comes Nassovius , qui Anno M. CCXII. ad Imperatoris dignitatis fastigium evehctus est , cum Brabantiae Duce bellum gerens , quinque eo bello interfectis praecipuis Brabantiae magnatibus , tandem captus , & ad Ducem adductus fuit , Eum Dux , torvum intuens , rogabat, *Quis tu es ?* Adolphus, sum, inquit, Comes Nassovius. *Sed quis tu es ?* Tum Dux : Brabantiae Dux sum , quem tu bello jamdiu vexasti. *Miror ergo , ait Adolphus , te gladium meum effugisse , quem sane contra te acueram.* Hoc magnanimo captivi etiam responso motus Dux , Adolphum non liberum modo dimisit , sed rogatum quoque ut amicus tibi posthac esse vellet , multis donis & muneribus ornavit.

Imperatoris hujus symbolum fuit : *Praestat vir sine pecunia, quam pecunia sine viro.* *Animus est qui divitem facit.* Quod quidem ex illo Themistoclis desumptum videtur, qui utrum diviti & fatuo , an pauperi & prudenti

prudenti filiam elocare mallet, rogatus, *Malo, inquit, utrum pecunia, quam pecuniam viro indigentem.*

Recte Horatius:

Quod satis est cui contingit, nihil amplius optet.

Et in Odis idem:

- - Bene est cui Deus obtulit.

Parca quod satis est manu,

Nec minus sapienter Seneca: *Quemadmodum nihil refert, utrum agrum in lecto ligneo an in aureo colloques, quocumque illum transtuleris morbum suum secum auferet: ita nihil refert, utrum ager animus in divitiis sit vel paupertate, malum suum semper illum sequitur.*

Et Mimus.

Cui co venit cum paupertate, dives est, Nec qui parum habet, sed qui plura cupit pauper est.

Quod vult habet, qui velle quod satis est potest.

Is minimo eget mortalis, qui minimum cupit.

Magnatum vita.

Henricus Glareanus vir doctissimus, sed parum opulentus, rogatus ab amico, quomodo viveret ac valeret? Ego, inquit, Principum ac magnatum vitam vivo: Altero quærente, qualisnam ea esset? Ego, inquit,

quit, *bibo & genio indulgeo, interim in omnium are sum & maneo.*

Pulchrum caput; sed cerebrum non habet.

A Ngelus Stufsa Florentinorum ad Sigismundum Malatestam Ariminensium tum Principem legatus, pileo sine petaso ex more illius temporis, grandi & spaciofo utebatur. Mirus hic habitus Ariminensibus visus est, ut qui etiam media hyeme caput leviter integere, collum nihilominus fasciis involutum habere solent. Ex iis ergo unus Marco valdus nomine, per irrisionem ad Angelum inquit: Crediderim sane vobis frigida valde esse capita. Cui Angelus: Dicam tibi quam obrem nos capita tam diligenter custodiamus, Vos, credo, de anserum aut anatum estis genere, ut qui etiam mediis pluviis capita versus cœlum surrigunt, nec nebulam aut ullam tempestatem curant, quum scilicet vix micam habeant cerebri. At nos, quibus cerebrum est, illud quoque sedulo nequid ei noceat, curare debemus.

Errata aliorum oportet, aliorum occulta.

Q Uum Medicus quidam nescio quod in pictura erratum reprehendisset, pictor æstans, ægerrime id ferens, non in Medicum tantum, verum etiam ipsam Medici-

H

nam

nam multa convicia effudit, inter alia illud quoque objiciens, solis Medicis homines impune licere occidere, nec ullum esse medicum, qui priusquam artem recte condiscat, unum cœmiterium mortuis non impleat. Ad hæc Medicus, Bona verba, inquit, quæso. In hoc sane vestra ars præstat, quod tam excellentiam quam errorem operis dies ostendit, At in eo fortuna nobis magis est propitia, quod cura nostra sanatos, vivos omnium oculis exponit, sed errores nostros ab oculis ablatos, sub terram abscondit.

Facetum.

Q Uum Romæ inter quosdam nobiles & doctos de Francisco Petrarcha ejusque operibus sermo haberetur, & quidam dicerent, multa eum ex antiquis nescio quibus versificatoribus desumpsisse; alii vero è suo unius ingenio ea quæ hodieque cum admiratione leguntur, exprompsisse contenderent: Humor quidam Bononiensis (de cujus jocis integer liber scribi possit) qui sermoni huic intervenerat, & posito pallio mensæ assederat, sententiam rogatus, Ego, inquit, existimo Petrarcham antiquos illos Poëtas ita tractasse, quemadmodum Hispani pallia per noctem surrepta, quæ novis ornamentis aliisque modis ita reconcinnant,

cinnant, ut ne agnosci possint. Forte ibi aderat Hispanus nobilis, qui audito hoc gentis suæ elogio, converso ad Humorem vultu, Quid tu, inquit, de Hispanis loqueris? Tum Humor quasi mirabundus, Ergo tu, inquit, Hispanus es? ac statim puerum pallium sibi deferre iussit, eoque humeris injecto sessum se recepit. En Satyricum dictum & factum simul.

Levitas sæminarum propria.

MUltis virginem quandam nobilem ob eximias tam animi quam corporis dotes collaudantibus, unus sive invidia, sive contradicendi studio, vanam eam & levem esse dixit. Ibi matrona quædam honestissima, Ergo tu, inquit, hoc vitium quoque à muliebri sexu. auferre, & tibi tuique similibus adscribere cupis? Quid ergo eis relinquis?

Mordax in Principem.

Sylvester Bottigella magnati cuidam, quænam dotes Principi necessariae essent quærenti, Omnes illæ, inquit, quæ tibi defunt. Hodie per jugulum talia verba reditura sint.

Hominibus non facile fidendum.

BEllo quod Julio III. Pontifice in Italia gestum fuit, Rudolphus Ballionus &

mirum hoc, inquit, quin credo patrem meum, si scivisset tecum mihi rem aut litteris fore, non duodecim sed viginti quatuor mihi daturum fuisse.

Præpostera vel impia potius eleëmofyna.

Thomas Guadagnius mercator Florentinus, usitatis etiam hodie artibus tantum lucri fecit, ut Francisco I. Franciæ Regi quinquies centum scutorum millia mutuo dederit. Hic post mortem aliquam sui memoriam & monumentum relinquere cupiens, Lugduni Nosocomium construere instituit. Præparato jam ad fundamenta solo quemcunque; amicum aut notum nactus eo ducebat, consilium operis quam poterat optima forma & modo exædificandi, exquirens. Quum vero inter alios aliquando Nicolaum Salterellium Florentinum itidem, hominem facetum & archirectonicæ artis non imperitum co-duxisset, eique omnia ædificii lineamenta & partes commonstrasset, rogans ut si quid immutandum aut commodius faciendum animadverteret, indicare id ne gravaretur: Salterellius, Cetera, inquit, mihi satis placeant, unum tamen desidero, quod scilicet nimis parvum & angustum mihi videatur. Cur hoc dicis? inquit Guadagnius, non tu vides quantum hoc universum sit spatium?

Est magnum sane, inquit Salterellius : si tamen omnes huc veniant quos tu ad paupertatem redegisti, nimis, scio angustum erit, immo vix dimidiam eorum partem capiet.

Par pari commissus.

J Uvenem quendam ab amico ad prandium invitatum, nobilis virgo, quod eum hodiernæ civilitatis parem expertum videret, ex opposito sedens pudore afficere volebat. Cernens ergo cibum ante juvenem positum hinc inde truncatum, Sane, ait, domine, fortis es. Tum ille qui ipsam non minus strenue, sed forte civilius aliquanto manducantem viderat, Mihi quidem, inquit, forti esse necesse est, ut qui non minus robustum habeam antagonistam.

Cui Patientia.

H Omo quidam facetus amicum qui debiti causa ad monasterium sive locum quendam sacrum confugerat, invisens, quum curarum ipsum & cogitationum plenum vidisset, quamvis rem omnem sciret, interrogavit tamen, Quid ita tristis esset? Cui is: Equidem quamdiu vixero vix, credo, tristitia à me abscefferit. Scis enim, opinor, quam multa scutorum millia non ulla mea culpa, sed fortunæ malignitate
brevi

brevi tempore amiserim. Et jam credito-
res mei fortunarum mearum reliquiis non
contenti, etiam carcerem & vincula mihi
minantur, nec ullo alio modo pacisci me-
cum volunt. Ac profecto jamdudum spe
omni abjecta, mortem mihi ipse conscivis-
sem, nisi è lectione libri cujusdam, *De Pa-
tientia* inscripti rursus spiritus aliquid &
animi hausissem; quem quidem divinitus
mihi objectum credo, ut à tanto facinore
desisterem, & ad meliorem mentem redi-
rem. Ibi Paulus; Ergo jam, inquit, cre-
ditoribus vestris omnibus satisfactum est?
Non, ait ille. Tum hic rursus: Ergo illos
potius librum hunc *De Patientia* legere
oportebat, qui velint nolint, eo quod ipsis
debes, carere coguntur.

Filii degeneres.

DOctum quendam, nobilem & magnæ
auctoritatis hominem princeps roga-
rat, an filios, & quot haberet? ille cogita-
bundus aliquamdiu sedens, nihil respondit.
Princeps ergo verba ab illo minus intellecta
existimans, idem rursus rogat. Ibi ille,
Nullos, inquit, habere me pœne dixeram,
etsi tres habeo: quorum primus valde sa-
piens sibi videtur, quum plane sit & fun-
gus & fatuus; alter ob formam mirifice sibi
placet, quum tamen Therſite sit defor-

mior; tertius fortis haberi vult, qui ipsam ignaviorem possit facere ignaviam. Tales ergo quum sint, orbum me recte puto.

Fæminarum mores.

Hospes quidam apud N. civem diverte-
rat. Quum vero mulieris continuis cla-
moribus & rixis domum implentis offen-
sus importunitate, de mutando hospitio
cogitaret, coque veniam ab illo petiisset:
Quid tu hominis es? inquit bonus ille pa-
terfamilias, qui vix biduum aut triduum
uxoris meæ mores ferre potest, quos jam
ego per viginti & amplius annos, patienter
fero.

In timidum.

Quidam hominem timidum obvium
habens, undenam veniret, rogabat,
Quum ille in macello se fuisse dixisset, al-
ter, Quæso, inquit, an tu eum locum adi-
re ausus es, ubi tot boves & oves occisæ
sunt & quotidie occiduntur?

Ad proditionem qui apti.

DE prodenda quadam arce miles mul-
tis sceleribus infamis cum Alexandro
Rangonio & aliis proceribus egerat. Id in-
telligens N. vir prudens dicto Comiti à se-
cretis, sedulo monuit ne homini fidem ha-
berent,

berent, ut qui pessimus esset & sceleratissimus. Tum Rangonius, Tanto melior, inquit: si enim aliis esset moribus, hanc ad rem parum esset idoneus.

Facetum de nanis.

Nicolaus Constantius roganti cuidam, qui fieret quod plerumque homines pumili essent animosi? Eo, inquit, quia exiguo corpusculo defendendo sufficere se putant.

In voraces.

Quidam inter duos homines voracissimos sedens, ab amico forte superveniente rogatus, quomodo se haberet? Male, inquit: quippe inter Scyllam & Charybdim versor.

Judices ungendi.

Non minus vere quam eleganter quidam ait, qui negotia sua feliciter expedire velit, ei judicis manus ungendas esse, quod quidem unguentum tantæ virtutis est, ut cuicumque causæ apud Advocatos alium colorem, & apud Judicem ipsi quoque Justitiæ alium habitum conciliet. At unguentum hoc non ex oleo, sed ex auro & argento confici debet. Mysterium hoc non intelligens mulier quædam, cui nescio

quæ caussa apud judicem erat, monita à vicino, ut si quid impetrare veller, judici manus ungeret, lecythum oleo plenum secum detulit, & ad Judicem accedens, manus ipsius perungere cœpit. Mulieris simplicitatem, & ipsius actionis mysterium intelligens Judex; satis, inquit, hujus unctionis est: at jam ad extergendas manus ulnis aliquot panni opus sit, quas quum postea mulier ad Judicem tulisset, & quod petierat obtinuisset, unctionis nullam, sed de-terfionis magnam vim esse prædicavit.

Quemadmodum aurum Lydio lapide, ita homines officiis & muneribus probari, Alphonsus Rex dicere solebat. Cui simile est illud vulgatum: *Magistratus virum ostendit.*

In munerum captatores.

LUdovicus XI. Franciæ Rex, acceptis nescio unde duodecim scutatorum millibus, non ignarus mox aulicos undique tamquam ad prædæ partem convoluturos, pecuniam omnem in mensam effundi jussit: & ad circumstantes conversus, Numquid, ait, jam probe numatus Rex sum? Quid vero his mihi numis faciundum censetis? Quamquam facile ipse intelligam, quum donati mihi sint: aliis quoque à me donandos.

donandos. Ubi jam sunt amici mei, qui gratum mihi & utile officium aliquod præstiterunt? Omnium animis magnam in spem erectis, Rex quempiam hianti ore atque oculis thesaurum illum quasi devorantem conspicatus, Quid tu, ait, hominis es? nullane recensere tua potes merita, quæ aliqua digna sunt compensatione? Ille falcones Regis sese diligenter & fideliter, ac magnis etiam cum suis expensis aluisse dicebat, seque Regiæ liberalitati quam humillime commendabat. Inde alii atque alii prodeuntes, sua quisque officia, atque interdum etiam non sine mendacio, jactabant ac deprædicabant. Adstabat vero inter reliquos Regis Cancellarius, quem ipsum Rex quoque accersiri jusserat: sed reliquis prudentior, nulla sua merita narrabat, sed tacitus tamquam post scenam sive siparium, se continebat. Re in longum, ut cupiditas illorum & spes tanto magis accenderetur, protracta, tandem Rex ad Cancellarium conversus, An tu, inquit, solus nihil postulas? an solus nihil habes quod prædicare possis? Ibi Cancellarius: Ego inquit, ô Rex à tua liberalitate multo plus accepi quam omnibus meis officiis, unquam promerui: ac jam in illam tantum mihi curam & cogitationem incumbendum est, ut quam possum gratum me exhibeam: tantum abest ut quidquam à Re-

gia Vestra Majestate poscere velim aut de-
beam. Ergo tu, inquit Rex, solus inter
tam multos, pecunia opus non habes?
Equidem respondit Cancellarius, ut opus
non habeam, jam dudum Regia Vestra li-
beralitate mihi prospectum est. Tum Rex
ad reliquos, Numquid magnificus, inquit,
Rex ego vobis videor, qui Cancellarium
habeam tam opulentum? Hinc dici non
potest quanto majorem spem plerique
omnes conceperint, postquam audivere.
Cancellarium neque sibi quidquam poscere,
neque opus habere. Suspensis diu omnium
animis, Rex tandem Cancellarium ad
se vocat, & Quamvis, inquit, tu solus
nec à me petere quidquam, nec ullum tuum
meritum jactare volueris; ego tamen &
præteritorum conscius & futurorum certus,
volo ac jubeo ut quantum numorum in hac
mensa jacet, id omne domum tecum aufe-
ras. Mox reliquis qui tamquam corvi hian-
tes delusi, tristes hæc audiebant, Vobis, in-
quit, alia occasio expectanda est. *Qui bene
servit, & tacet, etiam tacens, petit.*

Regia Cardinalis cujusdam vox.

Hippolytus Medices Cardinalis Clemen-
tis VII. Pontificis nepos magnifice &
munifice numerosam alebat familiam, adeo
ut quamvis maximi redditus, vix tantis sum-
ptibus

ptibus sufficerent. Ejus rei Pontifex non ignarus, quodam die, Hippolyto animi gratia in campum exspatiato, omnium ministrorum ipsius catalogum, adscripto quo quisque fungeretur munere, adferri sibi jussit: ac primum ad tantam multitudinem pœne obstupuit; deinde sumpto stylo, multorum tamquam in utilium, aut certe non valde necessariorum nomina delevit. Accersito deinde domus præfecto, Tu, inquit, hero tuo, nepoti meo, indica velle me omnino & jubere, ut eos omnes quorum nomina hic declata vides, à se dimittat, ut quibus sine ullo incommodo carere possit. Vespero domum reverso Hippolyto præfectus, exhibito catalogo, Pontificis mandatum exponit. Quo audito, Cardinalis in hæc statim verba erupit: Verum quidem pontifex dicit, me tot ministris opus non habere; at quum illi me opus habeant, interdico tibi ne tu quenquam eorum quos ille erasit, amoveas.

Liberum & facetum Legati responsum.

ANtonius Puccius Florentinorum Philippum Ducem Mediolanensem, Astrologiæ valde deditum, legatus, quum diu audientiam impetrare non posset, quod Dux totus ex Astrologi consilio penderet: tandem à Principe (quum Astrologus tempus

pus jam commodum venisse monuerat) vocatus & mandata exponere iussus, venire detraxit, inquiens: Si Duci ea hora horoscopus faveret, sibi non favere.

Astrologia vanitas.

Mirifica fuit ac incredibilis etiam Alphonsi Aragoniæ Regis in omnes liberalitas; tum præcipuus erga litteratos amor. Is tamen in tanta doctorum, & in quamcumque disciplina præstantissimorum virorum, quam semper circa se habebat, frequentia, neminem umquam Astrologum aut ad se invitasse, aut ulla munificentia prosequutus esse dicitur. Cuidam de ea disciplina disserenti, idem sic respondit: Astra sive stellæ stultis: at sapientes astris imperant. Æquum igitur fuerit, ut stulti Principes Astrologos in precio habeant, quos sapientes merito contemnunt.

Quo tempore Concilium Constantiæ celebrabatur, Petrus de Monte Alcino famosus. Astrologus Prognosticon edidit, in quo inter alia, si diis placet, vaticinabatur, eo anno Sigismundum Austriacum Imperatorem Romæ à Papa coronatum iri; ac Joannem XXIII. Papam, qui ad Concilium ad dicendam causam evocatus fuerat, honorifice in Italiam ad pristinam dignitatem reversurum. Quum vero de-

posito

posito à Concilii Patribus Joanne , & Sigismundo Italicam profectionem intermittente, neutrum factum esset, & dicto Astrologo quidam tam manifestum mendacium exprobrarent: Ne, inquit ille, vobis hoc mirum videatur, quod de duobus stultis judicium ferens, à vero aberrarim, de quibus né ipse quidem Ptolemæus vel unum verum verbum prædicere aut divinare potuisset.

Ære dirutus.

Nobilis quidam Romanus, consumptis fere omnibus facultatibus à mercatore vestem & alia emerat, certo solutioni constituta tempore: quo elapso, bonus ille debitor, nusquam argentum quo satisfaceret reperiens, à publico aliquot dies abstinuit, totus interea in modo aliquo solutionis comminiscendo occupatus. Quum vero nihil expedire posset, solitudinis pertæsus negotia solita in foro & alibi rursus obire cœpit. Mercator quamvis homini non semel occurrisset, aliquamdiu tamen tacuit: tandem vero ubi illum non modo solutionem procrastinare, verum etiam moram, uti ante consueverat, non amplius excusare animadvertit, quodam die obvium monuit, ut recordaretur solutioni, præstitutum tempus jamdudum præterisse.

terisse. Ille equidem satis, inquit, cuius memones recordor, ac sæpius etiam cogitavi ac recogitavi qua ratione tibi possem satisfacere: quum vero nullum hæctenus modum comminisci potuerim, statui illam cogitationem & curam debiti hujus à me extorquendi, tibi relinquere.

Alius obxatus, quoties mane è lecto surgebat, Male pereat, inquit, quisquis me hodie debiti nomine appellarit. Idem deinde à creditoribus obviis, aut etiam ultro eum quærentibus, monitus quod ipsorum plane oblivisceretur: Ne vos, inquit, hoc dicite me vestri oblitum esse, ut quorum etiam hodie è lecto surgens, sum recordatus. *Superius illud argutum magis quam honestum: hoc parum Christianum.*

Ambitiosi quam egre aliis cedant.

Q Uum anno M. D. XXXVIII. Paulus III. PP. belli inter Carolum V. & Franciscum Franciæ Regem componendi causa, Niceam quo dies condictus erat: proficisci constituisset M. Andreas Turi- nus, Pontificis medicus & domesticus, Vereor, inquit, Sanctissime pater, ne idem vobis accidat quod eremitæ cuidam, qui Deum cum Sathana reconciliandi negotium susceperat. Talem deinde fabulam exorsus.

exorsus. Fuit Eremita quidam cui ob vitæ morumque ; sanctitatem , diabolus visibili specie varie illudit : quas tamen ille tentationes omnes Dei præsentia & auxilio superavit. Quum vero hac occasione idem cum utroque ; Deo scil. & Sathana , sæpius loqueretur, illa tandem animum ipsius subiit cogitatio, quomodo unum cum altero in gratiam reducere posset. Ac prius quidam Deum affatus , Vides , inquit , Domine , quam multas infœlices animas malus ille Sathanas hostis tuus quotidie seducat , ac nullum ullo umquam tempore tam tuis quam piorum conatibus adversandi finem faciat. Optimum itaque mihi videtur , atque ita uti facias rogo & obsecro , ut culpam omnem ei condones , eumque in gratiam recipias , quo is à tam perniciosus hominum generi artibus & consiliis posthac desistat. Non recuso , inquit Deus , modo is culpam suam agnoscat ac deprecetur. Tam facili accepto responso , jam bono illi Eremitæ res pœnæ confecta videbatur. Ubi ergo primum diabolus ipsi apparuit , his ad eum verbis usus est : Quid tu miser tandem ex tot animabus perditis lucri facis ? Quid infœlices illi mortales in te commiserunt , quos tanto numero in infernum trahis ? Non tu vides te illis quidem nocere ; tibi tamen ne hilum quidem prodesse ? Quanto magis è re tua fuerit ,

fuerit, cum Deo in gratiam redire, ac tantis te malis, laboribus & cruciatibus quos tibi in inimicitia hæc affert, liberare; Multis deinde aliis in eandem sententiam adductis rationibus, tandem ait, hanc controversiam omnem paucis verbis dirimi ac componi posse. Hic diabolus Eremitæ verba & consilium non aspernatus, ab eo modum & conditiones futuræ reconciliationis scire voluit; qui respondit, quatuor verbis rem omnem transigi posse, his scilicet: *Peccavi Domine, miserere mei.* Hoc bene habet, inquit Sathanas. Sed quid ait? Quatuor hæc verba utrum à me an ab illo dici vis? A te, inquit Eremita. Numquam hoc fiet, ait diabolus, ac indignatione plenus ab Eremito discessit.

Ne rixæ aliorum te immisceas.

QUIDEM duorum pugnam diremturus, profundum in capite vulnus acceperat. Adductus medicus cerebrum scrutati cœpit, num forte læsum esset. Tum astantium quidam, Frustra, inquit, tu apud hunc cerebrum quæris, quod si habuisset, numquam se alienæ rixæ immiscuisset.

Poëta famelici.

QUUM in convivio Poëtarum facta esset mentio, & quidam varia eorum genera, ut

ra , ut Epicos , elegiacos , lyricos , melicos , &c. recensuisset : Stephanus Ferrarius Miror , inquit omnium frequentissimos à te omitteri , Rogante altero , quinam illi essent , *Famelici* , respondit : quos sane hodie complures esse nemo negaverit.

Absentes non rodendi.

ORto inter quosdam de iis qui omnibus de trahere , ac de omnibus , maxime de absentibus male loqui consueverant , sermone , Carolus Vicecomes , Episcopus postea Vigintimilliensis , Ego , inquit , potius omnibus , etiam indignis benefecero , quam de inimico meo vel etiam digno male loquor. *Generose & Christiane.*

In tardam stipendiorum solutionem.

ULyses Spinius centurio , quum milites non semel ob tardam stipendiorum solutionem tumultuari conantes , sua fide interposita ægre in officio continuisset : tandem allato unius mensis stipendio , & instituta lustratione , Commissarius ex militibus unum , tamquam extra numerum is & adscitus esset , arguit , inter cætera dicens faciem sibi hominis notam , & alias visam , eidem tamen è primoribus dentem unum defuisse : at hunc nullo carere. Tum centurio indignabundus , Quid hoc mirum ? inquit.

inquit. Tamdiu vos cum stipendio eman-
sistis, ut interea huic novus dens succe-
verit.

Facetum & ridiculum.

M Arcus quidam Laudensis Cardinalis
N. domesticus quum carnem duram
& nigram mensæ appositam vidisset, con-
tinuo quanta potuit celeritate, nescio quid
murmurans, sese proripuit. Paulo post
vultu lætabundò reversus, & à sociis roga-
tus, cur tam propere à mensa surrexisset:
Equidem, ait, ô socii & commensales
charissimi, dici vix potest quum primum
carnes has mensæ inferri vidi, quantopere
conturbatus fuerim. Argumentum enim
è colore, odore, sapore & duritie sumens,
jam de mea mula actum, haspue ipsius car-
nes esse putabam: celeriter ergo ad stabu-
lum cucurri, ut an superstes adhuc esset,
viderem: eaque viva adhuc & integra in-
venta, lætus jam ad vos redeo.

Inhumanum Medici factum.

B Accius Medicus Florentinus, artis suæ
bene gnarus, sed cerebrosus, fœmi-
næ cujusdam curam vocatus, explorato
arteriæ pulsu, qui vehementis febris indi-
cium faciebat, inter alia tandem de ætate
rogavit. Quum illa sexaginta tres annos
natam

natam se diceret, rejecto ægræ brachio, Quamdiu, inquit, tu in hoc mundo vivere cupis? & irato similis, bonam mulierem incuratam reliquit.

Prima ætas sequentis indicium.

C Arolo Austriaco, qui postea ejus nominis V. Imperator fuit, adhuc adolescenti, decem pueri nobiles ejusdem fere ætatis, tam conversandi quam serviendi gratia adjuncti fuerant, ac dati viginti aurei menstrui, quos pro sua voluntate & arbitrio dispensaret. Accepta igitur primi mensis provisione, statim omne id aurum inter dictos suos cœtaneos & pueros, secundum arithmeticam proportionem divisit; qui id ipsum quoque sine ulla mora, vix apud se calidum extruserunt, & in res nullius aut parvi momenti, ut mos est puerorum, abuti sunt. Id quum Carolus animadvertisset, allato secundi mensis auro honorario, pueris avide prædam iterum æqualiter, uti putabant, dividendam expectantibus, uni ex illis aureum dedit, & eo crumenam emere jussit, inque eam allatam statim reliquum aurum reconditum, cuidam familiarium paullo adultiori asservandam dedit, idem deinde tertio ac quarto mense factum, iisdem pueris valde ringentibus, hoc iis, etiam quibus eorum cura com-

commiffa erat , vehementer admirantibus , & de innata quadam avaritia hinc facientibus conjecturam. Non multo poft quum Carolus intellexiffet puerorum uni , nescio quo casu , equum periiffe , familiari illi depositario & custodi mandavit ut eidem & aurum omne & marsupium tradere , ac suo nomine donaret. En virtutem ante annos , & quod vulgari proverbio dici solet , *Ex aurora diem.*

Poëta ne sis importunus.

FRANCISCUS Philelphus superioris ætatis vir doctissimus , sæpissime aliorum rogatu scribendis orationibus , epitaphiis , epigrammatis , & id genus talibus , sine emolumento fere occupatus , quodam nimis importune , ut cognato sibi adolescenti mortuo epitaphium scriberet urgente , defuncti nomen edi sibi iussit. Quum is Joannem Vitellum (qui Latinis vitulus est) vocari dixisset , Philelphus leviter atroso ungue , sequens Epitaphium (quod postea aliis quoque accommodatum fuit) effinxit :

*Jupiter omnipotens Vituli miserere Joannus,
Quem mors præveniens non sinit esse bovẽ.*

Continuus metus pessimus carnifex.

TRESPADES Mantuanus quum hominis cujusdam acerrimi , qui ob nescio quam

quam injuriam plagas ipsi minatus fuerat, manus effugisset, tandem ab eodem forte fortuna obviam facto probe depexus, multum sibi gratulatus est, quod posthac quieto sibi animo domo egredi, & per urbem ambulare liceret.

Alius simili modo à quodam acceptus, digresso eo à quo male multatus fuerat, Benefactum, inquit, quod tandem à te ira, à me vero metus discessit.

Cur podagrici loquaces.

Quidam rogatus, cur podagrici plerique tam essent loquaces, *Ideo, inquit, quod pedes in lingua habeant.*

Idem Ennium poetam, agebat, quoties pedum doloribus vexabatur, multo vino se ingurgitasse, ac tum demum ligatis pedibus, soluta lingua, quod vellent versus profudisse. Unde illud:

Ennius ipse pater nunquam nisi potus ad arma Profilit, &c.

Mala non querenda.

Alphonsus Rex eos stultissimos sibi videri dixit, qui uxorem aufugientem quærent. Rationem hanc addit Hercules Rangonius, quod ejusmodi homines suam ipsorum quærent turpitudinem,

Astus

Astus in iudicio.

T Res juvenes quum piraticam diu exercuissent, & magnam collegissent pecuniam, tandem in urbem quandam commigrarant, eo consilio, ut reliquum vitæ ibi & multo tutius & honestius traducerent. Quum vero id quod communi ope acquiescerant, non ita commodè sine rixa dividi posse videretur: aurum & argentum omne argentario sive danistæ cuidam tradiderunt, hac conditione, ut ne cuiquam ille vel numum, nisi omnibus tribus præsentibus, adnumeraret. Paulo post ab uno horum ceteris astutiori persuasi, magis è re fore si ea pecunia ædes, prædia & alia, quibus communiter uti possent, sibi compararent, argentarium adeunt, & ut pecuniam, quam mox integram repetituri essent, in promptu haberet monent. Quadam vero die animi gratia foras prodeuntes socios, inter equitandum idem monet, quinquaginta Ducatis ad instruendam domum opus esse: quos duo illi ab argentario petere jubent: ac simul domum ejus transeuntes, argentarium quod ille peteret, dare jubent, ac dein viam prosequuntur. Ille mox acceptam ab argentario universam summam, equo imponit; & longe diversum iter ingressus, aufugit. Interim duo illi reversi,
rem

rem omnem ex argentario cognoscunt: quumque frustra fugitivum se insequutores animadverterent, argentarium in jus vocant, conditionem allegantes, quæ conventum esset, ne cui, nisi ceteris quoque præsentibus, concreditam pecuniam adnumeraret. Non mediocriter hinc turbato argentario in mentem venit Gellium Aretinum Ic. à doctrina quidem parum, sed ab ingenio & natura satis instructum adire: qui, audito casu, cum vicinis aliquot suis re deliberata, id consilii argentario dedit, ut male quidem à se pecuniam renumeratam fateretur: se tamen paratum esse diceret, eandem juxta scripturæ super ea re factæ tenorem denuo solvere: at id fieri non debere, nisi tribus illis præsentibus. Abirent ergo & tertium illum adducerent, tumque se in mora non futurum.

*Qui homines charissimi Principibus
esse debeant.*

F Ridericus Imperator interrogatus, quosnam hominum haberet charissimos: Eos, inquit, *qui Deum magis, quam me metuntur*. Rari profecto tales Principes: sed & rari tales Consilarii & ministri. Hodie enim *Mitius agi putatur cū Deo, quam cum homine*.

Sapiens & quasi Salomonium iudicium.

N Eapolim Austriæ, ubi Imperator aulam tum habebat, rusticus quidam currum frumento onustum advexerat: cui in hospitium digressio, aulicus quidam equum curru solutum furtim subduxit. Re intellecta, imperator rusticum ad se vocatum de furto & ejus auctore percunctatur. Rusticus de furto sibi nimis quam vellet constare ait: auctorem vero penitus se ignorare. Post varias astantium Consiliariorum conjecturas, Equidem, inquit Imperator, illud mihi mirum videtur, quod alter quoque rustico huic equus non itidem furto ablatus sit, qui sciam quantum hic jam equitum sit qui equis opus habent. Tum rusticus: alter illa quidem ô Imperator, equa est, & ad militarem usum minus apta. Id audiens Imperator, hominem equam conscendere, ac omnia urbis equilia adequitare jussit, quo facto, equus sociam odoratus, hinnitu & se & facti auctorem prodidit.

Quibus fidendum.

Q Uum in Friderici Imperatoris manus litteræ quædam à Gaspare Schlickio ad proceres quosdam Hungaros scriptæ incidissent, plerisque ut eas aperiret (quod ea res suspicione non carerit) suadentibus,
Ego,

Ego, inquit Imperator, Gasparem pro viro
ono habeo & fideli amico, quod si fallor,
malo ut error hic quacunque alia ratione,
quam mea diligentia inveniatur.

Honor potius quam res.

V Eterano quodam milite nescio quid à
Sigismundo Imperatore, uti dicebat,
tibi promissum flagitante, Imperator, Ni-
nis magnum, inquit, est quod postulas,
Tum ille, Olim tibi, ô Imperator, id non
promittere licuit; jam promissum, nega-
re non licet. Quod si, ait Imperator, al-
terutrum patiundum est, sane rei, quam
existimationis jacturam facere malo.

Inimici quomodo vincendi.

Q Uibusdam ægre ferentibus quod idem
Imperator hostibus à se victis non vi-
tam tantum, verum etiam fortunas omnes
donaret, immo eosdem in amicorum nu-
merum receptos, præcipuo loco haberet:
ad Laurentium Hungariæ Palatinum con-
versus Sigismundus, Tibi, inquit, & aliis
fortasse utilius videtur hostem perdere,
quod mortuus bellum amplius non faciat:
at ego eo ipso hostem perdo, dum in gra-
tiam receptum, ex hoste amicum facio, &
quantum possum, orno. Regia certe vox.
*Nimio satius est hostem beneficio, quam ma-
leficio vincere.*

Quinam imperio digni.

Idem rogatus quos imperio aptissimos judicaret, *Eos, respondit, qui nec secundis rebus insolescerent, nec adversis frangerentur.* Quæ sane virtus Romanorum quasi propria fuit. Unde de Roma Claudianus:

Numquam succubuit damnis, & territa nullo

*Vulnere, post Cannas major Trebiamq;
fremebat.*

Et de iisdem Asdrubal apud Livium ait, Raro simul hominibus bonam fortunam bonamque mentem dari. Populum Romanum in eo invictum esse, quod *in secundis rebus sapere & consulere meminerit.* Idem etiam animus Marobodui fuit, qui, ut Tacitus lib. 2. Annal. testatur, ad Tiber. scripsit, *non ut profugus, aut supplex, sed ex memoria præterita fortuna.* Et superiori ætate Franciscus Galliæ Rex, nec non Joannes Fredericus Saxonie Princeps, & alii, etiam captivi, semper mores & spiritus regios ac pristinos retinuerunt. Plinius: *Viri fortis animus quoque premitur, quoque magis sevit fortuna, hoc est erectior.*

Aurum animi carnifex.

Quum idem magnam auri vim ex Hungaria illatam cubiculo suo, quia jam dies abierat, inferri jussisset, & cubitum conce-

concedens, diu insomnis lectulo incubaret :
 intempesta nocte Confiliarios quosdam &
 præcipuos amicos ad se vocari iussit. De-
 mirantibus cunctis, quidnam tam intempe-
 stiva sibi vellet vocatio, introductis in re-
 gium cubiculum aurum commonstrat, *En,*
dicens, pessimum carnificem qui me hac tota
nocte somnum capere non sivit. Vos quid-
quid hoc est auferte, & inter vos dividite.
 Quod quum illi prompte fecissent: *Nunc*
abite, inquit, *jam ego multo melius quievero.*

Anacreon quoque quum auri talentum à
 Polycrate accepisset, aliis id distribuit, di-
 cens: *Odi munus quod vigilare cogit.*

Parrhesia apud bonos Principes.

QUum morosus quispiam præsentem Im-
 peratore Sigismundo diceret, in Con-
 stantiensi Concilio, cui tum Imperator in-
 tererat, non licere ea quæ quis sentiret, li-
 bere loqui: excipiens Imperator, *Hoc si non*
liceret, inquit, *jam tu hoc ipsum tam libere*
non esses loquutus.

Reformatio à quibus incipienda.

APud eundem de reformando Ecclesia-
 stico statu aliquando actum fuerat. Di-
 centibus quibusdam à Minoribus (sunt ii
 ex Franciscana familia) fratribus incipien-
 dum: *Non,* ait Imperator, *à Minoribus, sed*
à Majoribus inchoanda est reformatio.

Qui magni faciendi.

I Dem Imperato rogatus, cur viros doctos, etiam tenuis fortunæ, tanto in precio haberet, quum alii Reges & principes maiorem nobilitatis quam doctrinæ plerumque haberent rationem? Merito, ait, eos ego magnifacio, qui quod habent, non ab hominibus, sed à Deo acceperunt. Cur enim eos non ornarem quos Natura tam excellentibus donis ornavit? Nobilem quidem aut divitem facere quemcunque volo, possum; doctum facere non possum, *Qui nihil aliud habet, quam majorum imagines, opinione Nobilis est verius quam re. At qui virtute preditus est, unde manat etiam vulgaris illa nobilitas, germanam & nativam nobilitatem habet.*

Qui vivi, qui mortui.

N. C Avalcantium Equidem Florentinum, singulari doctrina virum, familiares quidam in cœmiterio quodam obvii, tamquam nocturni lemures & ejusmodi terriculamenta, aggressi fuerant. Is initio territus, quum mox amicos agnovisset: Equidem, ait, vobis irascerer, nisi scirem, *in vestro* quod vultis facere, vobis licere. Hujus verbi sensum quum illi initio minus intellexissent, tandem eo digresso, unus ait: Videtisne pro quibus ille nos habeat?

pro

pro mortuis scilicet, etsi vivimus: siquidem locum hunc nobis tamquam proprium, assignat.

Ludovico Duci in museo libris incumbenti, amicus quidam accedens dicebat, Quid tu inter mortuos jaces absconditus? Quin ad nos viventes prodis? Immo, inquit ille, jam inter vivos versor. Hi enim fama vivunt & vivent in omne ævum: at vestra mors est, ut qui nulla re posteritati, vos umquam vixisse, testatum facere vultis aut potestis.

Imperium quibus debeatur.

GEorgius Gradenicus nobilis Venetus dicere solebat, Nihil sibi magis mirum videri, quam quo, quum cetera animantia rationis expertia, regem aut ducem non ferant, nisi is sui generis omnes antecellat, homines tamen qui soli rationis sunt compotes, etiam iis sæpe principibus obedire sustineant, qui ipsis quadrupedibus magis bruti sunt.

Boni Principes pauci.

IN Italia Jacobus Galbus magni nominis ea ætate Theologus, in quodam sermone ad populum multa de periculoso Principum statu, & quam pauci post hanc vitam æterna illa potirentur, dixerat. Monitus

1 4

deinde

deinde ab amico, ut ad vitandam malam Principum gratiam, quod imprudenti forsani sibi exciderat, alia ad populum concione corrigeret, aut saltem mitigaret, quamvis natura pertinax, tamen facturum se id redeperit. Post aliquam multos ergo dies, captata è textu quem explicabat occasione, Nuper, ait, se quædam de periculoso Principum statu, & eorum qui salvarentur paucitate differuisse, quæ intelligat nonnullis minus placere, atque etiam à vero videri aliena. Ne ergo quomodo id quod dixerat accipiendum sit, quisquam dubitare possit, velle se, pro suo more, apertius aliquanto id declarare, nimirum quod in universum de dubia principum salute dixisset, cum limitatione quadam intelligendum, neque enim se à regno cœlorum eos exclusos putare qui infra septimum ætatis annum moriantur, sed eos tantum quos ætas & rerum omnium licentia corruerit. *Acerbe & nimis Satyrice.* Sed est Deo gratia, quod vix ullum sæculum nostro, bonorum, prudentium & litteratorum principum fuerit feracius, ut jam illud locum non habeat, *Omnium bonorum Principum nomina in uno ambulo scribi posse.*

Neuter offendendus.

Gallis ingenti strage à Consalvo Ferdinando Hispanorum duce profligatis, Hispaniæ Regis Orator Duci & Senatui Veneto tantam sui Regis victoriam nunciaturus, in curiam sese contulit; quo paulo post Galliæ quoque Regis Orator venit. Quum ergo ambo introducti unus quidem læto & erecto, alter tristi & demisso vultu consedissent; M. Leonardus Lauredanus utrumque ita affatus est: Inpræsentiarum quidem ego tam consilio quam verbis Divi Pauli Apostoli utendum mihi video, ut videlicet, quum Dei voluntati nemo resistere, & factum infectum fieri nequeat, *gaudeam cum gaudentibus, & fleam cum flentibus*, Quibus quidem sapientissimis verbis omnem invidiam & odium utriusque gentis vitavit, & cum utriusque Legati gratia, singularem prudentiæ laudem est consequutus.

Ne tu cede minis.

Fridericus Comes Montefeltrius decennis puer pro Guidone patre apud N. Malatestam Ariminensem obses relictus, quum finitis induciis pater Malatestæ ditionem armata manu iterum invasisset, Malatestæ minanti, si secundum pater ejus armata manu redisset, capitis se de ipso

supplicium sumpturum, sine ulla cunctatione respondit: quod si pater meus tertium redierit, de quo tunc supplicium sumes? Vox non puero sed cordata viro digna.

Semper liberalis generositas.

C Aajeta expugnata, Consalvus Fardinandus multis Gallorum, nepeeites domum reverterentur, equos donavit. Tum Obignius dux eorum, Quæso te, inquit, ut equos nobis quam optimos præbeas; qui scilicet & abeuntibus nobis & mox reverentibus usui esse, ac viæ, laborem ferre possint: innuens scilicet bellum nondum confectum, sed mox redintegratum iri. Tum Consalvus, Redite, ait, quando & quotiescumque vultis. Equidem equos hos, vestes & alia quæ lubens jam vobis do, etiam reversi, postea à mea liberalitate facile rursus impetrabitis.

Una fidelia plures dealbare parietes.

H Ibernus quidam Romam profectus, Cardinalem cujus opera indigebat, adigens, ut tanto eum promptiorem sibi redderet, insignem ajebat asturconem sese adduxisse, sed eundem, quod malæ soleationis vitia claudicaret, Bononiæ reliquisse, Cardinali destinatum munus. Ibi Cardinalis, Ne tu cura, inquit, quod male ille soleatns

soleatus sit. Si enim male soleatus non esset, mihi forsan soli donasses, at jam eundem omnibus reliquis Cardinalibus donare poteris.

Non barba sed cor.

AD Imperatorem Veneti legatos miserant : quibus quod non admitterentur causam rogantibus, responsum fuit, Mirum videri imperatori, quum id genus munera gravibus & sapientibus viris demandari soleant. Venetos ex omni Patrum Conscriptorum numero neminem reperire potuisse quam duos ejusmodi juvenes, qui hac legatione fungerentur. Quum ergo juventutem suam dispicaturi haberi animadverterent Legati, ab Imperatore ad colloquium semel tantum admitti petierunt, polliciti de iis quæ in mandatis haberent, ne verbum quidem facturos. Quo impetrato, alter eorum sic exorsus est : Si Venetorum Respublica, Sacratissime Imperator, sapientiam non in corde hominum sed barba sitam esse credidisset, jam quidem ad Cæsaream V. Majestatem duos vetulos & barbatos hircos misisset. Quibus ex verbis Imperator quibus cum hominibus sibi res esset intelligens, comiter eos audivit, & liberaliter dimisit.

Externus honos.

Romæ inter duos diversæ nationis contentione orta, utra gens Christianæ religionis studium ferventius amplecteretur: uno jactante quantus honos S. Eucharistiæ tam publice quam privatim apud suos haberetur; alter. Nihil mirum hoc, inquit: nam & nos *peregrinis sive extraneis* quas possumus honoris significationes exhibemus.

Quævis causa tyranno satis est.

Castrutius, qui Lucensem Rempublicam aliquamdiu tyrannide oppresserat, ab amico reprehensus quod è Quartigianorum familia quosdam occidi jussisset, dicente, multorum eum animos à se ab alienaturum, si veteres amicos tam male tractaret: *Nihil hoc, inquit, ad veteres amicos, sed novos inimicos attinet.*

Ejusdem factum cuidam damnanti, quod scilicet Luparum virum bonum, prudentissimum, & ipsi fidelem ab omnibus habitum, bonis spoliatum, in exilium eiecisset, subridens respondit Castrutius: Non prudentia, sed avaritia, non fides sed proditio Lupari à me punita est. Vir bonus esse non potest qui avarus est. Quamdiu vitia ejus ignoravi, ut charissimum amicum habui & colui: at posteaquam ostendit

dit pecuniam se chariorem habere quam meam salutem, me quoque fortunas & pecuniam Lupari quam ipsum Luparum pluris facere oportuit.

In monachatus desertorem.

Q Uidam monachus factus, post abjecto cucullo, ad sæcularem vitam, uti vocant, rediit; utque scommata malevolorum vitaret, à publico & aliis hominum congressibus diu abstinuit. Tandem quum ab amico ad convivium invitatus, ibi etiam à nescio quo tamquam excucullatus ludibrio haberetur, ac pudore totus suffunderetur; assidentium aliquis, *Ne vos, inquit, existimate hunc ejus pudere, quod cucillum abjecerit, sed ejus potius, quod umquam induerit.*

In avaros.

A Varus quidam vinum quod familiæ præbebat, enormiter admodum aqua diluere solebat, ut postea esset vilius; idemque manducantes vel mensæ adstans, vel obambulans, vel è regione sedens, diligenter observabat. Unum vero aliquando strenue tuburcinantem videns, continere se non potuit quin exclamaret: *Ec quando molendinum hoc sistetur? Non tam cito hoc fiet*, inquit juvenis, *quandoquidem tu aquam affundere non cessas.*

In malam mulierem.

QUodam fœminam parum honestam, tamquam muliebrium virtutum exemplar dilaudante, Camilla Arnolphina quæ fœminam illam forte melius noverat, *Immo, inquit, piaculare puto talem fœminam non comburi, & cineres ejus, memoria causa, asservari.*

Eadem quum de homine quodam proceræ staturæ, sed parvæ sapientiæ facta esset mentio, *An nescitis, ait, superiores celsarum adium partes non habitari?* Caput cerebro vacuum habere significans.

Blandita subrustica.

NYcolaus Picinninus, strenuus & magni nominis bellator, ab Antonio Panormitano obvio honorifice salutatus, & ipse civilitate aliqua uti volens, militari plane voce & gestu contrà eum compellabat: *Ita vivam Antoni, ut quotiescumque te video, cœcum me esse cupio.* Perturbatus his verbis Panormitanus, ubi se collegit, *Quam obrem, inquit, mi Domine? quisquamne est qui virtutem & res præclare à te gestas plus in oculis atque animo ferat, quique tui honoris sit studiosior, quam ego?* Hic subridens Picinninus, rudes & militares mores ad civilitatem accommodans, *Sic habeto, inquit, quoties ego cumq; te hominem tanta ac tam multiplici*

multiplici doctrina ornatum intueor, deinde me meamq; ignorantiam considero : me & odisse te tamquam mihi contrarium, & revereri simul, tamquam hominem litteratum. Ait Panormitanus, numquam sibi initio majoris perturbationis, nec in fine majoris risus materiam objectam esse.

Modus ut quis videatur sapiens.

F Lorentiæ Antonius Puccius cum nescio quo egerat, ut tam necessario Reipublicæ tempore Confalonieri, sive Vexilliferi, quæ inter primas dignitates est, officium acceptaret Eum, se excusantem quod tantam sapientiam non haberet quantam munus illud requireret, Puccius rogat. An si tantum saperet quantum Cosmus Medices, satis sapiens sibi videretur? Immo, inquit ille, vel dimidium, credo, ad hoc mihi suffecerit. Tum Puccius, Quid si ego consilium tibi dederò ut plus illo sapere videaris; Sed quid ais? nihilne omnino sapis; Aliquantulum fortassis, inquit alter. Bene, ait Puccius. Fac ergo id quod Cosmus tibi suaserit & dixerit; sicque ipsius sapientiam quasi tuam facies: cui si illud etiam quod à te ipso habes, adjunxeris, tanto plus Cosmo sapere videberis.

Modus rationes reddendi.

M Aximilianus I. Imperator quum erga omnes, tum præcipue erga sanguine nobiles, sed fortunis pauperes admodum fuit liberalis. Ex horum numero aliquem ad nescio quam Imperii civitatem miserat, qui centum florenorum millia Fisco Imperatoris debita, postularet. Et hic quidem in exsequendo sibi commissio munere tanta dexteritate & diligentia usus est, ut quinquaginta florenorum millia extorserit: de quibus triginta millibus Imperatoris fisco illatis, residuum sibi servavit. Id quum postea rationum magistri cognovissent, Imperatorem moverunt ut ab homine illo rationem reposceret. Vocatum ad se Imperator, rationem ejus quod accepisset reddere jubet. Ille facturum id se recepit, ac discessit. Paucos post dies, illo non comparente Rationarii Imperatorem rursus instigant ut illum ad rationes reddendas evocaret: qui quum comparuisset, Imperator. Non tu promissisti nuper, ait, te quamprimum rationes redditurum? Sic est, inquit ille, invictissime Imperator; & jam in eo sum. Hinc existimans Imperator, libros illum & adversaria interea inspicere velle, rursus dierum aliquot moram homini indulgit: quibus elapsis, Rationarii hominem multis

multis modis apud Imperatorem criminati sunt, ut qui non solum acceptam pecuniam mala fide tractasset, verum etiam aperte nunc Cæsaris mandatum contemneret. Tertium ergo ad Imperatorem accersitur, & sine ulla ampliori dilatione præsentibus Cæsaris quæstoribus & Rationariis rationes reddere jubetur. Ille non ignarus, horum suasu & instigatione (ut qui quod illi accesserat, sibi decessisse existimarent) Imperatorem tam serio rationes poscere ad ejus Majestatem humili gestu & voce conversus, sic inquit: Rationes reddere, invictissime Imperator, non quidem recusato: verumtamen quum artis hujus, mihi antea inusitatae, minus peritus sim, hi vero qui ad accipiendas à me rationes parati abaco assident, artem hanc ad unguem calleant: quam humillime rogo & oro, ut ii præsentem Vestra Cæsarea Majestate ac me inspectante prius à se accepti & expensi rationes reddere jubeantur, neque enim dubito quin hæc una inspectio facilem mihi & meas rationes reddendi modum monstratura sit. Imperator quid hæc sibi postulatio vellent optime intelligens, æquum petis, inquit, ac dimisso nobili quæstorum suorum rationes postea diligentius inspexit. Vulgo dicitur: *Minores fures sunt in compedibus ferreis, sed majores in torquibus aureis.*

Aliud

Aliud non minus facetum.

MOnacho cuidam, Theodorico Rage-
luido nomine, Carolus IV. Imperator
arcis nescio cujus quæsturam demandarat:
quam ille sic administravit, ut brevi ma-
gnas divitias corraserit. Delatus ab invidis
apud Imperatorem quod mala fide in bo-
nis ipsius administrandis versaretur, & suis
tantum studeret utilitatibus, & statuto eam
ad rem die, præsentem Imperatorem & iis qui
malæ fidei ipsum insinulaverant, rationes
reddere iussus, *Nulla mora, inquit opus
est invictissime Imperator, quod jubes hac
ipsa hora facere paratus sum.* Iussus ergo
statim libros & alia ad eam rem necessaria
adferre *Ne his quidem, inquit, opus est. Me-
arum rationum summam accipite. Quum
huic muneri à te prepositus fui, clementissi-
mo Caesar, vili & monachali habitu indu-
tus, pauxillum pecunie in crumena habui.*
*Id si per V. Majestatem retinere mihi lice-
at, est quod gratias agam. Si quid amplius
habeo, id omne tuum est, ô Imperator: cui
qui etiam lubens volens omnia reddo.* His
auditis ad circumstantes, ac præcipue The-
odorici delatores conversus Imperator,
*Quis vestrum, inquit, est qui huic in modum
rationes mihi reddere paratus sit?* Silentii-
bus cunctis & pudore confusis, Imperator
Theodoricum complexus, bono animo es-
se jus-

se iussit , atque eundem postea ad Episcopatum Mindensem, tandem etiam ad Magdeburgensem Archiepiscopatum promovit.

Beneficiorum oblivio.

PRincipi N. nobilis quidam valde generosum equum donarat , spe gratiæ & favoris , si quando opus sibi foret , præstandi. Equum hunc quum post aliquot menses alius Princeps vidisset ac vehementer laudasset , simulque quæreret , unde aut à quo haberet ? Ille nescire se respondit , credere tamen sibi à nescio quo donatum. Verba hæc nobilis ille qui donarat , non procul inde stans , audiens , facile conjicere potuit quænam sibi inde speranda esset remuneratio , quare de equo suo recuperando consilium iniit. Quodam ergo die equisonem siue stabularium qui equum ad proximam piscinam aquarum ducebat , insequutus , arepto freno , furem inclamat , involat , & pugno contundit , tum sine mora quum ad Judicem adducit , ac suum esse multis testimoniis probat. Princeps à iudice quid hac in re fieri vellet rogatus , ei cujus esset , equum restitui iussit : ac simul mandavit ut is qui sibi hunc equum donasset , diligenter inquireretur , quem aiebat gravi supplico dignum , ut qui alienum & furtivum equum principi donare ausus esset.

set. En hominem ipsarum gratiarum & Mnemosynes manibus factum !

Majorum amicitia parum tuta.

DUx quidam à duobus potentissimis Regibus ad ineundum secum fedus invitatus, sequenti apologo modeste sese excusavit : Lepori quondam Ursus, Leo, & Aquila amicitiam suam, atque etiam fedus quibus vellet conditionibus obtulerunt. Lepus suo se modulo primo metens, deinde eorum quibuscum res sibi futura esset, ingenium, naturam & vires considerans, amicitiam quidem amplexus est, fedus autem recusavit, dicens : *Illis semper quod voeent opus fore, sibi vero pastum, nunquam deesse.*

Fatuis Respublica non committenda.

QUUM præsentem Petro Medice qui Legatus Roma revertens à Perusinis honorifice fuerat exceptus, Senatorum quidam multa inepte, atque etiam stulte dixisset ; alius eo eodem ordine ad Petrum ait : Ignosce Domine, licet non dubitem, tales homines etiam apud vos esse. *Sunt*, inquit Petrus, *at eis ad Reipublica administrationem non utimur.*

Qua

Qua littera hodie pluris fiant.

QUum Romæ inter Cardinalis cujusdam domesticos quidam dixisset, hominem valde litteratum in urbem venisse, alius quæsit, quasnam ille litteras haberet aut afferret? Respondente altero, Hebraicas, Græcas, Latinas, &c. Ille, Argentarias sive collybisticas malim, inquit.

In viles.

DOctor quidam togam holofericam pel-
libus suffultam fieri sibi curarat: sed
quum in ejusmodi vestem qua raro utere-
tur, tantos sumptus facere nollet, lacinias
quidem preciosioribus, nempe zebelinis
prætexi, interiora vero ovillis subduci
jussit. Ei obvio homo quidam, qui quos-
vis adunco naso suspendere consueverat,
illudere volens, Bona, inquit, fortuna te in
tam pulchra veste comitetur. Sed quaso
dic mihi, an interiora exterioribus his
respondeant? Non hoc ausim dicere, in-
quit Doctor; prætextas quales sint vides,
at reliquæ pelles sint ex eodem genere quo
tua.

In cunctatores, & voluptuarios.

HUGUTIO Fagiola accepto Luce, ubi
tum erat, inter prandendum nuncio,
Pisanos seditionem movere, Prius, inquit;
pran-

prandeamus: postea satis tempori Pisas ad castigandos rebelles veniemus. Finito ergo prandio, celeriter Pisas contendit: sed à civibus exclusus Lucam propere rediit, ubi etiam portas occlusas offendit. Sic ergo undique exclusus, Veronam ad Canem Scalligerum se recepit, ejusque liberalitate vitam sustentavit. Quum vero aliquando in mensa sermo de hominibus voracitate insignibus incidisset, & Hugutio sibi adolescenti binos capones, quatuor turdos, armum ovillum, & pectus vitulinum in unam cœnam vix satis, fuisse diceret, Petrus Nanus homo valde argutus, atque etiam mordax, Parum hoc, inquit, mihi videtur, præ illo quod tu uno prandio duas opulentissimas civitates (Pisas & Lucam intelligebat, quarum fuerat dominus) absumpsisti.

Argutum responsum.

STudiosis quibusdam extra Neapolim animi gratia obambulantibus, rusticus asino inequitans occurrit: quo vehementer rudere incipiente, quidam, O te inscitum, inquit, talis bestię magistrum; quam tam intempestive, seu extra anni tempus (quale tum erat) rudere sinis! Rusticus, Hoc, inquit, commune habet meum jumentum cum cæteris bestiis, quod pro anni carent tempore: attamen si quando turbæ alicui

cogna-

cognatorum suorum occurrat , abstinere non potest (quæ est ejus comitas) quin lætitiâ suam claro quati júbilo & clamore testetur.

Quæ anni pars quibus gratissima.

GEnuæ nobilis quidam cum aliis ad ædium suarum fores stans , & cum vicinis colloquens, joci causâ è prætereunte rustico sciscitabatur, quonam anni tempore rusticam homines plurimum delectarentur? Hiberno, inquit rusticus. Tum enim ad focum sedentes, rapa, & castaneas assamus: & cœnati, circa ipsum focum cubantes, suaviter dormimus, noxios interim halitus & vapores tam è summo quam imo gutture efflantes. Ecquid vobis de ejusmodi vita videtur? Mihi quidem, inquit, Nobilis, vos porcorum cognati videmini. Tum rusticus: Dic sodes, quænam vobis urbanis hominibus anni pars est gratissima; Verna, ait alter: quando scilicet redeunt jam gramina campis, revirescunt arbores, vernant flores, avicularum passim auditur concentus, omnia denique rident. Ergo vos, inquit rusticus, alini mei cognati estis, qui & ipse tum temporis omni lætitiâ incedit, adeoque rudere vix umquam cessat.

Vestitu non superbiendum.

IN gynæceo quodam nobilis erat puella ,
subfusca , formæ suæ nihilominus mul-
tum tribuens ? quam quum candida eaque
preciosa admodum & artificiose elaborata
veste exornasset , & inter reliquas magnifice
se inferret , aulicus quidam rogatus , quid
sibi puella illa videretur : *Musca* , inquit ,
Patriæ insidens tabula.

Vana gloria se ipsam confundit.

EQues quidam Hispanus , cæterum vir
probus , sed ultra modum ambitiosus , in
Apulia oræ maritimæ partem aliquam cum
imperio regebat. Per id tempus myoparones
aliquot Turcici non exiguum piratarum
numerus in terram exposuerant : sed
qui mox ab incolis celerrime convolanti-
bus , partim cæsi , partim , captis etiam ali-
quot navibus , repulsi sunt. Quamvis au-
tem Gubernator prælio ipse non interfue-
rit ; quia tamen id suis auspiciis gestum &
confectum putabat , ejus quoque gloriam
sibi deberi arbitrat , rei gestæ historiam
in pariete ad portam sui Palatii depingi cu-
ravit , addita brevi narratione , & in primis
suo tamquam capitis ac præcipui ducis no-
mine. Erat vero totum opus negligenter
& perfunctorie factum : eoque pluviarum
& imbrium vi brevi ita ablutum ut vix ul-
lum

lum picturæ vestigium paries exhiberet. In quem intuens illac forte transiens Hispanus quidam, qui conflictui interfuerat, *Benedita*, inquit, *piedra, qua non quieretis de-
zir lamentira*, id est, *Benedicta petra (seu,
paries) qua mendacio astipulari non vis.*

Ridicula consolatio.

Scripserat nescio quis ad Cardinalem Polum litteras, quibus cum de morte singularis cujusdam amici consolabatur, multis præter rationem congestis rationibus. Quas legens Polus, Polvere, inquit, litteræ hæ ad consolandum accommodatæ, quas nemo sine risu facile legerit.

Inanis cura & sumptus.

Idem nescio quem videns, barbam & capillos impense curantem atque exornantem dicentibus familiaribus, in unam rem binos scutatos singulis mensibus impendere, Itane? ait. Crediderim ergo barbam ipsius pluris esse quam totum caput.

Quæ nocent, docent.

CAtharina Henrici V I I I. Angliæ regis uxor ad familiares sæpe dicere solebat, nec adversam nimis, nec minus prosperam vitam sibi in votis esse. Et si vero tam hanc quam illam graves admodum comitentur

tentationes & pericula , ut sane mediocris seu temperatus vitæ status sit optimus & maxime expetendus : sibi tamen si optio datur , malle miserrimam quam omnibus (uti putantur) bonis & deliciis affluentissimam agere vitam : Afflictis enim raro deesse solatia ; at fortunatis rectam rationem fere semper.

Portus anime.

BEatus Ægidius in tribus agebat animarum tranquillitatem consistere. Primum esse, ut misérias & tentationes perferamus & vincamus. Secundum, ut postquam boni aliquid egerimus, tanto magis nos humiliemus. Tertium ut ea quæ non videntur unicè desideremus.

Idem longum ad instar gruis collum sibi optabat, non ut Philoxenus ad cibi & potûs diutius gustandas delicias, sed ad verba tam leviter alias evolutia diutius continenda.

Imperia anime periculosa.

CUM Carolo V. Imperatore familiariter aliquando loquebatur Antonius Læva homo magnam in re militari laudem consequutus. Delapso ad res Italiæ sermone, Læva Imperatori facilem, ut putabat, totius Italiæ subjugandæ rationem com-

monstrat;

monstrat ; ante omnia hos, illos Principes è medio tollendos, inquiens. Ibi Imperator : Quid interim ac dein animæ meæ futurum est ? Ergo tu, ait Lava, animam habes ? Vade, & Imperium abdica. Illud nempe innuere volebat, conscientiam & dominationem non bene inter se convenire. Falso : quum Pietate & Justitia servantur regna : & Tyrannide nihil sit instabilius, nihil minus fidum. Videtis Principes, quales vos circumstet ministri !

Religio militaris disciplina fundamentum.

ALio ingenio ex eadem gente fuit Camillus Ursinus, qui bonum militem esse negavit qui non esset bonus Christianus. Addens, Corruptæ hodierno tempore militaris disciplinæ præcipuam causam esse contemptum Religionis.

Senectutis commoda.

Dicere quidam solebat, tribus his prærogativis (scilicet) à Natura senes dotatos esse, ut plus videant, plus valeant, & plus imperent. Plus videre ; ut quibus ob visus debilitatem pleraque germina videantur. Plus posse ; ut qui mulum conscensuri, & pedem in stapeda ponentes, ephippium seu sellam, loco suo motam, omnino ad se trahant. Plus vero imperare ; quibus

è decem rebus quas decies petierint, vix una semel ministretur.

Par pari referendum.

Petrus Niger per vicum iter faciens, canem ad se accurrentem & nudatis dentibus mox in se irruiturum, hasta transfixit. Ea propter ad magistratum à villico tractus, & rogatus quid ita in miserum animal sæviisset, idque non inversa potius hastæ quam præpilata parte percussisset: Eò, inquit, quod ille non cauda, sed dentibus morsum mihi minabatur.

Bona hujus Mundi transitoria.

AMicis suis rex quidam thesauros à patre relictos, in primis vero gemmas & uniones immensi & splendoris & precii monstrabat. Inter quos quum unus in has voces erupisset: O pulchras res! ô preciosum thesaurum! Sed illud unum dolendum mihi videtur, quod morientibus hæc omnia relinquenda sunt. Tum rex: Stulte loqueris. Si enim parentes mei non fuissent mortui, ego ista non haberem, adeoque nec rex essem.

Victoria quævis bene parta.

CAstrutio Castracano, Lucæ, Pisarum & Pistorii domino magis placebant victoriæ

etorix astu quam vi & armis partæ. Aje-
bat enim victoriam, non modum victoriæ
existimationem & gloriam conciliare. *Do-
lus an virtus, quis in hoste requirat?*

Eodem homine vix quisquam fuit ad
pericula subeunda audacior, & in iisdem
dispellendis cautior. Ajebat, homini ten-
tanda omnia, nec quidquam pertimescen-
dum. Fortunam quippe, seu Deum ipsum
fortes juvare; & inertes à fortibus casti-
gari.

Aliena sæpe aliis prodest stultitia.

CIves duo una animi recreandi causa
extra urbem progressi, cuculum forte
audiunt more suo coccyssantem. Heic al-
ter alterum cum risu intueri, utri avis illa
cantaret, id est, utri parum faustum ac pu-
dicum matrimonium nunciaret (qui enim
Cuculi nominentur, notum est) inter se
contendunt, & ad convitia, ut fere fit, de-
veniunt; adeoque ipsum adeunt judicem,
& de facta sibi ab altero injuria conquerun-
tur. Instituitur lis seu processus, in quem
quum uterque pecuniæ aliquid impendisset,
Judex eam sententiam tulit, Neutri,
sed sibi soli Cuculum illum coccyssasse: sic-
que eos dimisit.

Vanitas irrita.

IN diversorio cœnabat mercator quidam, negociandi causa discursans. Forte fortuna eodem venit eques quidam : qui de nomine suo rogatus à mercatore , ait , sibi nomen esse : Don Joanni Ramiro de Mendoza & Gusman. Tum mercator , Equidem, inquit , pro uno adhuc tam locum hic quam cibi copiam video : sed pro tam multis nec locus nobis est nec apparatus.

Excerebrati.

UNá habitabant duo litteratores , Poëta unus, alter Musicus. Dum variis de rebus inter se differunt , inprimis de bonarum artium contemptu, alter, Hei, inquit , quo jam deventum est ? ô sæculum ingratum ! Equidem hodie auribus meis audivi aulicum nescio quem , dicentem , tam Poëtas quam Musicos cerebro carere. Post mutuam consolationem , puerum cujus communi ministerio utebantur , ad se vocant , & adnumeratis aliquot denariolis, in cœnam caput vitulinum sibi apparari jubent. Facit puer quod jussus erat , & sub cœnæ tempus caput vitulinum patinæ imponit. Interea illis solito diutius emanentibus , nidore & fame victus, cerebrum, gustatu illectus, totum vorat. Inde reversis heris caput apponit : quod quum cerebro
vacuum

vacuum illi vidissent puerum inclamant. Quid hoc est? Ille, Musicus, inquit, & Poëta.

Sera post mortem medicina.

P Rinceps quidam in sua familia morionem, seu hominem simplicem alebat. Huic quum è cubiculariis quidam vexandi gratia, dixisset, Ego te occidam, trepidus ille ad Principem se recepit, & periculum suum exponit. Ibi Princeps, Bono esto, ait, animo. Ille si te occiderit, jussu meo statim in patibulo suspendetur. Hoc non volo; inquit Morio, sed illud tantum ut uno die prius cum suspendi jubeas, quam me occidat.

Maturanda, quæ abscondi non possunt.

D Uxerat aliquis uxorem, sed quod dici solet, vaccam cum vitula. Quum post paucos menses infante nato, error prorupisset, & plerique dicerent, partum nimis mature editum, quidam, Non hoc forte est, inquit, sed nuptiæ nimis sero sunt, celebratæ.

Omniū rerum vicissitudo.

A Lvarus de Luna inter Hispaniæ magnates non postremus; pro insignibus utebatur Luna dimidiata. Ea insignia quum quidam parieti appicta vidisset, sub-

scripsit: *Numquam plena*. Alvarus compertare hominem ad se vocat, & quid sibi vellent subscripta illa verba, rogat. Ille, Hoc, inquit, quod summopere tibi optandum puto. An tu enim nescis, Lunam quam primum plena fuerit, statim minui?

Ridiculum terriculamentum.

M Artinus Scarfus, Prati (ut Itali magistratum vocant) Potestas à spiritualium rerum Vicario rogatus fuit, ut Clericis quibusdam, qui ad Ecclesiasticam normam non vivebant, metum injiceret, sicque eos ad meliorem converteret frugem. Designatos citat Scarfus in diem sequentem, & unum in conclave includit: ipse dein vestem pellitam inversam indutus, eodem ingreditur, & nigro sindone vultum celans, jam hunc jam illum, baubans interim, puerili more insequitur. Clerici non sine risu, insequentem hac illac fugiunt, inusitatum ludum in homine gravi admirantes, tandem dimittuntur. Non multo post idem redit Vicarius, iterumque seriò de mala Clericorum vita conqueritur, addens, necessarium sibi videri ut non inani, sed vero aliquo terriculamento ad frugem revocentur. Scarfus iterum vocatos eodem conclavi includi, mox singulos evocari, & per ministrum nodosæ chordæ una & altera plaga affici

afficii jubet. Hoc de re certior factus Vicarius Scarso non tantum succensuit, verum etiam ob Cleri honorem violatum dicam impingere voluit: sed ille alium modum terroris injiciendi quam quibus usus esset, nesciisse se ajebat. Verum terrorem esse ultimi supplici.

Importunitas convivialis.

Quidam ad amicum cœnandi causa frequenter comeare solitus, quum jussu patrisfamilias cœna longius differretur, hominem inclamabat, Ecquando tandem cœnandi tempus esset. Cui ille, ubi tu, inquit discesseris.

Remedia sanitatis.

A Nimi causa Pontifex (Paulum III. quidam fuisse ajunt) Româ prodierat. Non longe ab urbe occurrit ei senex rusticanus optimæ staturæ, vividi coloris, barba ab umbilicum usque promissa, & rusticorum quidem more, sed honeste & decenter vestitus. Ad se vocatum Papa interrogatum de vitæ genere tum de ætate. Ait ille; nonagenario se majorem esse: rusticanam agere vitam, & è prædioli quod diligenter coleret, fructibus vivere: quotidie tantum negotiorum quam corporis exercendi causa, unum & alterum milliare pedibus

obire : uxorem sibi esse , tum filios , item-
que nepotes ac pronepotes , qui multum
solicitudinis ac curarum sibi facefferent.
Rogatus, quibus modis in tanta ætate vires
conservaret , Ego ait , nec cibos nec vesti-
tum muto , nullis utor condimentis , nec
ulla re appetitum provocare studeo : tum
curas omnes , quantum possum , à me se-
grego. Responso delectatus Pontifex ,
centenûm aureorum pensionem annuam
homini assignavit , ut reliquum vitæ tanto
tranquillius exigeret. Gratias ille egit his
verbis : Non nego , Beatissime Pater ,
humillimas me liberalitati tuæ debere
gratias : scio tamen eandem annis vitæ
meæ detracturam potius aliquid quam
addituram.

Perfidia sæculi.

C Oncionator quidam magistratum ad-
monens ut justitiam æquabiliter omni-
bus administrarent , Scio inquit , vos quando
ejusmodi officia aditis , jusjurandum præ-
stare ea à vobis integre administratum iri :
sed credo ego vos jam ante aliud jusjurân-
dum dedisse , quod quidem multo diligen-
tius observatis , nimirum vos nihil eorum
quæ jurastis facturos.

Nationum proprietates seu colores.

Monebat quidam (an recte, nescio) ab Italo ruffo, ab Hispano albo, & à Germano nigro cavendum esse.

Ridicula excusatio.

Eques quidam cum aliis iter faciens, quum ad flumen ventum esset, primus id ingressus est, sed non reperto vado, parum abfuit quin cum equo suffocaretur. Tum comitum unus, Mihi hoc mirum videtur, inquit, quod antea jactasti tanti te equum tuum facere, cui hodie, nobis inspectantibus, vitæ periculum creasti Ille, Erras, ait. Bene certe inter me & equum meum convenit; ut qui, non diu est com-
potaverimus.

Lingua custodiæ.

Sapiens quidam ajebat, qui civili conversatione fœliciter & quum laude uti velit, ei imprimis linguæ curam habendam esse, ne quid temere, ne quid vane, ne quid superbe effutiat. Esse enim linguam velut speculum animi, in quo omnes ejus affectus expresse cernuntur: esse hunc vere Lydium lapidem, quo quidquid in homine est virtutum aut vitiorum, exploretur.

Rara vidua castitas.

VIdua quædam in secundum matrimo-
nium expetita, Mors, ait, non debet ex-
stinguere castæ mulieris amorem.

Bonum oblivionis remedium.

HOmo quidam debilissimæ memoriæ
ex amicis cuidam scutatum mutuo de-
derat, sed nomen ac personam oblitus, mul-
tum sese cruciabat, nec tamen quis ille es-
set, reminisci poterat. Id quum uxor ex
eo intellexisset, consuluit, ut quicumque
occurrens ei Bonum diem optaret: gratias
quidem ageret, sed statim subjiceret: Malim
tamen ego meam pecuniam. Quid sit?
quum multi frustra occurrissent, ut qui ver-
borum illorum mysteria non intelligerent,
tandem ille cui pecunia mutuo data fue-
rat, offensus responso, Alia, inquit, &
magis modesta ratione reposcere mutuum
poteras: quod tamen non invitus jam tibi
repræsentō. I nunc, & muliebrem sexum
consilii expertem crede.

Insignis humanitas.

IN Hispania moris est, ut Prætores (quos
Alquaziles vocant) noctu viciatim obam-
bulent & apud quemcumque arma de-
prehenderint, auferant, secumque aspor-
tent. Eorum unus quum in hominem
valde

valde onustum incidisset, rogat, quænam arma ferret: pallioque rejecto, quum non mediocrem lagænam vino plenam deprehendisset, eam cum satellitibus suis totam evacuat, ajens: Se gladium sibi sumere, sed illi, vaginæ gratiam facere.

Argutum Romuli responsum.

R Omulum dicunt (ex L. Pisonis Annalibus refert Agellius) ad cœnam vocatum ibi non multum bibisse: quia postridie negotium haberet. Ei dicunt: Romule, si isthoc omnes homines faciant, vinum vilius sit. Is respondit: Immo vero carum, si quantum quisque volet, bibat, nam ego bibi quantum volui.

Ipse fac, si recte factum velis.

A Vicula est parva, nomen ejus Cassita, habitat, nidulaturque in segetibus; id ferme temporis ubi appetit jam messis, pullis jamjam plumantibus. Ea cassita in sementes forte concesserat tempestiviores: propterea frumentis flavescentibus, pulli etiam tunc involucre erant. Quum igitur ipsa iret cibum pullis quæsitum, monet eos ut siquid ibi novæ rei fieret dicereturve animadverterent: idque uti sibi, ubi redisset, renunciarent. Dominus postea segetum illarum filium adolescentem

adoleſcentem vocat, &, Videſne, inquit, hæc ematuruiſſe & manus jam poſtulare? idcirco die craſtina ubi primum dilucula- bit, fac amicos adeas, & roges, veniant operamque dent mutuam, & meſſem hanc nobis adjuvent. Hæc ille ubi dixit, diſceſ- ſit. Atque ubi rediit caſſita, pulli trepiduli circumſtrepere orareque matrem, ut ſta- tim jam properet, atque in alium locum ſeſe aſporret, nam dominus, inquiunt, miſit qui amicos rogaret, uti luce oriente veniant & metant. Mater jubet eos à metu otioſos eſſe. Si enim dominus, inquit, meſſem ad amicos rejicit, craſtino ſeges non metetur: neque neceſſe eſt hodie uti vos auferam. Die igitur poſtero mater in pabulum volat: dominus quos rogaverat operitur: ſol fervit, & ſit nihil, & amici nulli erant. Tum ille ruruſus ad filium, Ami- ci iſti, inquit, magnam in partem ceſſatores ſunt: quin potius imus, & cognatos, affines viciniſque noſtros oramus, ut adſint cras tempori ad metendum. Itidem hoc pulli pavefacti matri nunciant. Mater hortatur ut tu in quoque ſine metu ac cura ſint: cog- natos affinesque; nullos ferme tam eſſe ob- ſequibiles, ait, ut ad laborem capeſſendum nihil cunctentur, & ſtatim dicto obediant, Vos modo, inquit, advertite, ſi modo quid denuo dicetur. Alia luce orta, avis in pa- ſtum proſecta eſt: cognati & affines ope-
ram

ram quam dare rogati sunt, supercedent. Ad postremum igitur dominos filio, Va-
leant, inquit, amicis cum propinquis. Affe-
res prima luce falces duas, unam egomet
mihi, & tu tibi capies alterum, & frumen-
tum nosmetipsi manibus nostris cras me-
temus. Id ubi ex pullis dixisse dominum
mater audivit, Tempus, inquit, est ceden-
di & abeundi, fiet nunc proculdubio quod
futurum dixit. In ipso enim jam vertitur
cujus est res, non in alio unde petitur. At-
que ita cassita nidum migravit, & seges à
domino demessa est. Hoc scilicet illud est
quod libri Philosophorum monent, *Uo-
nobis tantum ipsis nitamur.*

Lascivia facete refutata.

PUella rustica tam forma quam ætate flo-
rens, è mercatu domum proficiscens,
asinam ante se agebat. A lascivo quodam
adolescente obvio rogata, cujas esset, &
quonam iter haberet, setasam inquit. Ille.
Nostinè Ferdinandi Lupi filiam? (is eodem
in pago habitabat) Optime, inquit. Vi-
cinæ sumus. Tanlo melius ait adolescens:
& proprius accedens, Hoc, inquit, te ro-
go, ut osculum à me sumptum, illi reddas.
Puella, Melius, inquit, feceris, si asina
mea illud osculum des perferendum. Is enim
prior me domum veniet.

Hono-

Honoranti honor reddendus.

Comes quidam Hispanus quum Archiepiscopo nescio cui obvio debitam exhibuisset reverentiam, ille vero pileum primoribus tantum digitis velut delibasset: Comes, Credo ego, ait Archiepiscopum hunc nostrum aut auribus Carere, aut scabiosum habere caput: quod scilicet nudare non aufit.

Eidem quum ex aula regia quidam obviam venisset, & roganti qui de se in aula sermones essent, dicere se nec boni nec mali quidquam de ipso audivisse: hominem plagis aliquot seu fustuario affici, ac dein eidem quinquaginta ducatos numerari iussit, addens: ubi jam in aulam redieris, causam habebis & bonum & malum de me dicendi, **O mirifica hominum ingenia!**

Principem & Justitia & Clementia decet.

Sapiens quidam ex omnibus virtutibus Justitiam & Clementiam præcipue in Principibus requiri dixit. Illa enim bonorum; hac etiam improborum benevolentiam promoveri. Sed res duæ tam diversæ prudenter miscendæ & temperandæ sunt.

Eadem arma non omnibus usibus apta.

CLericum Cantabrum natione Cardinalis Petrus Consalyus Mendoza reprehende-

henderat, quod armatus incederet. Excusanti se non ut quemquam offenderet, sed ut à canum moribus se tueretur, arma ferre, Cardinalis, Atqui, ait, eo in casu & plerisque aliis Clerico convenientius est ut Euangelium S. Joannis recitet, & spiritualibus armis sese defendat. Tum Clericus, Ne hoc quidem armorum genus ego aspernandum putem: nisi scirem esse canes aliquos qui Latinæ linguæ plane sunt imperiti.

Orbilius confusus.

P Ædagogus quidam Orbilio plagosior, puerum virgis ad sanguinem usque cæciderat; puer dimissus femoralia attrahere cunctans, licet monitus, Immo, inquit, Optimum fuerit, ut vestibus omnino me exsuam, ut quæ ex patriæ consuetudine carnifici cedunt.

Magnos magna decent.

A D Alphonsum Aquillarem bello & toga clarissimum virum Castiliæ rex Ferdinandus diverterat. Erat vero ceteroqui arx magnifice structa atque exornata: quum vero regi per scalas admodum angustas ascendendum esset, rogabat Alphonsum, cur scalas illas ampliores fieri non jussisset. Ibi Alphonfus. Numquam ego putavi fore ut tam magnus hospes ad me divertat.

Vini

Vini natura.

Bernardus Palomus facetus admodum Monachus de vino dicere solebat : Si vinum aqua diluas , vinum perdis : si non diluas , te perdis.

Forma cito abit.

DE iis qui in ducendis uxoribus formam præcipue spectant , quidam dicere solebat : Post sextum mensem maritis deformes , at aliis tum formosas videri.

Excusanda corporis vitia.

Quidam mulierem claudam duxerat. Irridentibus amicis & hominis imprudentiam accusantibus , Atqui , inquit ille , non eo illam ego duxi , ut cum illa venatorem

Frugale convivium.

Invitatus quidam Germanus ab Hispano ad cœnam , quum initio statim raphanos appolitos vidisset , At in mea patria , inquit , in fine convivii raphani apponi solent , tum Hispanus : Itidem apud nos.

Nobilis quis.

Extraneum nobilitatem suam ad tedium jactantem plebejus quidam adunco naso suspendebat. Id ille ægre ferens. Tunc bestia , inquit , scias in quo sita sit nobilitas ?

tas ? Optime scio, ait alter : nempe in eo ut quis sexaginta miliaribus absit à patria.

Avaritia misera.

C Uidam iter facienti hospita prægravidam catinum juscule plenum, cui pauca admodum pisa innatabant apposuerat. Inclamat ille famulum, & admotis ad ligulas manibus, quid vellet rogatus, Volo, inquit, ut thoracem mihi detrahas. Dicenti, quam ob rem ? ut inquit, per gurgitem hunc natem, & ipsa illa paucula expiscer.

Medicorum benignitas.

V Idens quidam hominem aureo torque multiplici exornatum, tum digitos annulis aureis plenos gestantem, rogat quisnam esset ille tam magnifice se inferens ? Ajunt, Medicum esse. O scitum, inquit alter, Medicum, qui iæterum (Germanis *Gelbsucht*. ad auri quippe colorem alludebat) ab aliis in se transfert.

Veterinarius quidam à Doctore Medico ac curandam inulam accersitus, mercedem oblatam accipere recusavit, Indignum dicens factum fore, si ab ejusdem Facultatis hominibus quidquam mercedis nomine acciperet.

De linguarum differentiis.

M Ulti inter linguas ita distinguunt, ut dicant, cum Deo, ob Majestatem, Hispa-

Hispanice; cum Principibus, ob gravitatem, Italice; cum feminis, ob gratiam, Gallice; cum hostibus vero, ob terrorem, Germanice loquendum esse. Sed hac de re audi sis, non illepidam historiolum. Legatus quidam Germanus apud Imperatorem Carolum V. dicere iussus, quum sermonis & linguæ auctoritate Hispanos ad applausum commovisset ex iis unus ita censebat; opinione sua Germanicam linguam & graviolem & severiolem esse, atque se credere, & *Deum quum expelleret è Paradiso Adamum, & Angelum gladio formidabile, qui Paradiso custos datus est, terroris majoris causa Germanica lingua illum nostrum patrem increpuisse*. Cui Germanus non sine sale respondit, Hispanicæ linguæ non minus se magni facere pompam quam subtilitatem; & persuasum habere, *diabolum quum Evam circum venire vellet, lingua Hispanica, fraudum & callidorum consiliorum tragulis aptissima, usum fuisse*.

Optimum remedium à seipso.

B Ajasites I. Turcorum tyrannus (& talis proprie fuit) utebatur quodam æthiope apud Indos nato familiarissime & suavissime; eumque ob facetias & lepores plurimum diligebat. Accidit aliquando ut

do ut Bajasites castra metatus in planitie tentorium figi juberet, ad arborem quamdam sublimen. Hanc intuens, *Bre Areb*, inquit (hoc est, *Heus athiops*) *si me amas, in hujus arboris verticem conscende*. Statim æthiops, exutis vestibus, paret & scandit. Ad fastigium ubi pervenerat, Bajasites mandat Solachiis (satellites sunt, qui circa Sultanium equitantem in albis subuculis cursitate solent (ut ad motis securibus mox arborem continuis ictibus dejiciant & prosternant. Quibus strenue heri imperium exsequentibus, æthiops, arbore prope tota jam resecta, anxius & præcipitio proximus Sultani Consiliarios infra arborem stantes obtestatur ut apud Bajasitem intercederent, & vitæ gratiam impetrarent. Sed frustra eorum sollicitabat intercessionem, qui nec prodire in conspectum Bajasitis, ne dum unico verbulo eum compellare audebant. Æthiops itaque consilio ex tempore & re nata capto, strategemate extremum vitæ periculum antevertit, & subito solutis feminalibus seu subligaculis, ventris sordes, quas ipse timor non parum propellebat, excernit in satellites, qui arborem secabant. Hisce vero ad tam inopinam sordium grandinem ab opere diffugientibus, æthiops ex arbore se dimittit, & appellatis Sultani Consiliariis qui spectaculo præsentibus adstabant, *utinam Consiliariis vestris similibus idem hoc usu*

usu veniat, inquit, ut conspurcentur ! quorū verba tantum non valent quantum mea sordes. Proverbio dicuntur *Turdi malum sibi cacare* ; at hic sibi salutem. Tanti est à seipso & consilium & opem petere.

Præpostera liberalitatis ratio.

Dives quidam ad thermas valetudinis causa profecturus, hominem facetum & omnium horarum, comitem sibi adscivit, ut haberet qui cum ocium suum oblectaret. Antequam vero iter ingrederetur, rogat eum quanta opus esse putaret pecunia ? Ait ille, Id se non scire, sed suadere ut tantam sumeret quanta sufficeret, sic ut superesset potius aliquid quam deficeret. Recte mones, inquit dives : eoque tuum sequutus consilium, crumenam ad summum implebo. In via quum mendicus totus pannosus & famelicus eis occurrisset eleemosynam propter Deum petens, Dives diu in crumena quæsitum denariolum ei dat. Alter ille irato quasi vultu, Quid tu, ait, pecuniam usui nostro sumptam ita prodigis ? Nunquid meministi nos modo ad thermas ire, nondum reverti ? Quid si sumptus, deinde nos ipsos deficiant ? Dives serio hæc dici existimans : Nescis tu, inquit, quid ego agam. Misero huic denarium ego dedi quem ego ad regnum Dei acqui-

acquirendum mihi profuturum arbitror. Ergo tu, ait alter, denario Dei regnum te acquiraturum putas? Affirmanti; Si ita est, inquit, cur non ei quantum in crumena habes, largitus es, ut scilicet oretenus anima tua ad cœlum evolet? Mihi quidem rationes tuæ non placent: qui tantam pecuniæ summam corpori parum recreando, Dei autem regno acquirendo unum denariolum impendere velis? illic tamen semper, hic (in thermis) ad summum per viginti dies mansurus.

Remedium morbo gravius.

BEllo inter Florentinos & Senenses, quibus Galliarum Rex auxiliabatur, flagrante, civis quidam Senensis cum filio circa urbem obambulans, loca singula diligenter contemplabatur. Id animadvertens filius, ut se quoque militaris rei non imperitum ostenderet, patri locum monstrat, Hac, inquit, auxiliares Regis copię multo facillime in urbem recipi possunt. Tace, ait pater, mi fili, & melius ominare. Mihi quidem major metus est à theriaca quàm à veneno.

Somnolentia præmium.

EQues quidam Montricensis, haud magna cum re, ut ille ait, ambitiosus tamen

men & conservandi sui status cupidus, famulum conduxerat Martinum nomine, hominem mirifice somnolentum. Habebat ille amicum, non procul ab urbe rusticantem: quem invisere volens, ante villæ portam ex equo descendit, & Martino equum custodiendum tradit. Is manui implicitis habenis, mox in gramen se prosternit, & profundo somno occupatur. Præteribat fore lavernio quidam, & ab occasione invitatus, ubi hominem altum stertere animadvertit, accedit, & abscissis habenis quas Martinus brachio circumplicatas tenebat, ac novis è cingulo, suo factis, equum conscendit, cumque eo sese subducit. Non multo post Martinus evigilans, ac semisomnis adhuc circumspiciens, Ego, inquit, aut Martinus sum, aut non sum. Si Martinus sum, heri mei equum amisi; si non sum, habenas has lucrifeci. Quod postea in proverbium abiit, Huic mandes si quid recte curatum velis.

Aulica astutia.

Leo X.P.M. Princeps & ipse litteratus & litteratorum fautor liberalissimus, magnopere delectabatur si quis homo gravis suorum aulicorum artibus eo esset redactus ut stulte aliquid faceret: vel ut brevius dicam, aliena stultitia lubenter fruebatur; quod

quod qui amabili aliquo stultitiæ genere tenerentur, eos omnium felicissimos deprædicaret. Ad eum quum homo solidæ prudentiæ ac doctrinæ, à Carporum Principe missus, nescio quas litteras attulisset, inter sermones (uterat Princeps ille valde affabilis) bono illi forte exciderat, earum litterarum à Pontifice maximopere laudatarum, se esse auctorem. Pontifex inde ambitiosus aliquanto aut vanius ingenium ejus æstimans, ratus hominis animum stulta quadam opinione inflari posse, verbis miro artificio accommodatis litteras illas magis magisque dilaudare, ingenium ejus ad cœlum ferre: ille vero hoc agi sentiens, ut his quasi fumis cerebrum sibi obnubilaretur, ad pedes Pontificis procidens, sic loqui: Misericordiam Pater Beatissime, misericordiam tuam si non in me saltem libros meos imploro: id inuens scilicet, se ad stultitiam redactò, libris suis nihil aliud reliquum esse quam ut ad mendicitatem redigantur. Pontifex hominis ingenium & solidam prudentiam demiratus, magnificis donis ornatum à se demisit.

Aulicum strategema.

M. Musuritus, natione Græcus, Latinæ tamen linguæ, & Poëticæ facultatis imprimis peritus, Romæ ejusdem Pontificis

— L —

tempo-

tempore, in magna apud omnes, sed præcipue aulicos, (qui plerique litterati) erat existimatione. Is quum accepisset nescio quam Abbatiam valde locupletem vacare, properè in Curiam seu Pontificiale palatium se confert, id unum dispiciens quomodo ipse ad Pontificem accedere, & eum alloqui posset, quem sciebat ea, erga doctos maxime, esse humanitate, ut non facile cuiquam quidquam negaret. Quum vero nemo esset qui eum ad Papam, aliis tum negotiis occupatum, vellet deducere; interim metueret ne per longiorem moram ab alio præveniretur: Serapicam, hominem intimæ admissionis, & cui hoc unum fere curæ erat ut eos quos Pontifici oblectamento fore existimaret, deduceret, adit, & sic loquitur: Non diu est, quod & tu scis, quando Pontifex Dominus noster, Abbatem Cajetanum poetica lauro à se ornatum, elephantum insidentem per Urbem circumduci iussit. Equidem de me meisque verbis, ita sentio, multis parasangis illius hominis lutulentis non tam carminibus quam criminibus esse elegantiores; & ejusmodi coronam ac triumphum mihi potius quam illi deberi. Id ergo unice à te contendo, ut idem beneficium à Domino nostro petiturus, & ut ad eum sine longiori mora introducar. Hæc audiens Serapica pulchram & exoptatam oblectandi Pontifi-

cis occasionem sibi datam existimans, cum adit, & quid è nescio quo homine audisset, exponit: quem statim introducere jubetur. Musurius ibi ad Pontificis genua provolutus, Ego, inquit, seu sapiens seu stultus habear, Pater Beatissime, humilime rogo, ut Abbatiam illam (expresso nomine) in patria mea, Hydruntino scilicet territorio vacantem, largiri mihi digneris. Hic Pontifex quodammodo ob admissionis modum erubescens, ad cubicularium primò conversus, Tu, inquit, in posterum vale Serapica: hominemque voti compotem à se dimisit.

Adulator irrisus.

E Orum qui omnibus sese placere student, mos est in omnibus assentari. Ait quis ajunt; negat, negant, &c. Ex hoc hominum genere Pandulphus Petrucius; qui Senarum imperium invaserat & aliquamdiu usurparat, quendam circa se habebat, qui quamprimum Petrucius frigere se dicebat, frigebat & ipse; calere calebat & ipse: eisdem denique in omnibus rebus quos ostendebat Petrucius, affectus simulabat. Idem Petrucius familiariter utebatur Petro Pecio quodam homine admodum faceto: qui adulatoris istius mores fastidiens, aliquando

Petrucio ajebat: Equidem vellem ut gangrænam (usitata est apud Italos imprecatio,) *Canchro* (ut Merlinus: Cocalius) *te mangat, pedicus restante niente* tibi haberet. Quid ita? inquit Petrucius. Eò, ait Pecius, quod ineptus ille assentator mox quoque eandem sit habiturus.

Sophisticatio elusa.

Filium suum quidam ad Academiam nescio quam miserat, ad bonas discendas litteras ac disciplinas. Is ingenio suo obsequens, omne fere tempus in sophisticationibus & vanis tricis consumebat. Consuetis feriis domum reversus mirum est quam misere rusticos ac vicinos, quibuscum quotidie versabatur, tricis & cavillationibus suis exercuerit: admirabilia scilicet ingenii ac doctrinæ suæ edens specimina. Dum aliquando cum patre cœnaret, & quatuor ova mensæ essent apposita, Tu forte, inquit, mi pater quatuor tantum ova esse apposita arbitraris, at ego probabo septem esse. Ubi quatuor sunt, ibi quoque sunt tria, numquid hoc verum est? Assentiente patre, Numquid, ait, quatuor & tria faciunt septem? Inde quum conclusionem inferre vellet, pater quatuor illis apposis ovibus arreptis, Bene, inquit, fili, & acute argumentaris: ego interim quatuor hæc comedam,

medam , tu tribus reliquis esto contentus ,
Imaginarix arte imaginarius cibus.

Sui ne te africa.

M lles quidam lepidissimam feminam
Vincentiam nomine , quæ tamen cor-
pore quæstum fecerat , ita perditæ amabat
ut eam uxorem duxerit. Ea quum aliquan-
do in templum ad sacrum audiendum ve-
nisset , ac forte fortuna nobilis quædam
matrona eodem consedisset loco , & agnita
Vincentia , statim inde abitum moliretur ,
quasi societate sua indignam judicans ; Vin-
centia hilari ac subridenti vultu , non est ,
inquit , tu mea , ut à me fugias. Morbus
enim quo olim ægrotavi , nequaquaquam
est contagiosus , nisi apud eas quæ eundem
morbum amant.

Tene quod habes.

A Rlotto plebano sacerdoti (cujus multa
faceta apud Italos scriptores exstant)
quidam suaserant ut quoddam suum bene-
ficium alicui (sic hodie loquuntur) resi-
gnaret , ille vero hanc eis narravit apolo-
gum. Fuit viator quidam , qui cum alio in
hospitium delatus post cœnam eodem cum
illo cubiculo inclusus fuit. Nondum ocu-
lis somnum ceperat , quum alterum illum
(qui socium viderat marsupium in quò
viaticum habebat , pulvino subjicientem)

è lecto se molientē audit, proculdubio numis illis insidiantem. Quare screare & sputare occipit, ut vigilare se adhuc ostenderet: ille vero alter, tacitus se in lectum refert. Non multo post insidiator ille idem molitur sed screatu rursus abigitur: dum interim miser viator numulis suis timens, totam noctem insomnem exigit. Unde sequenti nocte marsupium non pulvino subjecit, sed in medio cubiculo deposuit, ratus melius esse numulorum facere jacturam, quam metu & insomnia cruciari: & sic per totam noctem bene ac suaviter dormivit; mane vero marsupium evisceratum invenit. Idem, inquit Arlottus, ego de meo faciam beneficio. Ad Pontificis pedes deponam, cum conditione ut sumptus mihi restituantur; nec mea interest cui illud postea obventurum sit. Quamquam, ut hodie esse tempora video, valde dubito an & hoc sim facturus.

Ingratis nihil gratum.

AB amico quidam cum aliis ad prandium invitatus, quum gallinam præpinguem sed male assam ac semicrudam adhuc vellet scindere, *Nimis mature, inquit, amici ad mensam consedimus. Quantum enim ex hac gallina video, non ad prandium sed ad cœnam invitati sumus. O ingratum & impudentem convivam!*

Sapien-

Sapientes non qui sunt, sed qui putantur.

H Abebat quidam Princeps in aula sua nobilem juvenem, non ineruditum illum quidem, sed nihil magnificum spirantem, minimeque ambitiosum. Accidit quum Princeps inter aulicos munia quædam distribuisset, ut hunc quoq; juvenem ad se vocari jussisset, sic eum affatus: Nosti tu, & profecto ita est, te vel generis tui causa, a me valde amari, eoque te promotum velle. Tu vero quando incipies te gerere ut officio aliquo dignus videare? Tum juvenis, Quandoquæ tibi, illustrissime Princeps, placuerit. Quid agis? inquit Princeps, an ego efficere possum ut tu sapiens aut officio dignus videare? Immo, inquit ille. Da mihi saltem munus, ut reliquis: certe non minus quam reliqui sapiens & aptus habebor. Hoc responso delectatus Princeps, hominem inter Consiliarios suos adscivit.

Præda ante victoriam non distribuenda.

M Aximilianus I. Imperator numquam satis laudatus, ab exteris quibusdam Principibus ad fedus contra alium fuerat invitatus, missa etiam jam facta spoliorum distributione, & sua cuique portione assignata. Ille Legatis nihil aliud quam hoc respondit. Est, inquit, Germaniæ nostræ Ci-

vitas: ejus viciniae prægrandis ursus plurimum damni dabat unde ei qui tam ferum & noxium animal interemisset, magnum erat constitutum præmium. Id quum intellexissent tres feroces & in consulti juvenes prædam hanc è manibus nequaquam sibi amittendam rati, vicinum adeunt hospitem, & ostenso animi sui proposito, rogant ut epulum præbeat; pro quo ipsi ea pecunia quæ ex interfecti ursi pelle confici posset satisfacturi sint. Accipit conditionem hospes, qui solus metum ab illa bestia multo pluris erat redemptus. Saturi illi, ad belluæ stabulum seu cubile pergunt: quam quum multo citius quam putarant, occurrentem vidissent, metu consternati, pro se quisque hac illac diffugere cœperunt. Et unus quidem perniciosior reliquis è saltu velocissime evasit; secundus in arborem celsissimam enixus est; tertius, vero quum effugere non posset, in humum se prostravit, & in faciem procumbens, spiritum continuit, ad quem ut venit ursus, nares auribus aliisque partibus jacentis admovet: quum vero spiritum nullum deprehendisset, quasi mortuum, seu cadaver æspersus, abit, & ad cubile suum redit: hæc illo qui in arbore sedebat desuper spectante. Qui mox descendens, cum socio, qui interea se quoque collegerat, quanto potest cursu se inde proripuit: & sic uterque
in prius

in prius hospitium revertuntur. Ibi qui in arbore federat eum qui mortuum se simularat, percontatur, Quidnam ursus ipsi in aures immurmurasset, Ille, *Hoc*, inquit, *ne posthac pellem, nisi capto prius urso, vendemus.* Quod quidem apud nos vulgi sermone etiamnum celebratur proverbium.

Ratio insidias deprehendendi.

AD Principem peregrinus quidam venerat, dicens se cum ipso privatim loqui velle, ac docere quomodo insidias quæ ei struerentur, cognoscere posset.

Iussit diceret. Dicit is : Da mihi talentum, ut insidiarum indicia audisse videaris. Dedit, se audisse simulans; hominis commentum & artem admiratus.

Fœminarum loquacitas.

CIVIS quidam facetus homo uxorem habebat, ceteroqui omnibus matronæ dignis virtutibus ornatam, sed loquacitatis vitio laborantem. Quam illa aliquando, nescio quam ob causam, in animi deliquium incidisset, & domestici ad herum trepidi accurrerent, nunciantes conjugii loquendi facultatem esse ereptam, ac mutam sedere, finite illam sic, inquit. Quod si illa sic pertenderit, nullibi melior invenietur mulier.

Sterilitatis excusatio.

M Atrona quædam ab iis quibuscum familiariter versabatur, rogata qui fieret, ut quum maritum juvenem ac bene dispositum haberet, nullos tamen ex eo suscipere liberos: Maritus meus, inquit, multis fateor ornatus est dotibus. Est enim bonus Musicus, bonus scriba, bonus etiam Arithmeticus, excepto hoc uno quod non multiplicat.

Male celatur mendacium.

Q Uidam plurimas regiones vix nomine sibi notas peragrasse se jactitans, mira admodum, quæ his & illis locis vidisset, narrabat. Tum audientium unus, Credo, inquit, in Cosmographia re diu multumque versatum esse. Ille, civitatis id nomen existimans, Non, ait, ibi versatus sum; vidi tamen eminus dum ad dextram manum cum navi præterveheremur. Belle.

Responsum impertinens.

C Ivis quidam N Spira veniens, nuncium habuit in via obvium: à quo rogatus, num Spiram posset attingere, Non quidem, inquit ille, hac tua hasta (quales portare solent nuncii) Non hoc, ait nuncius, quero, sed num in urbem intrare possim. Quidni? inquit alter, Tu non intres, ubi ego

ego hodie vidi currum fœno onustum , intrantem ?

Sapiens homo à quibus debet cavere !

R. **A** Zelo amantium 2. à rapina militum
3. à penna notariorum 4. à Subtili
practica procuratorum 5. à mercatoribus
non dantibus mutuo. Contra non renuet
prandere cum abbatibus; cœnari cum advo-
catis, jentaculum sumere cum commissariis,
aliisque magnatibus, celebrabit pascha in
ædibus suis, at quadragesimam ubique. Præ-
ceptores nostri sic nos instruere solebant :
quinque hominum genera frequentant
nundinas , 1. Emptores , 2. Venditores
3. Speculatores 4. ii qui spectatum ve-
niunt 5. trium literarum homines , vulgo
crumenisecæ , ab hoc quinto hominum ge-
nere, discipuli vobis cavete.

Homo cujus partis Orationis est.

R. **P** Articipii partis: quia partem capit ab
omni animalium genere sic multis
Struthio cameli ventriculus est, quia du-
rissima concoquere possunt ? aliis adest cor
Leonis, in quorum numero sunt milites qui-
dam ? plures *canis* natura gaudent ? quam-
plurimi *suis*, omnia promiscue devorantes,
infiniti *asini* complexione delectantur , à
gallis dicti , *Asnes à courtes oreilles*.

Avarus cui similis ?

R. **E** St similis porco , nam nemini prod-
est, nisi post mortem, sed invidus, ne-
que post mortem quicquam utilitatis ad-
fert, & in vita sua valde parum.

*Quare rex rhombuli , trifolii, cordis & ligo-
nis , quatuor chartarum reges sem-
per sunt pauperes ?*

R. **Q** Uia continuo sunt in lusu: juxta il-
lud : ludus homini perditio. Miser-
rima est præterea conditio eorum regum ;
nam si uni parti nimium pecuniæ detraxe-
runt , condemnantur ad ignem , & sicuti
magi in cinerem rediguntur.

Quis nasus est optimus ?

R. **M** Agnus vide Catalogum imperato-
rum Romanorum , omnes fuerunt
nasuti. Numa secundus rex Romanorum ,
sesquipedalem nasum habebat , ideoque
nominatus fuit Pompilius , quasi dicas na-
sus in superlativo gradu , Lycurgus & So-
lon habebant insignem nasum , si fides sit
adhibenda Plutarcho : Summa omnes re-
ges Italiæ fuerunt nasuti , excepto Tarqui-
nio superbo , qui ideo etiam urbe & regno
pulsus fuit ; quisque apprehendat nasum
suum , & videat num possit fieri imperator
qui habent magnum nasum cæteris sapien-
tiores sunt , & melius exercent animi fun-
ctiones,

etiones, quia melius excrementa exeunt :
Unde Homerus quia, erat sapiens, nasutus
dicitur ; Et proverbio illi dicuntur pruden-
tes, qui è longinquo odorantur, & de stu-
pido dicitur non habet nasum.

*Quanam est differentia inter sapien-
tem & stultum ?*

R. **A** Liqui mensuræ duæ vini discrimi-
nant sapientem à stulto. Nam cum
Doctor mensuram unam atque alteram bi-
berit, nihil differt à stulto, alii qui plus vi-
dent quam 25. Cæci cum-suis perspiciliis,
sic respondent, nullam aliam esse differen-
tiam inter sapientem & stultum, nisi quod
hic publice, ille privatim sive clanculum,
suam exercet stultitiam, certe in quibusdam
etsi stultitia foris non appareat, semina stul-
titiæ tamen intus latitant, sed qui se putat
aliis sapientiore esse, is stultorum impe-
rator dicendus est, etenim primus stultitiæ
gradus est aliis sese antepone, huic quæ-
stioni finem imponens vobis omnibus op-
to annos Nestoris, divitias Midæ, ipsius
autem auriculas iis qui non habent.

EXPONE VERSUS ISTIUS

EPITAPHII.

*ô Deus omnipotens vituli miserere Iohannis,
Quem mors præveniens non sinit esse bovem.*

Cor-

Corpus in Italia est, habet intestina Brabantus:

Ast animam nemo: cur? quia non habuit.

R. **E**st Epitaphium factum in honorem cujusdam studiosi nobilis, Heidelbergæ studentis, qui cum insigniter genio indulgeret, vinumque non pitissando ut decebat, sed plenis buccis hauriret, vitam suam abbreviavit: illius sensus est.

O Deus omnipotens vituli misere Joannis.

Vocabatur enim Joannes Kalb seu vitulus, quem mors præveniens non finit esse bovem: metuendum enim, ne si diutius vixisset, ex vitulo bos factus fuisset, corpus in Italia est, &c. Cum nobilis esset corpus ejus Italiam. versus missum, intestina vero ad Brabantos. Ast animam nemo, cur? quia non habuit, certe ebriosi neque vitam neque animam habent: sicuti Paulus dicit de vidua in delitiis versante 1. Tim. 5. vivens mortua est.

Privilegia Scabiosorum.

R. **S**i tres Sodales assideant & sint nisi duo vitra, Dominus Scabiosus habebit unum pro se, privilegiatus est, ut solus bibat, solus edat, solus merdet. Si octo hospites diverterint in diversorium, in quo sit curta suppellex, & sint nisi tres lecti, Dominus Scabiosus Privilegiatus est ut unum occupet.

occupet (ceteris omnibus ringentibus) solus dormiat, ita bene meretur de omnibus scabiolis: innumerabilia ejus privilegia sunt, hoc privilegium etiam in eos competit, quod leprosos nitore superent, quodque duo scabioli oculati plus videant quam ducenti cæci cum suis perspicillis.

Ridicula cujusdam agroti responsio.

Æ Grotabat quidam, & cum de ejus vita desperatum esset, cœpit parochus hominem admonere suæ migrationis, & inter alia verba consolatoria ita dixit, præpara te ad summam felicitatem, hodie enim portaberis ab angelis in sinum Abrahami: ad quod ægrotus, hoc mihi profecto gratissimum est: nam si longa est via non possum ire pedibus, adeo defectus sum & infirmus.

Estne mendicus præferendus diviti.

R. E St Quia Alexander totius orbis Monarcha invidebat Diogeni paupertatem suam dicendo: si non essem Alexander vellem fieri Diogenes. 2. Quia paupertas artes perdocet: necessitas enim artium, inventrix & ingenii largitor: revera dum pauperes student, divites abdomini indulgent: & quia paupertas semper in magno pretio habita fuit, adeo mendici immunes sunt ab omnibus vectigalibus & ubi;

ubique locorum jus municipale (quod quibusdam in locis multo constat) gratis obtinent. 3. omnes reges totius mundi, principes cives, &c. de jure divino illis tenentur perdere tributum & dare eleëmofynam, privilegium hoc illis nunquam deerit, quamdiu mundi hæc compages stabit, mendicos semper habebimus nobiscum. Verum quidem est quod multum adhibeant diligentiae, quo sibi acquirant panem quotidianum, at id illis commune est cum advocatis, procuratoribus & tota tribu furunculorum.

4. Cum per mare per terras currat mercator ad indos, idque sæpe cum vitæ periculo, soli mendici à latronibus liberati sunt, juxta illud.

Cantabit vacuus coram latrone Viator.

5. Cum obarati à suis creditoribus venter, in solos mendicos neque procurator, neque creditor, neque Magistratus ullum jus habent; quia caluum vellere difficile est, tonsi sunt usque ad cutem, estque illis domi curtissima suppellex. Itaque petentes ablegant, contra ab omnibus stipem petunt. Cives sunt totius mundi, cum cæteri homines una Civitate inclusi sunt, veluti Parisiis, Roma, Colonia &c. 9. Præterea neque fœda usura animam suam conspur-

spurcant, nemo illis fortunam invidet. videtis ergo paupertatem esse malorum refugium, miseriæ asylum 7. donum pauperis rustici, in vola manus portantis pauxillum aquæ ad Artaxerxem, nonne superat divitias 100 Dominorum? pauperibus enim nunquam d' est bona voluntas, & Thebanus Philosophus nisi cognovisset paupertatis prærogativam, nunquam projecisset bona sua in mare dicens. *Mergamur vos o divitia, ne mergar à vobis.* Fabritius id quoque exacte cognovit, cum rãpa sua prætulit auro samnitarum, magnus Philosophus nudus exivit civitate Brienia, Diogenes nunquam rupisset scutellam suam ligneam, nisi scivisset, naturam nobis de omni suppellectili satis superque providisse. Et certe tot homines docti non fuissent amplexi paupertatem, nisi gustum aliquem boni in ipsa percepissent, breviter mendicæ quiete dormiunt, non timeant crumenifecas, neque latrones nocturnos, neque opus habent heluetiis ad thesauros suos custodiendos, ut id quod res est, dicam homo qui paucis contentus est, perfecte dives est, imò ditio quam si possideret opes Cræsi & Alexandri pauper nihil potest amittere & tamen singulis diebus lucrum facit.

Milites

Milites, cui sunt similes.

R. **P** Arochus quidam videns aliquot templum intrantes, abrupto concionis filo sic illos aggressus est: vos milites, inquit, similes estis Christo? sicut Christus toti mundo exosus fuit, ita etiam vos hominibus exosi eritis; sicuti Christo multæ fuerunt tenæ insidiæ, sic & vobis insidiæ tendentur. Christus fuit captus vos etiam capiemini, Christus fuit condemnatus ad mortem, vos etiam condemnabini, Christus fuit mortuus in cruce, vos etiam moriemini sub patibulo. Christus rogatu cuiusdam fuit sepultus, vos etiam si qua gratia restat, sepeliemini, Christus resurrexit à mortuis vos etiam à mortuis resurgitis, Christus ascendit ad cœlos, at vos descendetis ad 100. mille diabolorum.

Historia jucunda de quodam Italo.

I Talus quidam opulentus, cum stipem optimam mendico erogaret, mendicus illi gratias egit, multaque fausta homini precabatur, atque inter cætera optabat, ut angeli animam ejus in Paradisum veherent: dives averfatus hoc votum respondit *piu ferro che se puo essere*, id est, serius quam fieri potest: divitias suas cognitæ, cœlestibus ignotis & adhuc sperandis præferens.

Histo-

Historia de Rege Philippo.

REgi summo Philippo obviam factus mendicus petiit largam eleëmofynam quia frater ejus esset, quæsiuit Rex ex qua parte, de Adam inquit, Rex jussit ei dare nummulum. Et cum hic diceret hoc non est donum regis fratris, respondit Rex, si omnibus fratribus tantum darem, nihil peritus retinerem.

Historia Lucunda de Parocho.

Militem puerulum è baptismatis fontè suscepturum, parochus interrogavit domine miles tunc idoneus es huic muneri sustinendo, ad quod miles, puto quod sic, tum parochus nostine præcepta Dei, ad quod miles quidni: tum parochus quodnam est primum præceptum, respondit miles, non vorabis, *du solt nicht Fressen*, erras perverse miles, inquit parochus, primum enim præceptum est, *non habebis Deos alienos in conspectu meo*. Imo regerit miles, dominatio vestra falltiur, nonne enim Deus statim à creatione præcepit: *de ligno scientiæ boni & mali ne comedas*. Gen. 2. tum parochus ô miles magna est fides tua superas me eruditione vel potius astutia.

Recita

Recita testamentum porci ?

R. **M.** Grunnius Corocotta procellus tale testamentum fecit: ego infra scriptus de visceribus meis dabo sutoribus seras, rixatoribus capitinas; surdis auriculas, caustidicis & verbolis linguam, Bubulariis intestina, Esciariis femora, pueris vesicam, Cynedis musculos, cursoribus & venatoribus talos, latronibus ungulas, musicis chorodas, epulonibus rostrum, rusticis merdam, succulis mammas, Virginibus caudam, nec nominando coquo do lego, ac vinolum, quæ mecum detuleram à quercubus, quæ ad haram, liget sibi collum, & optima amici mei vel consimiles vitæ, rogo vos ut corpori meo satisfaciatis, bene condiciatis, de bonis condimentis, nucleis, piperis ac mellis, ut nomen meum in sempiternum nominetur.

Focus Ciceronis.

Cicero cum à quodam cæna exceptus esset, satis parca & quotidiana, nam pene se nulli negabat, valedicens hospiti, tacite ei in aurem susurrabat; non putabam me tibi tam familiarem.

Diogenes Cynicus domum epulonis cujusdam videns inscriptam pretio venalem, quid dixit ?

R. **S**ciebam aliquando fore ut diuturna crapula dominum evomeres.

P H A L E R Æ P O Æ T I C Æ,

Recreationis causa adjunctæ.

Opum nimia Cupiditas quanta mala Proferat.

Propter opes acquirendas mala plurima fiunt.
 Bona deficiunt plurima propter opes,
 Propter opes se mercator dat mille periclis.
 Exponitque mari se, sua propter opes.
 Propter opes vetula sit sponsa puella marito,
 Ducit aulam juvenis vir quoque propter opes.
 Propter opes quandoque volens vir cernua sumit,
 Propter opes dat marito famina propter opes.
 Propter opes tolli patitur sibi virgo pudorem,
 Propter opes fit dempto publica propter opes.
 Propter opes, queruntur opes, opulentia crescit,
 Crescit avarities sordida propter opes.
 Propter opes, quæcunque prius promissa, negantur,
 Et data dicuntur non data, propter opes.
 Propter opes spes sæpe ruit, vota irrita fiunt:
 Summaque ad ima ruunt omnia, propter opes.
 Propter opes medicus sæpe haud bona pharmaca scribit.
 Ager & hac renuit sumere propter opes.
 Propter opes etiam carissima pharmaca fiunt.
 Quæ nequeunt inopes sumere propter opes.
 Propter opes inopes medicos accedere nolunt.
 Auxiliumque negant hi quoque propter opes.
 Propter opes lites injusta, injustaque dantur.
 Judicia injusto à judice propter opes.
 Propter opes, ditumque domos, inopumque per errant.
 Et capiunt fures omnia propter opes.
 Propter opes passim sunt praelia bella rapina.
 Pacis iniqua etiam fœdera propter opes.
 Propter opes quid non patitur miserabile mundus?
 Proditur arx, urbes regnaque propter opes,
 Propter opes nunquid Christum vendebat Judas.
 Et crepuit pendens arbore propter opes.

Propter

In Chymicum.

*Qui satur est vite, tractet perimentia vitam,
Arsenicum sibi, Mercuriusque vale.*

In tardos belli Duces.

*Ducunt, producant, longos pigra bella per annos,
Et vere nomen Commeruere Ducum.*

*Ducunt, perducunt, cum Rege & principe cives
Ad miseram resem, sunt iterumque Duces.*

*Ducunt, adducunt, argenti pondera & auri
In proprios loculos, suntque manentque Duces.*

Beginna. Bogardus.

*A nigro hoc differt albata Beginna Bogardo,
Bajulat hac agros, bajulat ille sitos.*

In Sixtum.

*Mortua, Sixte tua esi, vetus hoc inscribe sepulchro:
Hic jacet Elisabeth, si bene fecit habet.*

Querela senis.

*Quae me iuuerunt juvenem praeclare gerentem,
Omnia jam cessant, destituntque senem.*

*Quam vere morbus dicta est tristisque senectus
Corpore bis pueros, quae quoque mente facit.*

Monitio utilis.

*Oscula da manibus, genibus da, da pedibusque.
Si vera vis quid lambere, lambe caput.*

Vult non vult dare Gallia.

*Vult non vult meretrix, simulat se nolle quod optat,
Allicit, allectum vexat ut illiciat.*

Casti videri vult, & se vult ante rogari.

Praemia pro merito vult sibi magna dari.

O insensatos laqueis qui talibus haerent!

Prudentem Scorti quisquis ab ore fugit.

Ad Fratres Germanos A la mode.

O Alamodiste, Quid mos vult ludicrus iste?

Cum cattis quorsum Vobis tam flexile dorsum?

Cur digitum primam Ad fundum demittitis imum,

Curvati lumbos, Quasi tentent mitter bombos?

Cur nunc nodati, Nunc toti itis ligulati,

Nunc curtis bracciis, Nunc longis laxis

Et nun-

Et nunquam stabilem Portatis corpore vestem?
An laus est HANSSI, Quod fiat Simia FRANCI?
Annata est gravitas: Pudor est sic discere nugas.
Qui multum expendunt Apud hos qui talia vendunt,
Ah! redeunt multi Gallo de littore stulti,
Stulti ast majores, Hinc qui venantur honores.
Quod lingue ignari Galli sint nomine clari:
Quois titulum dones, Potius hos esse capones.

F I N I S.







